

MUATIANIO	1	
1.WUMO	3	
MWALI WA MUTWANTHUKU		5
MWALI WA LUMUMBA KWALIKA METHO		34
MWALI WA UTIIWA WA MBULU	38	
MWALI WA UKAMBA KUVIKA MAKOSI	43	
MWALI WA UTAVANYA WAWO	51	
MWALI WA KWIYATHA A	54	
MWALI WA KATIVA KEU		64
2.TWI OKA	74	
MWALI WA SYONZE	75	
MWALI WA UTOONI	83	
MWALI WA MAMINGETO	86	
MWALI WA MAUNI MA MINGETO		91
MWALI WA ASOMI NA USOMI	93	
MWALI WA MAMBOYA MANDEKE	102	
3.KIMISYI	115	
MWALI WA MUTUMIA MUSOMI MUI MUNO		116
MWALI WA MWALIMU	123	
MWALI WA ANA NA MASII	132	
MWALI WA MWAKA WA ANA MA MASII MATHI	133	
MWALI WA NDATA		135
MWALI WA WAKUASA	138	
MWALI WA AA SYOWEU	157	
MWALI WA WAKALIOKOO	165	
MWALI WA NTHAKYE	169	

MWALI WA SOUSA	173
4.AA WAMWENDYA	186
MWALI WA SAVETHI MUVULANYE	187
MWALI WA NISIKANA NAITU	189
MWALI WA ASANI MA MBOSWANA	194
MWALI WA LAMAVOSA	195
5.MATHINA	202
MWALI WA NDINGITALI NDUNDUU	203
MWALI WA MAWITHYULULUKO	206
MWALI WA MUTWE MUTHEI	212
MWALI WA NZIA YA UKENGAWA	214
MWALI WA MALAA MATUNE SUMU	216
MWALI WA MAKAA MAVIA NA VETULO	217
MWALI WA MUNWA MANZI	218
MWALI WA MBOLOSYA NA NGUNGUU	219
MWALI WA UKOMBO WA SYINDU	221
MWALI WA KUNGETHYA	224
MWALI WA KUEA KUVUKU	229
MWALI WA MAVINDUKO	235
MWALI WA KWIYITUKA	241
MWALI WA NAI	244
6.KINTHINI	246
MWALI WA ILIKO	247
MWALI WA NDUU KAUNI	259

**WATINDISYA KIWU UKOONAA NDATA
NA MWEI THAYUNI WAKU -LUMI**

**ONGELAAA NDETO EKA WASYA
MBUA NIYO YIANASYA MALAA
TI KITUNDUMO -LUMI**

1. WUMO

MWALI WA MUTWANTHUKU

KUWAENDIE

NDINAVIKIYA KUKA NIONZIA

KUWAENDIE

NEEIWE NINGUTAVASYE SYAYU NA IKUOTEWA UNDUNGAE

KUWAENDIE

**KUTAVANAWA NAMATIWE NUNDU MUUMBI NDWATHAWA
KIIMA**

**NA NUNDU MWIAO WA UTIIWA NUSINDITE MWIAO WA
MAVINDA**

KUWAENDIE

**NIWAATIWE NI WANDIANDASA NAKE AATIWA NI
WAALIENZI**

II NI LAVOTI YA

UNDU TUULILIKANAA TUTAAKWONA KYUMBO

II NI LAVOTI YA

UNDU TULILIKANAA WANDIANDASA TWATULUKAA

II NI LAVOTI YA

UNDU TULILIKANAA WAALIENZI WATUSOMETHISYE

II NI LAVOTI YA

MUKULA MBOO ILI IMWE

II NI LAVOTI YA

KWATHIIA ANITIA MONASYE UTHYU SUA MAKIITE KIVINDU

NINISI NGUI NIWANENGIE MUNYALO LAVOTI

**NINISI WE NIWANENGIE NGUI LAVOTI
NINISI KITHOME NIWAUNENGIE LAVOTI
NINISI MUTISO NIWANENGIE KITHOME LAVOTI
NINISI MAKAU NUWANENGIE MUTISO LAVOTI -ETEELE YA
MUNYAKA**

**II NI ISITOLIA YA ULILIKANAWA
NUNDU THAYU NI KULILIKANAA MAENDIE NA MUVEA
YALILIKANWA NA MUVEA NITUVOOVASYA
YALILIKANWA NA MUVEA NITUOLAA IVOU
TVALILIKANA UKUMBAU WA AMWAENDIE NITWINYAATIAA**

**WASYAWA WEANIE WASAANISYA MUSYI NDUWA KIVALO NA
NTHI**

**WIWELI WAMBIIE KUKOOTAA UTA WETHEAKU
WIWENA WOYIE UTA USU UKASYIME - WENUKYA KAVII
WAVATWA USU WASUVYISYE KITINGI MUVINGO - EKA
MUNYAKA**

WIKANA TAKWA KOWEESI NOMUVAKA MUNDU ETATAE ?

**UTANAUKWA NDWAI UTHI KUSYIMA NA AKUU
MATHI WAENDAA SYAKU NA KITINGI KYAKU
MAISYOKA MEETHIAA UKULILE NA WAVIVYA
MASYOKA A MAVINDA MAINGI MATENA NGULO
NDWAASYOKA UTENASYO**

**WAIKWA ANENE NIMEETIKILILE UENDAE NA MAUSYIMA
VAKUVI**

WAENDEEIE KUSYIMA NA KITINGI KYAKU MUVINGO

WAENDEEIE KULEAA KUATIIAA NYAAI SYA NZYIMA SYOO
WEEWA MWITHI UU NDWAKWATIIAA SYOO
WAUNGAMAA VA WALEELA NOIKULA MAIMANTHA NGULO
SYOO

KILA WENDAA MYAKANI NI KUSYIMA NA MAKUNA UKU
MASYIMAA KUASA NA MAITWAA MALI USUENI
MASYIMAA KENYA KWA NYELELE ETHIOVIA NA SUNDANI
MAISYIMA NIMAKUAA MYAKA MAATIIE MBOSELA NA
TULUVYA
MAISYIMA MAUNGAMIWA NI MUSYIMI MUIITE KWI
MUNDUMUI

KUYEETIKILAWA UKASYIME KUASA UTE M USYI
KWOOU NIWATWAIWE KYA NDUANI WUMBE MUSYI
KWOONEKA KAVISI WEETIKILWA KULIKA NZYIMA SYA
KUASA
SYAUNGAMIWA NI AMAENDETEKWO MAVINDA MAINGI
MENDAA MALIVI AKUI MA NGUSU MATE NDETO

WAKUIE NGUSU YA AA NZYIMA MA KAYOLAA MBEE
UKUITE
WAUNGAMAA UKANYUNGIA NZEVE
UKUITE
NIWALEKASYA KITINGI KYAKU NTHI KIKAUUMA
UKUITE
NIWATHANAA NGALI ILA NYAMU IKWONEKA
UKUITE

**WALEKASYA NGUSU NTHI NOITONA MBOSELA NA
TULUVYA**

**MWAUMA KAYOLAA ASYIMI ANENE MAKWAMBATISYE
MITUKI**

MAUTWIKITHISYE UMWE WOO UTAIMITE

WATHI NA MAKUNA UKU USUENI

MEETIKILLILE USYIME USUENI KUI ETHIOVIA NA SUNDANI

MAVANGA WAMINA YAMBEE KU UKAMAUNGAMIA

NITA

MOONAA TA UTETONYA

NITA

MASAANIAWA NI UMANYI WAKU WA USYIMI

NITA

MAUTATAA

NITA

MENDAA UEMWE

NITA

MATEESI KWI KINENGO UNDU NISI

NDWAA

TULWA KUTIUUKA KULULUTIKA KANA KUVALUKA

NDWAA

ITIKILA KUVUTHYA AKUI MA NGUSU

NDWAA

IKALILA ANINI MAIKAETE IOSYO

NDWAA

ITIKILA KUENDAA TA NYONGA

NDWAAYA

NGATHI WIWEKA MWATHINZA KANA MWAKUNA UKU

KWITHUKIISYA

ONTHE KWAETIE MUUO NZYIMANI

KWITHUKIISYA

KWAETIE KUKATIHA NZYIMA

KWITHUKIISYA

KWONGELILE MALI NDUANI NA KIVALONI

KWITHUKIISYA

KWAETIE KWIWANAA NDUANI NA KIVALONI

KWITHUKIISYA

KWAETIE MISYI MILUMU KWONTHE

KUASA NAKYO NOKWENDAA MISYI

WATWAANA

KAYOLAA KUTWATWIE TENE

WATWAANA

MUNUKANI WA THAANA - WATWAANA MASAMBITI

WATWAANA

ETHIOVIA NA SUNDANI

AMATEWONI MASYA MIONZA YAKU TI KINDU

AINGI

MAYAMANYA A KITUMI

AINGI

MAYEESI KWIWANITHASYA ANDU MA MBAI MBINGI

AINGI

MAYEESI ATHONI MAYUKITAA KANA KUKITANITHWA

AINGI

MAYEESI KWONGELAA UMANTHI WA ONTHE KWONTHE

AINGI

**MAYEESI KUVULANASYA NTHAKAME IKAMINA MOWAU
AMWE**

WAI NGANDILI YA MUNDU EKA KAMUNDU TAKWA

WAKOOTAA UTA NTHUKU IKATILIKANGA VYU

WAKUAA MBOSELA MBINGI KWI AANGI WIO MUNENE VYU

WENUKA WATEMAA NA UIIMAA VYU

WENUKA MISYI YONTHE WATULUKAWA NI SYANA VYU

TUUNENGAA NDAIA MUNO NUNDU

WA NTHAKAME

TUUNENGAA NDAIA MUNO NUNDU

WA KUTWONYA NZIA YA KUUNGAMIA

TUUNENGAE NDAIA MUNO NUNDU

WA KWILEA UUNGAMIE

TUUNENGAE NDAIA MUNO NUNDU

WA UUU WAKU WI MUTONGOI WI NGUMA

TUUNENGAE NDAIA MUNO NUNDU

WA MISYI NA MOTUI MAINGI

WAEAA NA KUOTA
WAEAA NA KUKILYA
WAEAA NA UUU
WAEAA NA KWITHUKIISYA
WAEAA NA KUTONGOESYA

MBOYA YA AKALA WATUETEIE NOTULILIKANAA
TWITHUKIISYE
NGAI MUKUU
TWITHUKIISYE
NGAI MUKUU WI MATU
TWITHUKIISYE
NGAI MUKUU
TWITHUKIISYE
NGAI MUKUU WI METHO
TWITHUKIISYE
NGAI MUKUU
TWITHUKIISYE
NGAI MUKUU WI MOKO

MIAO MUMBI WEEYIAIYE AWIKYA WOO WAETIE
NOTULILIKANAA
VUNDIASYA ANDU
VUNDIASYA KUTHAMBAA
VUNDIASYA MIKALILLE
VUNDIASYA MBOYA
VUNDIASYA NGEWA

**MATHEKASYE NA NGEWA SYA AAUMAE
ONTHE MAKEETHUKIIASYA
AMWE MAKOOSA UKUMBAU
NENGANA E UMANI UENDEEE
NIWISI SYINDU MBINGI KWI UNDU UUTALITHYA**

**NIWAVEVEEIE EE MUTWANTHUKU - KANA NO NTHAKAME
INYA NA SYANA SYAIINGI MAKWIE KIVWESI E MUNINI
INYA AATIE WATHO WA MUUME ATHEUKISYE MBUI
IYATIELE**

**ATIIE AMATIELE SAVU NA AKUIA SYANA NYAMA
AENDIE NA KANA KAMWE KA KILA KIVETI**

**INYA AATIE NZIA MAKUNA UKU MESILAA
NIMAUNGAMAA KIVWESI NUNDU VAI KIWU
NIKYAUNGAMISYE AKI MA LELI NA MA SIKOTI
TUYISI YUA YOOAIYE INYA NA AANGI VA NA INDII
AI KANA KATAMANYA ISU**

**ESIE UTAVWA ISU IKUTHA AUMISYE MBEU NA OOMBA
MUSYI**

**AVULASYA LIU WA TUMINYAMBU NA AINDI MALELI E
MUNINI**

TIWE WEKA NGILA SITU NOSYAVULASYA IKAVITYE MISYI

IMWE NOSYESIE KUKWATITHWA KAMUNOO I LELINI

**IMWE SYAVULASYA LIU NA SYUMA KUMA SAVO KUVIKA
ILOVI**

**MBEE NOMESILAA KWO MAIMANTHA NZYIMA MUNYU NA
IATI**

**II MAVULASYA NISYAVITISYE MISYI MINGI UKAMBA
NDUKAAKULYE WUMO WA KITHIO KYA UМЕНА ANUVI
KYASYAIWE MUTAMBONI MAETWE MAVUAE NGILA MAKUNA
UKU**

AATIE LELI MYAKA TA ITANO

**AEIWE NI WEU E MUNINI
AKOLANILWE ENA ANGI NI NZUENI WA MAKWANGOMBO
LELI YAI YAVITIE MUKAA
AI OOSIE USIA WA NDEI
NOWESIE KUTUNENGELELYA WO**

**AKOLANWA ATWAIWE KINZAVI ATESI MAKE
AVUNDIWE KUU KUYAI MULUNGU
AMAMBEE KU NAKE NIMAAKIE IKANISA YIOVO
AMAMBEE KU NIMATWAANITHAWA NIMAKWANGOMBO
ATWAIHIWE KAMENE WA MAVIKILA MBUA**

**AMAKWANGOMBO MAAKITE KINZAVI NUTHITHU
MENDA KUNGI KUTHITHU MOOKIE KANGUNDO
OOKIE
KANGUNDO E WAMOKO
OOKIE
E MUVISI**

OOKIE

E MUTEMI

OOKIE

ATE KATHEKA - EMUTUSYE NI MBULU

OOKIE

ENA UKYA WAKUMAKIA

LELI

YAI YAMWETISYE

LELI

YAMUVUNDIITYE NDAKAMAKAE

LELI

YAMUVUNDIITYE AKILASYE

LELI

YAMUVUNDIITYE AKUNIKAE UTHYU

LELI

YAMUVUNDIITYE OMIIASYE MATHINA

NDEESI

MAKE NIMAVITIE YUA YA NGALI NTHUNGU NA NDULU

NDEESI

NUKAKWATA KALUNGU

NDEESI

NUKAKWATA SYANA ISOMA

NDEESI

NUKANENEVA WITIKILONI WA UKAMBA

NDEESI

EMU NIKAMUNENEVYA AIAE NTHEMBO SYAYO

AKWETE

KWAKA SYA UKOMA MBULU KANGUNDO

AKWETE

KUUUA MBULU KANGUNDO

AKWETE

KUTEMEA MBULU MUUNDA KANGUNDO

AKWETE

KUIMIA MBULU KANGUNDO

AKWETE

KWAKA MAKANISA KANGUNDO

AAKAA MAKANISA NA UTUIKA MWINGI

AYUMBA MAVALI NDAKA YAMBAA KUANGWA NI NGOMBE

YAMINA KYUMWA IANGWA NANDU YAMBEE

YAMINA KINGI IISYOKEWA NANDU

MOOMBWA NIWE WEEVIVIASYA

MITUKI NITUNATHAISYE YIKANISA TWEEMANGYE

TUYAAITHIA IVALI IKWU MAMINITE MYAKA MIONGO INA

TUNAAKIE ONAMO MEMASEO KWI MAYU

NIMO ITUI SYA UKUA IYEU

UTUIKA WAKE MYAKONI NIWISIKIE MUNO UKAMBA

NIWAVUTHITWE MUNO

NIWAVUTHIAWA

**KUUIA KIVETI
NIWAVUTHIAWA
KWAA KATHEKA**

**NIWAVUTHIAWA
KWAA MUNUKU KANGUNDO
NIWAVUTHIAWA
UTUNGATA WAKE
NOWESIE
UKWATA SYANA
NOWESIE
KWISOMETHYA
NOWESIE
KUUIWA NI KAMWE MATHEKA**

**NOWESIE
KUAIA AUME ITHEKA NZEO
NOWESIE
UKWATYA SYANDA
NIWASAANITYE OTAKU - AUIWA ITHEKA YAMBEE
NIWAALIENZI
AMOMBANISYE KAMBINI ALEA KUMATWILA TULUNDA
AUIWA YAKELI NO USU ANENGIE MUKUUE NA MUINAE**

**O USU ESA KUUA KYAKE
ATILILE KALUNGU ANENGA MUINAE UNGI
MUSYI NUTALAWA ITHEKA YU**

**INDI NO TUMUKI TUTAI MUVIA KANGUNDO
ONA TWASOMA NO TUMUKI**

**AUME MAKE ATANO MAYAAUMIA AA NDIA NIMAMINIE
KYOKOLONI**

**UMWE NIWAENDIE ALIENZI - UNGI ATWIKA VUNDI WA
IALA**

**UMWE NIWATWIKIE INISIVEKITA WA VOLISI SYAMBEE
KUU**

**UMWE NIWATWIKIE WA SINGINOO KAUNI WAKELI -UNGI
MUIMI**

EITU ELI MAKELEWE AA NDIA NA MATWAWA

**AMINITE MYAKA MBEE WA MIONGO ITATU KANGUNDO
EEWIE NA KIWE KWAI MUNUKU WAKE IKUTHA
ALISILE KISULULU ESILA MWALA NA KITUI AVIKE IKUTHA
AKULIILYA AMONWA
AIKOMWA NI KYA MWANAAITHE AATHA NOTUKU**

**AKWATA MUSYI NA MALI AMBIIYE KWIAA MBESA SYA
EMU**

**AMBIIE KWOSA SYANA SYA KUASA IKOMAE KWAKE
IISOMA**

**AIMA NA UTUIKA LIU UKATWAAWA THIKA NA ILOVI NA
NDINGO**

**AIMA MATUNDA NA MALAA ONTHE MAETEAWA MBULU
KENYA**

**AIMA KUVIKA NGAVANA OOKA KWONA MUIMI UU
MUNENE NIVO**

MBULU IYAI NZEO ONA SYASYA SYAI ETIKILI

KAWINZI WAENDAA NA KYEVI NONOOKU NA KAKITI
NEEWIE AIMWIA -LISA KASULULU SAA NYANYA UTUKU
WUMBANO UKAMBIIA SAA ILI KWA NTHANZE
AI MUKUU KWI KAWINZI UTAKUAA NYEUSI

TWAMWIYIIVANISYE KAWINZI AKWAMA AKUITE KAKITI KAKE
TWI TUVISI ATWIA TUTINDIKE KYEVI IKUKE
TWATINDIKIIE USINI YEETHIKA NA MUTWE KWA NGOLANYE
YESIE KUAWA KIOO AUMWE NATUMIA TUTEVO
YESIE KWISIWA NI KILINI IKASEUVIWE KITAMBAASYE

ONA ATHINWA NI MAKWA NGOMBO AI MWITIKILI VYU
OONA

MAKUASA MOKITE KYUMWA NIWAMETIAA LIU NA KYAI
OONA

SYANA SYA KUASA SYUKITE SUKULU NIWAITHOKASYA
OONA

MANDUA MATENA LIU NIWAMAATHIASYA
OONA

MANDUUKA NOWE NDUANI WANEENAA NAMO MAUITYE

NIWASAANITYE OTAKU

AIAA KIWU NZA KITHITHE ETHAMBA NAKYO KIOKO KI IA
AENDAA MUUNDANI KUIMA MASUILUNI

NOWAENDAA KUIMA NA MWEI WIYOO MAVINDA MAINGI

AUIWA MUSELE AKULASYA KAMENE -WONIE OOU -
NAIKOMA ATAUTE

NIWENDETE ESUKUUE MUNO

TWAMUKETHYA

TWAMUTULUKAA VYU

TWAMUKETHYA

**ATUNENGAA WA NZUKI NA NYAMA NYAISYE MBISU NI YA
KISUMO**

TWAMUKETHYA

ATUNENGAA MBEMBA MBIVYE ILI

**TWAYA ATWIAA TUIKETYE AA MWAITU LIU TA TWI
NDOKWE**

**KAMENE WAKE AUMITE MUSYI WA MAVIKILA MBUA
ATHONI**

MAKIITE YUA KWOO KIKUYU MAKATUA MWALA

AVAKWA WALELI NIWE TWAI NDUU MUNO

NGIANA KAMENE NIWAWANGAA KWOOU AKETINGA

**AVANDAA ILAA LOSI YA UNYUNGIIAA -- KISUNGU KYA
KINZAVI**

LELI NA KINZAVI SYEETISYE WALELI MUNO MUTHUKU

NIWAKUNIKITE UTHYU

NIWAKILITYE

ALEA IWEewa NIWAUMAA VA WASYIWIA

KWOOU NDEEYIELELEAWA

NDYAA ITHIA WALELI NUMITE MELEKA

EETIWE NDIELYE MYAKA ILI NINUKE

EETIWE MWAKA ULA NOOSIE YAKATATU

**EETIWE NITWAANITE MWAKA UMWE NDE MBEU
AISYE NOOKA NGATAVWA NIWAMUTUMANIE**

**WAALIENZI NGANDILI TAKU NIWATIIWE MUKUUE AKILWA
ASYAIWE KAU WA NDUNIA WAMBEE NAKWA WAKELI
NIWAVITIE MOWAU NA NZAA SYAATIYE OTAKWA
ASYAIWE MATE KATHEKA
MYAKA IKUMI NAKINDU IITHELA ATHI ALIENZI**

**NOWATHUTHISYE AMAMUATIIE MASOME
NIWAMAIVIAA VEESI
AMWE NO MATATIE
ANGI MAVUTHIISYA
NDE MUTI NGALI ISU - WIMUKULYA**

**NOWAMBIE KWINUKA ATWAANE NA MAIME ONE SYA
KUENDEEA**

AMINA NIWAMBIIE KUSOMETHYA KUWASYIMAA

**AMBIIE USUENI ATHI KANGUMO KINYAA NA ALUMA
KANGUNDO**

ASOMETHISYE MYAKA MIONGO ILI NELI

**INGI INA AUNGAMIIE KYA ANDU AIMA KWAMASAKU
KWONTHE**

EELINGILAA NA KASULULU

MBULU ILA WAUMISYE YAINA NGONGOO YA ANA

NDAAMINENGWA

NYEUSI IYANENGAWA NGONGOO UKOLONINI

AIKOMANYA NIWAMINAA MWEI ATENUKA

NUNDU VALA NTHU YIKAWA TIVO IVALUKAA

NIWAMEISYE NGUMA NA NDUU MBINGI KWA MASAKU

**II NISYATUMIE ANENEVWA UUNGAMIINI WA KWAMASAKU
UKOLONINI**

II NOSYESIE KUETE UTHU NA ATETI MEIKA

**UTHU UU NOWESIE KUNDALILIKILA MAMBATA SYA KUI
MEMEKA**

NDAATUIKA TAKU UIMANTHA AAMUKAU

**AKILILE O NZIA NAMUTHEKEEAA NUNDU NAKILILE
MAUKANGA**

INDI INTHAKAME YAI NZEO NA YAI YA VITII

**VITII KUIMA KUSULUSYA NA KWENDA KISOMO MBULU
SYAMUVATIE**

ATWIAA TUMUSOMEET -- KIU NITWEANIISYE VATE NGANZA

WAALIENZI ANYUVIWE NANDU ATEVO AMAUNGAMIE KIVALO

NIWANYIVISYE UKI - NIWAAKIE MASUKULU

NIWENZITHISYE NZIA - NIWENZITHISYE MBENZI

**NIWAVANDITHISYE MITI IIMANI SYONTHE - ALINDITHYA
NGONGO**

MBEE MUNO NIWAETIE MUUO KIVALONI KYAKE

**WIYATHI WOOKA ATHUTHISYE MAKIVALO MAUE MASAMBA
ELI**

MUNOTI AMAKENGAA MAKANENGWA AA MA MBULU MANA

MAUIWE VAKUVI NA KITAMBAASYE

MAMUNENGAA NDAIA MUNO NUNDU WA MALI ISU
NOWAMBIIE NGWATANIO YA AIMI KWAMASAKU KWONTHE

AVILWA NI SIASA SYA WAMUNOTI
ENUKIE AIME ASOMETHYE AINAWA

ITINA NIWANENEVIWE AKANDIKITHASYE MA SILIKALI YA
KENYA

OONANISYE UTUIKA AIANDIKITHYA NA KUKELA
AMEUNENEVWA

AI SYINDUNI MYAKA MBEE WA MIONGO MUONZA MUSEO

NIWAIVIIE VEESI SYANA SYAKE NA SYEENE ISOME

EITU AKUU ELI MASOMEIE WALIMU WAMBEE - MAYAA
MUVIKILA

ANGI ELI MASOMEIE WISIKYA NA KUSUVIA AWAU - UNGI
LIU

MWANA UMWE NI NDAKITALI WA NDUUKA- UNGI NI
MUVIASALA

MAVISI ELI MASOMEIE KEMISITULI NA SIASA- IVISI YIMWE
NIYOAIWE

ESUKUUE NA NGANA ME NDIKILII IVITITE MIONGO
MUONZA

MAATIIE MUSINGI WA MUKA NAKE

KISOMO KYUMAA UEWANI WA MUSYI

INDI MAYAAVIKIIA NA MAIKAVIKIIA NGUMA YAKE

WATHANI NI KILA IIKA YIKAKIILAA YIKUU KISOMONI

WAALIANZI AYIYIAIA ANAAINYA AAMUKA MUINAWA NAKWA

**AISYE ITHE NIWALEILE MAKE MAIAIWA NGUNDU KWAKU
IKUTHA**

AATIIE WOO OULA WEEWIE AIKOMWA E MWITIKILI

**KWOOU MAKE MALEANAE NA KITHIO KYAUTUNGA
WAAITE MUSYI**

**KWOOU ATILA NYUMBA YAKE KUMA KUTUA KWAKU
IKUTHA**

WAALIANZI AISYE AUTWAE WAEMIE MATUNGWE MBAINI

NA SYANA SYOO IIATIHA AAINYA VO

AA MWENDWAU NIMAMINIE II SYA MBAI

NINA MUSEMBI WA MUKUUE WATIWE KWA WALELI

**NITWAMINIE SYA NGUNDU -INDI NIO KITHEKA KUNGI
IKUTHA**

WAALIENZI AI NGUMBAU NDUU NA NDAU

NIWEETHUKIIASYA ONTHE ONA SYANA

NIWOKITIAA KISOMO KYA ONTHE

NIWEESI KITAKAMIITE ANDUNI NTHI NDIKATAMBYA

NIWAVUNDIASYA ONTHE METHUKUMIIAE MAKE NTHI

NGISYAWA MUKAUTI NIWEEKUNDIKITE

NOONGA NO MUNYILI

MWAITU NAKE NO KIVUTI

MWENDYA MUINAE OOKA KWIKALAA NAKWA

WIA WAKE WAI KUMBATA KUYA MUTHANGA

MUINAWA ASYAIWE AKUNGA ATEMBEA NIO KIKUU

WALELI OONA NGIVUNYANGIWA KUYA MUTHANGA

AKANDWAA NIMA SYAKE

**NEEKUTHIIA MUTHANGA WITUUO WATHELA INDI WONZE
WALUMA**

**NAMBIIA KWIANA - KONAUTIALITYE NGYUMBWA ? -
WINDAVYA NOOKA**

NGISOMA YA MBEE NA YAKELI NO KUWAANGAA

NASUVIAWA NI MWIITU MUKUUA NGITHOKOEWA WONZE

NEEVUNDISYA KWIKALA NYOKA KUKILYA NOTHU KYUU

NINAKE TWAENDIE SYAKATATU ITAANISYE

NEEVUNDISYA KWIVITHAA - SYONZE IYENDETWE

NIYAKATATU NO KUWAANGAA - KWAINGIVIIA WAKANA

NAUNIWE NI WAMWENDYA NAKOMA SIVITALI

**ANDETEAA LIU - NAUMA NAISAA KWAKE - WASUKULU NO
KUVITA**

MAMUSYI MAI KUASA

KUYAI NGONGOO MAI MOKA NAYO KUNDITHASYA

**NDYAAVITA NESA NII NENE YA MUNGELESA KUU KANA
KWOO**

NAMBIIE KUSOMETHYA NINI NA UKALANI NGIYUMBANYA

WAMUNOTI AMBATA MUVOTHI WA MBOYA WAUMITYE NZA

**WAALIENZI AMBIIE NIMUNDUUME NANOMUVAKA NII
MELEKA**

WAMUNOTI NAANGI MAELEWE NITUSOMETHASYA

ITHOOI SYA NDEKE NA KUSOMA TUYAI NASYO
NAENDIE NDUNYU MBINGI NGYALA SYAA
NILILIKANAA KAINGI KIVETI KYA KINYUI
KYOOKITE NDUNYU NA SILINGI ILI MAKOMIE MATAITE
KYANENGA KYANDITHISYE KITHITU NGASOMETHYA NOOKA

NIENDETE MELEKA NESILE UNGELESA NASAANIWA
KUU TWAI NGOMBO SYA KUMAKUAA MENA MIIO YOO
KUU NITWAMAUIAA KUMAIMIA KUMATHAMBYA NA
KUMEVUIA

KYOO KYAI KWOLOTA KUTUUMA NA KUTUVUA NA KYA
NGUU

KWOO MAI NGOMBO SYA MAWIA KUU MEETAA MA
NYEUSI

NAI NA IVINDA ISEO NA MUKUUA WASOMEAA WISIKYA
KWO

NAI NA IVINDA ISEO AINGELESYA NIMAKUAA MAI TA MA
NDIA

NIWANDWEKESYE UMANYI KANA KALAVAA NOKAUNYAA KU
NIWANDWEKESYE UMANYI KANA MELEKA NIKWO KASYAA
MUNO

KU NYEUSI NO ILONGA - MBELEETE SYA KUATHWA SYIO
KYONGO

NAVIKA KIWANZANI MIAMI KISUNGU KYA MELEKA
KIYANGELEAA

NASUKUMIWE NZA SUANI NEETEELA MASAA MUONZA

NESIE KWOSWA NI NYEUSI YAKU YANDWAA UNIVASITI YI
MBINGE

**AMBUMBA MUOMONI NESIE KWOSWA NI MWALUMU
WESAVU MWEU**

ANDWAIE KWAKE NAMINA KYUMWA VO IIVINGUWA

**YAVINGUWA NANENGIWE KALUMU NA MUYAUTI WA YOKO
NZAU**

**NUNDU NAMO NOMAMENETWE TWESIE KUATHIWA VO
THINA WAI NINYE NAI NYEUSI YAMBEE UNIVASITI ISU
KWAVUNGWA NATIWE LUMU NDENA KYAUYA**

**NIKUSITYE NEVU NGAYE MAVIVANI NGAKILAWA NI
NGONGOO**

**NATUIWE NI MUYAUTI NDAKITALI WA SIVITALI INATWAIWE
ANDIVIIE VEESI MYEI ITATU EONA UKAVILA**

ANTHIMIIE SUTI NYEUSI TWEETAA YA NGULI

**WIA WAI KWIKIA ONASYE ANYANYAE NGULI YOOAAWA
NINZAA**

**MUTAVANYA MWEU SUKULU AMBIIE NUME KWO EIWA
NGOOAWA**

**AMBIIE NII YOKO NZAU NGONE MUTAVANYA MWIU
LEVALENDI OKINISI AI MWALIMU WAKE WAI NGUMA**

**TUENDETE NA KYEVI YA WALUMU ESAA KUWAIWA
KUKUA NYEUSI**

**TWAVITWA NI VASIVOTI YAKWA YA UNGELESA TWAI
KWONA AMAKE**

**OKINISI ANDWAIE NGAUNGAMIE KAMBI YA SYANA NYEUSI
NGYA**

YAVUNGWA NATHUKUMA OTELI AIMANTHIA SUKULU

**NATHUKUMAA NA NYEUSI MBINGI SYAUMITE MELEKA
YETHEO**

NANENGANAA LIU - MUUI TWAUMWA NI MBULU

**ETIKIIASYA KAMUTU KAKITHEKANI MAKASEMBA MAKETUUE
MASAMA**

ATWIAA KAUMIWE AVILIKA NI NGOMBO

**WIA UU WAMBUNDIISYE UNDU NGATHUKUMA SUKULUNI
YAKWATIKANIE IOWA KWIANENE NA NO MBEMBA MITI
YAMINIWE**

**NAIVIAWA SUKULU NATHUKUMA NZA KWAUYA NA IKONI
KWAI MAKUU AINGI ISUKULUNI NA VAKUVI
KWAI ALIMU AINGI ASEO MATAI UKAVILA**

**NEEVUNDISYE MAWIA MA MOKO MAINGI NIIVIAWE VEESI
NASOMA NA VITII NUNDU WA UUU WA INDUA
NUNDU MINOO NOYA MUTHENYA NA NDITUAA
NDYAMAKAA**

**NAVITA NESA MUNO NAVANGA KWINUKA
MWALIMU ULA WAIMUSEO MUNO ILASINI ALEA**

**ANDUMANA AMBIIE YAMBEE TI KINDU
ANENGA MBESA NA NGALI NITHI SUKULU WASOMEIE
AMBIIE NGIVIKA KU NINGWITHIA NOSIWE**

**AMBIIE NAMINA YAKELI NONINUKE INDI NDIKAINUKE
NEMWE**

**TWATAANISYA NAKUIE MASAA NYANYA KUVIKA KANISASI
WANDUMIE**

**NDYAI NDELEVA NZEO -NASEUVIIE KUU KUTAI NZIA
NASYOKA**

NAVINGIE IOO SYONTHE NA NAKUTHUKA

**KWIMBEVO MITHUMU NITWIKAA IMWE KANA IA IKAETE
KIVINDU**

**NUNDU KWEKIE UU ULUNGALUNI NAUNGAMA NTHILIITE
NAUSYA NAENDEEA MBUVITE NZEVE MBYU INYASYE
MITHUMU**

**NEETHIIE NIMWOSE NA NGANEWA LUMU YA KUIVA
UNI WAKE MAKUU MAMBITIA YAMANA NYUMBANI YA
KUOMBOWA**

**NATHAMA NATUA NATANO - TWEKIA VITII YA NDIA
TWAMINIE YA KELI MYEI NYANYA ONAVALA IKUAA
MYAKA ILI**

TWAMINIE MITUKI NUNDU WA KUSOMETHANYA

**TUYATHUKUMAA - TWAKOLANASYA MATHUNGII MIUNDANI
TWATESAA ISYEKWA NI SYANA SYATHWII TWASOMAA
IMWE**

**TWEKIAA WATHI TUANDIKITE MUOMONI UKWENDA OKE
ASUNGE**

INDI OKE NA KYAUYA KYA KUTIIA ENE

MAISUNGA TWAENDAA KUSOMA TUKENUKA MASUILUNI

**YAKELI YI UTONYI MELEKA OUNDU MWALIMU MUSEO
WANDAVISYE**

WAMIKWATA UNENGAWE KAATI SYA UKOVI MANA

**NAUIE KYEVI NZAU NII SILAKYUSE YAMBATHITE
SYAUSOMA**

**NALEA KUANDIKA MENDAA SYAKUU ITHOOI SYATILWA
NAMBIIA KUVALUA - KUTHAMBYA MAITI NA KUTHINZA
NGULUE**

**SILAKYUSE YAI NGATHIME ONA NAVATWA UTETHYO
NATHITWE**

NENDANA NA NENDEKA NATWAANA

ANTHUKUMIA NIMINE

**NAMINA YAKATATU MYAKANI ILI NINA MAAVILIKA ATATU
TWASAANISYA ALIMU - NGEWA ISU NOITUAA SILAKYUSE**

**NASOMETHISYE MONITIKILEA LATINGASI YONA NA
VULINISITONI**

**WAKWA AMBIIA YAKE YA KATATU OAITHUKUMA
ISUNGWANI**

**TWAVILWA NI MUTAMBAIKO - TWEewa NDWISIKIE
KUWUMAA**

**TWENUKA IMWE MUONZANI NIMINITE MYAKA IKUMI
MELEKA**

TWOOKIE KWIANISYA KITHITU NAITHIWE NI KIVETI KINYUI

TWAVIKA EMBAKASI TWAMBIIA KUTHINWA NI MUNOTI

SYOWINI AVINGIWA KULIKA KUU NAMWIKIIA MBONDI

TWENUKA NAMOOKITE KWONA MUTWAWA WOO

TWEEKIIWA MBOKA MUSYI

TWATHUMUANGA TWAMBIIA KUSOMETHYA KITAMBAASYE

TUYAAITHIA WANDIANDASA - NO KAMENE WAKE

AANGI MAKE NATIITE MAIOVO

**NIMATANIE INDI MAINA KIUUYU KANA TUKAKWATA SYANA
MWENDYA WANDEIE NIWATUMANTHIE ITHEKA
TWEKIE MBESA KAMBUNINI YA WAALIANZI NA
MAMUKONYO**

**NAMBIIE KUTUUA NTHI NISOME SYAYO NGASOMETHASYA
SYOWINI AUNGAMIITE MUSYI EWEKA MITHENYA MINGI
OASOMA**

**UMWE UITHELA KAMBUNI NIYAENDEE NESA - TWAKWATA
KELITU**

**WAATIE MOOYA YAVYA - KITHEKA KYA ASA KYAINIIWA
NAIVA NA MBOSELA NA TULUVYA TWAKU
TWTWOVANISYE TENE**

**KUYIWA NI MAMUKONYO KWI WOO UTATHELAA
KWATUMIE NIKOLA MAKAMBUNI MA AINGI KUVIKA YU
NAVANGA KWIKALAA NA MATHINA MAKWA NAMAKWA
NAVANGIE NGASISYE ISAVU USUENI KUTWAUMASYA
SYAUTA**

MAETEWE MAYASUVIA NAKWA NDYAAISUVIA NZYOKETE

**NGONGOO YAKULILE MBOO ILI IMWE NAASYA KILIKO
MWAKA**

**MUSYIMI WA MUSYI WAKU OOKIE KUNDIITA NDEUMANYA
MUSYIMI AISYE NIWOONA UKATIIA KWAKU NA EANISYA
MUSYIMI AISYE MUKULA MBOOILI IMWE E IULU WA
MUNDU MUI**

**MUSYIMI OOKITE NA NDOTO SYA WOVANYE WAKU
NAKWA**

**NALEILE KUTIIWA KWAWALELI NUNDU MUKUUA OWAIWE
VO**

**NATIIWE KWA WAALIANZI ONAVALA MUKUUE AI ANENGIE
NDATA**

**WAALIANZI ATIIE MUSEMBI WA MUKUUE KWA WALELI
EETIWE VAKUVI NA AAMWENDWAU AMATIELE
KWOOU NAVALUKILIILWA NIKWAKU INDI VE VANDU VE
VANDU**

**WIKULYA NUU USUVIAA UTA NA UMUNDU WEVINDA YAKU
TENE NA TENE NI IVINDA IASA MUNO
SYINDU NANDU NIVINDUKAA NA MAVINDA
NITWISI NITWAILE KUSUVIA UKWITU NA ITWATIIWE
NITWOOSIE UTA INDI UTA NA KUSYIMA IITUITHYASYA**

**TWOOLILWE KUTHOKASYA ASEO NA AMAITHA MATWIKAE
MAITU**

**TWOOLIWE KWIKALAA NA MUUO NA MAIKA ONTHE
TWOOLILWE KWIKALAA NA MUUO NA AVITI ONTHE
TWOOLILWE KWIKALAA NA MUUO NA MBAI SYONTHE
TWOOLILWE TWIKAE UU NUNDU MUNDU NI MUNDU**

TWAUMISYE II SUKULUNI NA MAKANISANI MOKOLONI

**TWAUMISYE VO TWEWA TUTIE SYITHIO SYAKU NEIKA
YAKU**

**TWAUMISYE VO TWOOLWA NI MIKALILE YAKU NA IIKA
YAKU**

TWAUMISYE VO TWOOLWA NI UMANYI NA MIKALILE YAKU

TWAUMISYE VO TWOOLWA NI MUIKIIO NA UTUIKA WAKU

NITWAEKIE KUVAKA NTHI MAUTA

SISYA ITHEKA NTHEI SYATEMIWE NA SYAVIVWA

SISYA NTHI YAUMANGIWE NI NZIA NA MATWIKU

SISYA KWA INDO NA NYAMU KUTHEI

SISYA MIUNDA YA LIU WA MUTHEMBA UMWE

SISYA NYEKI NA MITI YA KUNGI IKUAA MUTHANGA

SISYA TUIIIA SYAKUNGI IKUAA NYEKI NA MUTHANGA

SISYA ITHEKA NDWAE

SISYA MUTHANGA WA KUIMA MUAE NI VATALISA

**SISYA UNDU TWALEILE NYAAI SYA AMWAATHIMIWE NI
MULUNGU**

**AINGI TUYISI NTHI NIYENYU MWAENDIE YAITU NA
YAMOKITE**

AINGI TUYISI TUSYAABA TUKEANA TUKAKWIIA VO TENYU

AINGI TUYISI MWIAO WA UTIIWA NUSINDAA WA MAVINDA

**AINGI TUYISI NTHI NDIYUAA TUMYUAA TWATULA MIAO
YAYO**

AINGI TUYISI TIYAKULEKAWA YANANGIKE

NIVATONYEKA NTHI ITE THAYU IKATUANGA NA KUTUAA

NIVATONYEKA TUKAUMBULA

NIVATONYEKA MULUNGU AKATWIWIA TEI

NIVATONYEKA AKATWONYA NZIA INGI

NIVATONYEKA SIU MBUKU NDASA IKAVIKA MUTHYA

**MUSYI WAKU WIANDU MBEE WA NGILI ITANO WIONA
MATHINA**

**MUNENE NI TUITUE KAMBINI NDUANI KANA KIVALONI
TWIKALAA KUNDU KUTAANISYE MUNO
TUYONANAA METHO KWA METHO NA TUINYUNGIANAA
NUNDU NGONGOO IIVIKAA KILA IVINDA TUNEENANASYA
NA NZEVE**

MISYI NIYEETENGIE

**KILA MWIITU KANA MUNDUUME E KWAKE
KILA NYUMBA IEAA UNDU IKWENDA KI MIKALILE
NOWISI NYUMBA NITULANAA
LILIKANAA MUKUUA OWAIWE MUSYINI**

**MBEE WAVU NDINI UMANZI NA UKWATI SYAVITANA SYI
NDUUTHI**

**KILA KISEO VYU NI KWAALIANZI VAI NYUMBA ITE
NZOMU**

KISOMO NIKYO UTIIWA KIYU

**TUIKWIA TWI MALI YA MBOSELA NA TULUVYA TAKU
KUSYIMA KUTEMA NA KUIMA NOKWA KASENGELA**

TWI AANDIKWA

NIKWAVINDUKIE

MALI NYINGI NDUNIANI YUMAA MAKAMBUNINI

MAINGI MAMBIIE MBEE WAKU KUNGI

WALELI NA ANAE MAI TUKAMBUNI - MOYANIA TWAVYA

AINGI NDUNIANI NAANDIKWA TUTAUNINI TAITU

**TWAETIWE TUTAUNI -METHO MA ILIKO SYA NZA - NI USI
WA UKYA**

TWASYAIE TA NGI ITUUNI - KUWASYIMAA NO ANDU

VAII VAUTEMA NA VAKUIMA

VAII VA KUITHYA

VAII VA NZYIMA

AINGI

TWIKALAA TUNYUMBA TUTINENE NA TULISANITE

AINGI

TUUA LIU -TUIIMAA KANA KUITHYA

AINGI

**TUENDAA NA NGONGOO SYA SYOKIMAU SYA ELI ANA NA
MBEE**

AINGI

TUYISI MBAI - TWISI O ATUI MA MBAI INGI

AINGI

TUINEENANASYA METHONI -TUNEENAA NA NZEVE KIMBULU

**NIWAMBIIE KWENZILA MISYI MINGI WANYAIKYA NTHAKAME
NOKWATI**

TUYAA NYAIKYA KUWESILAA KWONTHE

**SYANA ESUKUUA NA NGANA MAKANYAIKYA- MUSYI
UKAVITWA NUU**

TUKANYAIKYA KWAI KWAKU NA NDUNIANI

NITWAMBIIE

**MWIITU MUKUUA E NAINGELIA KUTWATWIE NGILI ITANO
THELU**

**KELITU KAKE KANAIKUU KAITHUKUMIA KAMBUNI YI
VIASALA KWELI**

**TWAKWA TWILI NAMOO MATHUKUMAA MELEKA
MAKAMBUNINI**

TWILI TWA AINAWA TUTHUKUMAA MELEKA MAKAMBUNINI

TUU TUYIANITYE -NITUKWONGELA KUNYAIKYA MAMUSYI

TWANENGANIE MWIITU MUKUUA NAINGELIA

TWANENGANIE MWIITU MUINAWA UKANDA

TWANENGANIE MWIITU ILUMAITA MULEMBE

TWANENGANIE MWIITU MUKUUA KWA ATIKU WATEAA IVAI

**TWANENGANIE MUKUUA UUNGI UKAMBA -KWONTHE KWI
MISYI**

AUME ELI MATWAIE MWIKUYU NA MUMELEKA MWIU

AANGI MATWAIE AKAMBA

TUSYII NITWO TWINA UTIUIKA

**AUME MUONZA MATWAITE MAKINYAA KWAAKAMENE
WASYIMAA**

UMWE ATWAITE MUKIVUSINGISI -WAMETAA LUMBWA

MBAIKI ILI SYATALIKILE MAKINYAA

MBAIKI INGI ITATU SYATALIKILE MA NAMU LOLWE

TUINAMBA KUMINA KUNENGANE NTHAKAME

TUINAMBA KUMINA KWOSA NTHAKAME

TUINAVIKA KAYOLAA MASAMBITI ETHIOPIA NA SUNDANI

KILA TUKWATIIE NI KUSUKUMA AMAITU MOKITE NA UKYA UTEESI

KUMASUKUMA

MALIKE KISOMO KYA SIENZI NA UVUNDI

KUMASUKUMA

MALIKE KISOMO KYA KUTUA NA KUUNDA

KUMASUKUMA

MOMBE SYINDU SYA KILIA KYUMA VULASITIKI NA NZEVE

KUMASUKUMA

MALIKE KISOMO KYA KWAKA NA NZAU UTAAKAA NASYO

KINGI

TUUMATHUTHYA NI KUMYA KYAUYA SYINDUNI UTAISAA

KINGI

NI KUTHAMBYA KIWU TUIKEKASYE MANA

KINGI

NI KUMANTHA MUTHANGA UVITHITE KYAU TUTUMIA

KINGI

NI KUMANTHA LIU UKANGANI NA YAYAANI

KINGI

NI KUMANTHA NGONGOO NA NDEKE ITEUTUVUKYA

MATUKU AA TI MA KUTEMA

NITWAUSUISYE

NTHI NA YAMBIIA KUIA KWOYA NA KWOA

NITWAUSUISYE

NTHI MITHUMU YA NGONGOO MBUKU

NITWAUSUISYE

**NTHI NZEVE MBUKU TUIUNDA NA KUUA NA NGU NA
MAKAA MAYO**

NITWAUSUISYE

**MII LIU MUVUKU -TA NGITI MBYU- UUTUWASYA NA
KUTUAA**

**TUKAVITA TWAeka KUTUMIA NTHI KINdAMI NA
KIMITHITA**

TUYOOMBAWA TWANANGAE TWOOMBAWA TUSUVIAE

**TWOOMBAWA TUEE ANDU NYAMU ITHEKA NTHI NA
MOKANGA**

TWOOMBAWA TUEE YAYAYA TUKELOELAA NDATA TUIOTA

**MWATUTIIE MWAI ANDU ANDU TUMULILIKANAA NA
MUVEA**

NITWISI SYUU SYA THAYU SYUKAA TWAUNGAMA SUANI

GCMM 1971-2019

**MWALI WA KWALIKA METHO KWA
LUMUMBA**

1957

AKONGO TI KONGO NIYAMELILWE NI AKOLONI

**KWAKA WIWANO WA ASOMI AIU NA AKOLONI NIWO WIA
YU**

**KUSUMBIKYA ANDU NI KUTONGOESYA NA KUMASOMETHYA
ISU**

NENDEEAWA NI MUVANGO WA KAVOLA KAVOLA

MUVANGO WA MITUKI MITUKI NUUMIASYA ANDU

AIU MA KONGO NITUMWENDETE AKOLONI

NIMWATUTETHISYE MUNO

TWI ANDU TENYU

TUVATHUKANITWE NO IKONDE

TWOOMBIWE NI NGAI UMWE

TWITHAYU UMWE

TWIENDA MUTWENDE UNDU TUMWENDETE

TWENDAA NA TUKENDAA UTETHYO KUMA KWENYU

TWIENDA MUTUIKIE UNDU TUMUIKIE

TWIENDA MWIKALAE NAITU

1958

NININAAKIE KYAMA KYA AKONGO EKA KYA MBAI TAANGI

TWIENDA KONGO YA AKONGO

TWIENDA KONGO YA MUUO

TWIENDA KONGO IMWE

TWIENDA KONGO ITE UKAVILA

1959

NUNDU W A ANDU

NDI WUMO

NDI ASYAI

NDI MUSYI

NI NDOTO YA KONGO

**NUNDU WA ANDU NDIKAKOMA MATESUMBIKITE
NINYIE KONGO
N IYO YANDEIE
NIAKA KYAMA KYA UKWATANYA AKONGO ONTHE
NIAKA KONGO YAUNI**

1960

**NDI UTHU NA MAKOLONI MAMBIIE KUTUNENGA USUMBIKI
AKONGO NIMEUTUMA NDUU NAMO
AKOLONI MENDA KWIKALA KUU MEKALE
MATUTETHYE KWAKA KONGO NZAU
IKATUTANITHYA NA KUTULAUKYA ITHYOONTHE**

**TUTUNGIEI ALIMU AKOLONI INDI MAITUTAIAA
AKOLONI MAMINE KWITILA KWA KATANGA
ASIKALI MENYU METEELE KYAU KU
NIMO MEUNGENDYA KATANGA
VUTAI ASIKALI M A NZIVOVO MOMBUTU**

1961

**NDYISI KANA VALUA UU UKAUVIKIA MWENDWA
NDYISI KANA UIUVIKIA NGEETHWA THAYU
NINA MA KYAMA TUKITIAA WIYATHI MUTHEU KONGO
TUKITIAA KUNEWA NDAIA KIAKONGO
TUKITIAA WIYATHI UTE UMBAI UKOLONI NA KIVUTHYA**

MAKOLONI NIMAONGIE AMWE MAITU
ASU NIMAANANGIE NDAIA YA USUMBIKI WITU
NIMAVAKIE KIKO NA INYUNGYA KWISUMBIKA KWITU
NIMUKWU KANA NI THAYU KANA NI YELA NDIWA KUIIA
KONGO NIYO YA KUIIWA

MUIIKIIO WAKWA KWAYO NDUKATHELA
NINISI MAKONGO MAKAMINA AMAITHA MBULU MEKUU
AINGI MAKOOKILA MALEE KWIKALILAWA NI MAKUU NA
MBULU
KONGO NDIYOKA
OONTHE MEETHAISYE UKOLONI MAKAMINENGAE KWOKO

ITA SYA AKOLONI IKASINDWA NI AKONGO MAYITHASYA
II VUNDIASYA SYANA SITU NDEUTALITHYA KWONA
NINOKITIAA SYANA SYA KONGO IIKATHINWE TAITU
UKOLONINI

MALILIKANASYE ISU
UITHI WITIA ANGI MAMALILIKANASYE ISU

VATE KWISUMBIKA VAI UTHASYO
VATE NDAIA VAI UTHASYO
VATE UKWATANYA NTHI VAI MUUO
NDIKATULYA NDU ONA NOOVWA KUVUWA KANA KUNGEWA
NIKAVA KUKWA UYUKITIA KUKWATANYA NTHI YAKU

NDUKAANDIIE

**NINISI NTHI YAKWA ITHINITWE MYAKA MINGI
NINISI IKAKWATANA YUKITIE WIYATHI MAENDEO
NA WO**

NINISI IKAKWATANA NA AVILIKA

NINISI NIYO NGOO YA AVILIKA

GCMM 1961-2017

MWALI WA UTIIWA WA MBULU

KIVOI OONYA KILAVU KINYAA

KIWU KITUAA KYATWIKIE KITUI

**KWA MASAKU KWATWIKIE MAKYAKOSI -YU NI MAKOSI
NDIA NDASA YATWIKIE SAVO**

**ATHONI MAKUWA NZIA YA KUI KUKUNA UKU
NIYAVINGIWE**

NIWISI

NITWEESI NYAMU NA MALIU

NIWISI

NITHYI TWAITHISYE MAKINA KAUNI WAKELI

NIWISI

TUITHITYE KENYA TUKAMINA MBUI NA NGOMBE

NIWISI

NTHONGO SITU NITWAKUNIKIE TWATEMA KWASYO

NIWISI

NZUKI KASINA NA MUKULULYA WEIKA YOO NIMATWAI SYE

**TWI MBENUE KWA TWATUITE NAINGELIA NGILI ITANO
NTHELU**

TWAUMA KAMELOONI TWESILE MBANGUI NA KISANGANI

**TWATAANIISYE NA MAMANDELA KATANGA TUYUKA
KAYOLAA**

**TWAVIKIE KUU MAANA ANA MATHELU KUTE MUVEA NA
MUSUNGU**

**TWEKALAA NA MUUO NA ONTHE KUTWAVITILE NA
TWATUANIE**

KUU KWATWIKIE KWA MBULU ATA ?

AANZUKI NA AAKASINA NA MUKULULYA WOO NIMESI

UNDU MAMBATIWE KIMUNDU MATWIKALILAE

NIMESI UNDU MENA MBULU MATUVENIE MESILYA NA UKWATI

NOMESI NZALAE KANZIKU NA KUNGI MATUVENIE

KUTHAMAA NIKWATUSUVIAA

TUKAKA TUKATEMA TUKAIMA TUKAITHYA NA TUKASYIMA

TWAKAATASYA IIA KINAA NA INGI

TWINAA NGOMANISYE YU

TWINAA NIKWA NGWETE YU

NOTULILIKANAA KANGEE

NOTULILIKANAA MANGA

NOTULILIKANAA NGALANGO

TWIYA MATIALYO KUVIKA INDII ?

TWIYA MAKANDA KUVIKA INDII ?

MOOKIE KIVWESI IKUTHA KANGUNDO KWANTHANZE NA MULANGO

MATWIIE SYITHIO SITU NI MBUKU

MATWIIE TUYISI MULUNGU

MATWIIE MISYI YITU NI MIVUKU

MATWIIE KUANDIKA NOKWO UMANYI

NITWAVOYAA MULUNGU UNDU MBITI UNATUTIIE WAANDIKIE

NITWAMUTUNGIAA MUVEA KILA MUTHENYA

NITWAVOYEAA MIUNDA

NITWAVOYEAA NDITHYA

NITWAVOYEAA WEU

NITWAVOYEAA NYAMU TUISYIMA TUTANOAA

NITWAVOYEAA ANDU MBEE MUNO

NITWEESI WATHI NA UTHIANI

NITWEESI MUSYI NDUWA KIVALO NA NTHI

NITWEESI KUTANA TWANENGWA NI MULUNGU

NITWEESI

UVUKU NISYONTHE IKAIAA NA KUNYIVYA THAYU

NITWEESI

MUNDU NI MUNDU NUNDU WA ANDU

NITWEESI

UVUKU NIWA MUNDU NANDU

NITWEESI

USEO NIWANDU TI WA MUNDU MWENE

NITWEESI

NIWANDU NUNDU MUNDU NDATINIKAA EWEKA

NITWEESI

KUIKIIA ANDU

NITWEESI

KUIKIIA UTWI WOMWE KUI WUNO

NITWEESI

KUIKIIA NA KUATIIA KI KYATUWA NANDU MOMBENE

NITWEESI

WANYUVAWA UKEKE SYINDU SYA ANDU

NITWEESI

NDWASUMBIKAA AMAUNENGIE UUNGAMII WA SYINDU SYOO

MAUMITE NTHI YAINA NGOMBO

MAUMITE NTHI YATESAA NGOMBO

MAUMITE NTHI YA VIASALA WA ANDU

TWAI AIMI AITHI NA ASYIMI

TUYAI ASYIM I NA ASULUSYA MANDU

TWASO METHASYA AKA NA AUME ISYOO

TWASOMETHASYA KILA IIKA ISYOO

MOOKA KISOMO KYOO KYAI KYA AUME MEOKA

MUIMI NA NGATI MESILE KYU

YU NITWAMBIIE KUTATA KUSOMETHYA ONTHE

MWIITU WA NGALA AUNGAMIE KIWANDA KWOO

MWANAA MUTUA ASEUVASYA NTHAKAME KWOO

MBITI ANASOMETHASYA NA KUTAVANYA KWOO

USAINDI MASHIASYA UNGEI WA KULA KWOO

**WAITU AKAA MITAMBO YA NGALI KWOO TUYAKIWA NI
MA KYINA**

MOOKA AINGI NITWAMALEILE

MOOKA TWAENDEEIE KUSULUSYA KWA ATHONI

MOOKA NA NZUKI NITWAMUKUIIE MUTOKAA KUTE NZIA

MBULU NA MBEU YOO NO NGOMBO SYA ITOMO

**KWOOU MAYAI MALIKYA ONTHE MUUONI WA
MAENDEEONI**

NIMALEILE MITULILU NA ITHEMBE SYATAIAA MULUNGU

NIMALEILE TUISUNGIA MULUNGU

**NIMALEILE TUISUNGA TUYAKA TUITEMA TUIIMA NA
TUISYIMA**

NIMALEILE ATHEMBI MA AKA

NDUKAMAKAE

SISYA

TUISUNGA TUTHUMUITE

SISYA

TUISUNGA TUITA MAVISA NA TAILI

SISYA

TUISUNGA SYANA SYAULUKILYA KISOMO

SISYA

**TUISUNGA MWIITU WAITU AITUNEENEA NGOMANONI YA
NDUNIA**

SISYA

TUISUNGA WAITU AISEUVYA MUTOKAA WA SITIMA

TWI ANDU NA MATHINA MAITU

NITWISI MATEKWO KUI MAENDEEO

NO TUTELESAA INDI TUIVALUKAA

YILA TUKAVALUKA TUKOOKILWA NI TEI WA MULUNGU

NITWAVITIE MIONGO MUONZA YOO

**UNAKWIIIE TUIVAKUA UTIIWA WOO
NDANAUKENGIE?**

NDUKAAULWE KENYAATA AISYE

USOMI UKOLONINI WAI UOI WA MBULU

GCMM2016-2019

MWALI WA UKAMBA KUVIKA MAKOSI

SYOKIMAU NA KIMUNYOLE NIMATHANIE NGONGOO IKOOKA

TWINA AKALENZINI TUYEESI

IKOOKA IKUITE MBULU NTHUNGU NA NDULU

TUYEESI

MBULU IKANENEVYA MBULILI ITWIKALILAE

TUYEESI

IKALEA MWIKALO NA UMANYI WATENE WAKUU KWITU

TUYEESI

IKATUTWA NGOMBO TUMAKUAE MIIO NA MESILYA MOO

TUYEESI

**IKALEA TUIHI KWA ATUI NA ATHONI KUTHUUA
KWATHUKA**

TUYEESI

IKALEA TUIENDEESYA KUKUNA UKU

TUYEESI

SYAVANGITE KUTUVENA MESILYA MALI NA NTHI

**SYOTUNE KATUKE NA KIAMBA MUTWAUVYU
NOMATUUMIISYE**

MATWIIIE

TUIKAAULWE NITWALEILE KUKWATA NA KUTA NGOMBO

MATWIIIE

**TULILIKANAE TWAI ASYIMI KUU TANZANIA ETHIOVIA NA
SUNDANI**

MATWIIIE

TUENDEE KUVULANASYA NIMA NDITHYA NA USYIMI

**MBULU SYATUVENA ITHEKA NITWAINGIVIIE IIMANI NA
UKUMU**

**TWAVATWA NZYIMA WEUNI TULUNDA TWANYIVA NA NZAA
YAINGIVA**

**NDITHYA YAVATANWA MAUIYINI NA YATA NTH I
YAUNGUA**

MANGALATA NA MATWIKU MATHESWA NA MATHESEKA

ANINI TWASOMETHWA KIKWOO NA NDINI SYOO

MUINDI WA MBINGU ATETEA NGOMBE OOVWA

**ANINI TWASESENGWA NA MBAKI MAKONGE VAMBA NA
KAAWA**

ANINI TWALIKA MAU MAU

WAKAVENGULIA AUMA KYOVO ATWIA

UMAI KANU TWAKE KITU KONA IMWE NDYAA SUMBIKA

AVUTITHYA ANENE NA MANDILIKASA MATUTETHASYA

OOMBA MBAI SYA EITU NA ATEEA KANU IKYAMA

**TWAMUVANDIA MUNOTI IKUNDI SYA ONTHE SYANGELWA
TWOOLWA**

**IKUNDI NA MBAI NISYA ANDU ONTHE
TWOOLWA**

**KYAA KIMWE KIYUAA NDAA
TWOOLWA**

**KULINDA MATWIKU NA KUSEUVYA ITHEKA NI KWAKA
MATHAYU**

**ATWIA MASAMBA MA MBULU MAKANENGANAWA MANA
TWOOLWA**

**KUI KYA MANA KITAKAIVWA
TWOOLWA**

**YUUTIA YI MUMO
TWOOLWA**

KUVAKA MAUTA VATWAUMIE NIWO UMUNDU

MALU NA MULI MEKWA

MAKIVU MAUKOLONI MENUKWA

MAKIVU MA KYAMA KYAKE MAANDIKWA

ATWIA MIUNDA IKAIMAWA NA MATINGA

AA MUSYOKI MANDILIKASA MATUTETHASYA MENUKWA

THANTHATU NA ITANO OOYA MBEMBA NA AEKEWA

THANTHATU NA KENDA ATUTWAA MWEINI ATUNGIIWA

**MUONZA NEMWE AKANYIIA MAITU MIONGO ITANO NA
UMWE**

ATI MENDAA KUVINDUA SILIKALI

AVUTITHYA MUNENE WA MIAO

MANGALANGALA AMATWAA KWA NGOMO

**ASYA OSAI AMUENDA WIYOO NITUUSYAITHYA ANGI-
MAEKWEWA**

MENAKE MAMBIIA KWINUKYA ATETI MA MUNOTI

KAU WA MBAKA NA MBIA KUVIKA MUONZA NA NYANYA

ASOMI AINGI MAITU MEEKIWA SILIKALINI IULU

**TWANENGWA MIKO MAEMBE NA SITANGI TWAMINA MA
MUNOTI**

**KWOOKA NGOMO INGI TWATWIKA ITHOONTHE NO
MANGALANGALA**

**NYANYA NA ITATU EEWA ENUKYE ASOMI MEENDA KIVILA
KYAKE**

ASOMI MAUIWA YA KYOO MAMUVANGULAE

ATWIKA NOWE EWEKA MAENDEEYO MAIMA INGI

KUMA YA MUNOTI

TUI MUVANGO MULUNGALU WA KWA MASAKU NA UKAMBA

**MAENDEEYO MAONTHE MAKUNAWA NAA MUKUSYA NA
ANGI ANINI**

WATHANI NI MBAI NI NENE KWI AMATONGOESYE SIASA

**MAUNGAMIITE SIASA YU MAASYA MAKATUNENGAA KYA
ATHI**

NIMATAVIWE NASOMI KIUAA ANDU INDO NA MUTHANGA

**NIMATAVIWE TWENDA KIWU TWINZE MBENZI MAVAA
ONTHE**

NIMATAVIWE TUVANDE MITI

NIMATAVIWE

SUKULU SITU IENDEEE SII

NIMATAVIWE

ITHII SYA KAAWA NAVAMBA NO SII

NIMATAVIWE

TWEEKUTHIIA IIMANI NASYO NO SII

NIMATAVIWE

TWATEMA MBUSINI NASYO NO SII

NIMATAVIWE

TWAVIVYA MAKAA ITHEKA NO SII

TWOOLWA

NI NDAMBA SYAUVWIKAA MIUNDA TUVEMBA NO SII

TWOOLWA

NI MANGA NA MAKWASI KUVUNA NO SII

TWOOLWA

NI KAVULI KAKAMIWA SYAN A NASYO NO SII

TWEEIWE

TWIAKIWA KIWANZA TUKASUAE NA KUTANA -TWISYANA ?

TWEEIWE

TUKAETEWI KISESE KYA KUSEMBASYA NGALI

TWEEIWE

TWIAKIWA KISESE KYA UKUNAA MUVILA NA KWILOELA

TWEEIWE

TWIVANDIWA MALAA NZIANI TWILOELAE

TUKAKUNAA MUVILA TUMOSETE UU

TWI MITOKAA TUSEMBA NAYO

TWI MAKWILOELA MALAA TUITHINWA NI NGALAU

TUKATHAMBAA NA KIWU KYA MUTOKAA TA MUTUMIA

WATHANI NI

MASIASA MAITONGOEASYA MAENDEEYO ME OKA

WATHANI NI

KYA MBEE NI KUSUVIA MUTHANGA WUME SYINDU

WATHANI NI

UTONGOI WOMWE NDWI UKWATI

WATHANI NI

MATENE NIMEESI NDONGOI MUSYI NDUANI KIVALONI NA MBAINI

WATHANI NI

TUI ANDU MA NDONGOI IMWE

WATHANI NI

MASAKU NDATONGOETYE E WEKA - NIWISI MBOLI ?

WATHANI NI

AA MUINDI KALOVOTO UKU MUSYOKI NANGI MAI VYU

WATHANI NI

**MAKWATIIE KUSUVIA NTHI NA WUMO WAYO ISYAE
MAENDEEO**

TUI

MALONDU MA MUVIA UMWE

TUI

MALONDU MA KUUNGAMIWA MAENDEEYO NI ATETI OKA

TUI

MALONDU MA KUKENGAWA NA KIWU KYA MUTOKAA

TUI

MALONDU MATEUMANYA NDONGOI MBINGI

WIKULYA SYA MUTHEMBA MWAU ?

SYA KUOTA

SYA KISOMO

SYA VIASALA

SYA WINI

SYA NIMA

SYA MUTHANGA

SYA MITHUMU YANTHI

SYA MAVIA NA MAKAA MANTHI

SYA MAVIA MA UTANA

SYA NDEKE

SYA KIWU

SYA NDITHYA

SYA MATU

SYA UTAVANYA

SYA UVUNDI

SYA MATU

SYA UKANGA

SYA YAYAYA NA INGI ITATALIKA

**NA INDI SYA UTETI IKATUKULASYA MAENDEEO A
TUKWENDA**

TWIENDA

ATONGOI MATALUSANAA

TWIENDA

ANDU OONTHE MAKAKULASYA NIKI NA MAIKWATIANIA

TWIENDA

ATONGOI OONTHE MATE NZIKA TWAMATUMA

TWIENDA

ATONGOI OONTHE MATAKAIIAA MAENDEEYO TUKWENDA

TWIENDA

**ATONGOI OONTHE MAATIAA TWAVANGA NUNDU TWI
ASUMBI**

IVINDA YA

MALONDU NIYATHELILE ETHIWA YAIKWO

IVINDA YA

UTETI WA MII ILI NIYATHELILE

IVINDA YA

UTETI WA KUVIKA MAKOSI NDWAI MUMO WAONTHE

IVINDA YA

UTETI USU WAI O NDUUTHI YA KUTUTUMIAA

NDUKAITIKILE KUKATIIWA NI ATETI

NUNDU UNI WA UU MAKAUKAIA NAUKWIKYA

MAKWIA NIMAKWENDETE NDUKAITIKILE

VAI KINDU TA KYU MEYENDETE ENE

UTETI NDUISAWA TA YUUTIA YAKU

KIKATIVA NUE MUSUMBI

KWONANYA USUMBI NI KUTHUIMA UTONGOI UTANANYUVA

KUTHUIMA UKO WANA WIANI NA UIMA WA MUTETI

WATHANI NI TUIETEELA MIAMBA YIANE TUYONGWA

WATHANI NI UKAMBA IKAKIKWA MIAMBA ITANEANA

WATHANI NI IKAKIKIKA KENYA NA AVILIKA IIKIKIKA

NUNDU THAYU NA IVINDA NINDASA KWI IKANDA

KUIKILWA NDONGOI ITE UMUNDU

SYONGELEKEELE

KITUI NA MALOMBE WOO MAINAIKINDUNI?

MAKUENI NA KIVUTHA WOO MAIKINDUNI?

NITWISI II?

GCMM2016-2019

MWALI WA UTAVANYA WAWO

MAKANISA MA AKOLONI NIMATUVUTHASYA
NIMAVUTHASYA SYITHIO SITU
MAYOONAA TWISI MULUNGU
MAYOONAA VATA WA KUSOMETHYA ATAVANYA MAKUU
KWOOU TWASYA MUVEA NO MBULU
TWAATIIE MIKALILE YOO ONA KANU YANENEVYA AMWE
MAITU

UTAVANYA WAWO
NUSUVIAA ANDU MISYI NDUVA KIVALO NA NTHI
UTAVANYA WAWO
NUSUVIAA ONTHE METAWA ALEI NA ETIKILI
UTAVANYA WAWO
NIWITIKILAA NZEO SYA KITHIO
UTAVANYA WAWO
NDWONGAA IKANISA - WIMANTHIAA TA VAULO
UTAVANYA WAWO
NULEANAA NA UUNGAMII UUUMISYA
UTAVANYA WAWO
WI UKUMBAU UTAKIAA KINDU

NUSYAA
MUUO
NUSYAA
KISOMO
NUSYAA
MBOOVO YA KUUNGAMIA ANDU NA NTHI

NUSYAA

KUMINA KUVOYA TA NGYA

NUSYAA

KUSUVIA MISYI KUMA UUNGAMIINI MUVUKU

NUSYAA

**KUEA NGUMBAU SYA KUMBANYA NA KUKIKA ANDU NA
NTHI**

KALIUKI AUNGAMIE ANGLIKANI MULANGA MAUMAUNI

AAKITHASYA IKANISA KAU UENDEEYE

**VASOLILWE ETIKILI MAU MAU NA ASIKALI MAKINYANI MA
YESU**

VASOLILWE IVETI SITU IINENGA ONTHE LIU

VASOLI LWE NDATA NGUA NA NDUNDULU MAKINYANI ASU

**NOWAENDIE KUKIAKISYA KINYAATA MATILANITE MUIGA
KYOVONI**

**NGATU WA SIKOTI AENDIE NA KALIUKI KUKIAKISYA
KINYAATA**

**NIWAIKIITHISYE AINGI MAITHI NZA KUSOMA WIYATHI
UINYUNGIWA**

**KWAMBIIWA KUENDWA MWEINI NIWAULEILE NA AANDIKIA
KINYAATA**

MAKE MAVUKWA ETIKILE MWEI NIWAENDEIE KUULEA

**NIWAMBIIE KWIYIUNGAMIA KWA MAKANISA AVILIKA
YONTHE**

**VE VISA WAKE AKUITE IKUNIA NA MUONGO AITHYE ANDU
YUANI**

**NDINGI WA KATHOLIKI AIAVITHWA UVEA EEKIITE SYA
NZAIKO**

**AISYE ATWAWA MWEINI MAKE MATEATWAE AKAUTHUIME
KAU WAKAMA MOLO NIWATAVANISYE WUMO WA SILAA
MAKANISA MAKE MATWIKIE MISYI YA AMAVUAWA
NIWONGELILE KISOMO MAENDEEYO NA UTAVANYA
KUKWOKITAWA**

**NIWATHOKOANIE NA ANENE MA YIKANISA AIKILITHWA
ANENEVANGA**

EMU YAIVA MYAKA ISU ?

YIVA YU ?

**MUNYAKA ATUNGA MAVINDI KUMA MBULATHA YAAKILILYE
NIKI ?**

NIKI ITANEENEA KUI MWEINI ?

IKAMBIIA MAENDEEYO MAONTHE KWAYO INDII ?

IKAMBIIYA SUKULU NENE TA MBULATHA INDII ?

**IKAMBIIA KUIVA ATAVANYA NA MUVANGO WA KUIVA
KOTI INDII ?**

YII YA AAUMAU YIIVITHYA KUI KUYOYEA MISYI

YIIVITHYA KUI KUSISYA AWAU

YIIVITHYA KUI KWINIA MISYI NA AWAU

YITHOKOANIA UTONGOI WAYO NIKI ?

YIKAMBIIA KUMBULA INDII ?

GCMM2012-2019

MWALI WA KWIYATHAA

**KUMA YI TWAVATHUKANIE NA NYAMU TWATWIKA ANDU
TUIKIA UNYAMU TWEEKIIE MIAO TUIKATWAANAE MUSYINI
NA TUIKATWAANAE MBAINI NINI
UU NIKWASYA MUMWEI NDATWAA MUMWEI
ATWAA ANGI TA AOMBE KANA ATWII
MWIAO UU NIWO KITINA KYA MIVANGO YA ANDU NA
NTHI
KUVANGAA MAWIA MA AMAMUSYI MA MBAI NINI NA
NENE**

**MISYI NIYAKWATANAWA YUMBE MBAI NINI SYONGELE
UMANTHI**

**NASYO NOSYEEKWATANASYA NAINGI NINI UKWATI UTAMBE
II NINI SYAKWATANA NISYAAKIE I NENE TA AKAMBA
SYAAKIKIE NUNDU ATHONI MAYUNUVANAA KANA
KUKITANAA**

**SYAAKIKI ITHYOMO SYAI MBINGI NISYATWIKIE KIMWE
MYAKANI**

**WIA WAMBEE WA MBAI NENE NI KUMANTHAA MUUO
NUNDU KWI NDUUTHI NDUANI KIVALONI NA MBAINI KUI
UKWATI**

**NENE SYAKWATANA NISYOOMBAA TWITAA NTHI
KWAKA NTHI NIKUMANTHA ATAALAMU MA MAUNDU
MENDEKAA**

**ATAALAMU TA ANDU OI ASYIMI ESIKYA ASILI MAITA ATUI
NANGI**

**KILA MAWITHULULUKO MAINA MAKWIKWA SYENDEKAA
KWALE NIYENDAA MAUKWATYA MAKUYU ONA YAUVA IVAI
UKAMBA**

**NENE ITAANISYE NA MAWITHULULUKO MATAILENYE SYAI
NDUU**

SYAINA MUUO NUNDU IYASINDANIAA MIKALILE NA UKWATI

**MAWITHULULUKO MATHUKA NA UKWATI WANYIVA KUTWAI
TWATHAMIIAA KWA MBAI NENE MAYO MATENDETO**

**NENE SYONZETHWA NI MIKALILE UKWATI NA
MAWITHULULUKO**

SYETAANAWA NIINGI NENE NA MIKALILE YOO IYULA

**SYI VINYA WA UKWATI NA NDINI NISYANYEMELEAA MBAI
SYONZE**

**MBAI SYONZE NISYAMBIIAA KUATIIAA SYAIVINYA ONA
KUTE KAU**

**INDI MBAI SYAEMWA KUVULANWA NI UTWAANI SYESAA
UNGEANA**

INDI UNDU MAWITHULULUKO MAILYE NIWO NGOMO

**MATHUKA KUTHAMIIAA NINI KANA NENE NIKWO
KWATUVITASYA**

**NENE SYEETIKILA UUNGAMII IULU WASYO SYAKAA SILIKALI
YA NTHI**

**KWAKA SILIKALI NIKUMA MBAINI NAKWITIKILA UUNGAMII
WA MIAO**

**YA KUNYUVA MUUNGAMII NA MBASA - AVITYA MA MIAO
NA ASILI**

**NAINDI MIAO YA UMUNDU-TEI KUTANA INEE NA
KUIKIANIAA**

**TI UTHWII WAMWE UETAE UTUMWA NA KUAAA ANDU TA
NYAMU**

KWAKA SILIKALI YA NTHI TI KWAKA MWATU WA NGOMA

NIKUTWATANYA NTHI YOONTHE MAUNDUNI ONTHE

IKWATANAWA YEETIKILWA NI MAMBAI NENE SYONTHE

YAMBIIAWA IUNGAMIAE SYANDU MA MBAI SYONTHE

**IUNGAMIAE UKWATI WA KILA MUNDU -TWAII TWAUMIE WA
NGUTHU**

**YEETIKILAWA YONGELAE MUUO NA MALI YA NTHI
YONTHE**

**NDIOVU WAITU UNATUTIIE MITUKI NUNATULILIKANASYA
SYITENE II**

INDI KUMA MBULU SYOOKA NITWAIEKIE KWIYATHA

TUYEEYATHAA NUNDU TWATHAWA NI AKOLONI

**KWITHWA UTEIYATHA KIMUNDU KIMUSYI KIMBAI NINI NA
NENE**

NIKUVENWA UMUNDU NA UMANYI WAKU NA WA AMAKU

NIKUVENWA SYITHIO SYAKU NA AMAKU

NIKUVENWA MIKALILE YAKU NA A MAKU

NIKUVENWA UMANTHI WAKU NA AMAKU

**KIAIU MBULU ITANOKA MUNDU AI MUNDU NUNDU WA
ANDU**

KIMBULU MUNDU NIMUNDU EWEKA ANDU MATEVO

NIMAETIE KIKWOO KII KUU KWITU NA KYAMESYA MII

MAMBIIE KUVUNYAA UMWE KWA UMWE MAIMUNENEVYA

**MAMBEE MAVUNYIKIE MAANDIKWA KUKUAA MBULU NA
MIIO YOO**

MAATIIE MASESENGIWE NA WIA WA MUSYI

ANGI MASESENGWA NA USIKALI

UKOLONI UIKAMA NIKWOOKIE MAWIA ANGI

NOKWENDEKAA AUNGAMII MA NDUWA NA IVALO

NOKWENDEKAA MAKALANI

NOKWENDEKAA ALIMU NA ATAVANYA MA NDINI SYOO

NOKWENDEKAA ASULUSYA MA MIIO YOO

NOKWENDEKAA MAOVA ITAU NA ESIKYA

NOKWENDEKAA MAMOKO MASAMBANI NA MAOVISINI

AA ONTHE MAVUNYAWA KIMUNDU MWENE

**KWOU TUYIKALANGA MAMESYA NZASU MIYONO NA
NGULU**

**MENA AKOLONI NIMALEANILE NA MIVANGO YA KITHIO
MISYINI**

**MENA AKOLONI NIMALEANILE NA MIVANGO YA KITHIO
NDUANI**

**MENA AKOLONI NIMALEANILE NA MIVANGO YA KITHIO
KIVALONI**

**MENA AKOLONI NIMALEANILE NA MIVANGO YA KITHIO
MBAINI**

**MENA AKOLONI NIMALEANILE NA KWIKALA A NA MUUO
NA ATHONI**

**MENA AKOLONI NIMALEANILE NA KUSULUSYA SITU MBAINI
IINGI**

**AKOLONI NIMALEANILE NA KUTHAMIIAA KWA MBAI IINGI
KWATHUKA**

**AMAANDIKIWE UKOLONINI MBEE MANENEVWA
NIMATWIKALILE**

**NZYAWA NISYAMBATIWE NI KISOMO NA NDINI SYA
UKOLOLONI**

TI ISU SYOKA

NISYALEILE NA SYAVINDUA SYITHIO NA UMANYI WITU

NISYOOSIE ITHEKA SYAI SYANDU OUNDU AKOLONI MOOSIE

**NIMATUMIIE VINYA WA UKOLONI MAVENA MISYI NA
NDUA MALI**

**NUNDU MAIIA SYA KUVIKIA AKOLONI NIMAVITHIE
AMATUUMIASYA**

MAAKIE MAKENGE VINYANI WA UKOLONI

VINYA UU NIWAMEKIIE ITOMO

**ITOMO NAYO YAMONGELA MALI ITAATHUKUMIWA NA YA
KUYA**

**MALI NIYONGELILE KISOMO -KENYAATA WEETIE UOI WA
MBULU**

NO YAMONGELILE USULUSYA

II NA KUTWAANAA KWAINGIVYA AMOO

**MAEVELEELAA VINYA NA MIKALILE YA MBULU
ITOMO YA MATWIKE TA MBULU YAI VINYA
MAMBIIE KUYA LIU WA MBULU
MAMBIIE KWIKIA NGUA TA MBULU
MAMBIIE KWAKA TA MBULU
MAMBIIE KWINA TA MBULU**

**MAMBIIE KUTWAANAA TA MBULU
MAMBIIE KULEA KUATIIA UMANYI WITU MAATIIA WEENE
AA MATUTIIE NA MATIA USEO WA SYITHIO TWAATIAA
MATWIAA METETEA WIYATHI WITU
MAI ANINI - AINGI UKOLONI WATUTIITE NZA
MAI VISA WOKOLONI NUNDU WUMO NITHYI
MUNDU MUNDU NDAMILAWA KANA KUMELWA NISYA
KWEENE**

**MUNDU MUNDU AITHASYA NA AINYITHYA SYA KUWAUMIE
MUNDU MUNDU NO OSE SYAKWEENE IINGYE KWOO USI
INDI WIYATHI NIKWISUMBIKA KIMUNDU KIMUSYI KIMBAI
NA KINTHI**

**KWISUMBIKA NAKWO NI KUETE MUO EKA NDUUTHI
KWISUMBIKA NI KUETE MAENDEEO MA ONTHE EKA
KUMOYIA**

**MAENDEEO NI KWAKA KUMA VALA ONTHE MAI
KWAKA KUMA VALA MAI NIKUMONGELA MUO UMANYI
NA UKWATI**

NI KUSOMA SYI NDUNIANI NA KUNYUVA ITETHYA ONTHE

**KUNYUVA NI KWOSA NA KUKELA SYA KUTETHYA MWINGI
II IYIKAWA NI MANZA NA KOVI SYOO -SYIKAWA NIMA
NTHINI**

**IKUNIKAA ANDU ASUMBI MATUMA ASOMI NGILA
IKATHUIME**

MAETE SYA KWEENE IKELAWA NANDU

**TENE NITWOOMBANAA KIMUSYI KINDUA KIKIVALO NA
KIMBAI**

NITWAVANGAA AKUNI MIKUNILE NA UKELI WASYO

USUMBIKI WA UKOLONI NIWOOWAIE MIVANGO II

WOOMBANISYE MBAI MBINGI ITEESENE

WIMUKAMBA MUI NIWEESI AMAKWILINGILITE

NIWEESI EKUYU AEMBU ATHAAKA AOLOMA

NIWEESI AMASAI AATAITA NA ANGILIAMA

NDWEESI AMAI KUASA NA NDWAA MAMANYIA UKOLONINI

**KWOVANWA TUTESENE NI MBOLONGO YATULILE SYITENE
SITU**

IEMA SYALUMILE UKOLONI WATIHA KOVI SYOO

WANENEVISYE

MAITU MATIITE NA MATENDAA UMANYI WITU WATENE

WANENEVISYE

MEESI KASENGELA KA UMANYI WA UKOLONI

WANENEVISYE

MEESI O KASENGELA KA KISOMO KYA KWAA AKOLONI

WANENEVISYE

MEESI USULUSYA WA UKOLONI

WANENEVISYE

**MEESI ANDU TIMO ASUMBI -MAANDIKIE NIMAKATWATHAA
WANENEVISYE**

MEESI WOO NO KWATHA NTHI TA AKOLONI

WANENEVISYE

MEESI NIMESI MATESI

**MAYEESI KYAMBEE UUNGAMIINI NI KUMBANYA MBAI SYA
KENYA**

**KUMBANYA IMANYANE ISOMETHANYE NA IITWEKANISYA
UMANYI**

KUMBANYA IELEANWE NA IIVANGA

SYA UUNGAMIINI MUTHASYE

SYA KUNYUVA MUUNGAMII WEVINDA UTATINIKAA

SYA KUKELA AANDIKWA

SYA KUNYUVA AVITYA MA MIAO

SYA KUNYUVA AUNGAMII MA MIAO

**WIYATHI WAWO NIKWIWANA KUMBA UNI WA ANDU
ONTHE NA NTHI**

NDUMBIKAA

**ANDU ASUMBI MALEA UKULWA MANYUVE KIMEENDA NA
AMEENDA**

NDUMBIKAA

MUUNGAMII NA AANDIKWA MAIVANGA NA KUTWA MEOKA

NDUMBIKAA

MALEA UMANYI WATENE KUTWAUMIE

NDUMBIKAA

UMANYI WATENE UTEUTWEKWA NA WAYU NA UKUOTEWA

NDUMBIKAA

**NTHI UTEUTUMIA UMANYI WAYO IITUMIA WA KUNGI
WOKA**

NDUMBIKAA

NTHI IYUIVIWA NI MAKUNGI

NDUMBIKAA

ISOMO SYIO UKOLONINI

NDUMBIKAA

MIVANGO YA MAENDEYO MANTHI YIO UKOLONINI

NDUMBIKAA

ENE MATEUKULWA MAENDEEYO MEKWENDA TA UKOLONINI

NDUMBIKAA

ENE MAYUYIWA ITHEKA SYOOYITWE NAKOLONI

NDUMBIKAA

SYANA SYANENE IYENDEEWA KWI IINGI UANDIKWANI

NDUMBIKAA

ANENE MAYENDEESYA MISYI NA MBAI SYOO

NDUMBIKAA

ATETI NA AANDIKWA MEKALILE ANDU NA NTHI

**TWAMBIIE WIYATHI NA MIVANGO YA MAENDEEO YIO
UKOLONINI**

AANDIKWA MAITWA TA UKOLONINI MATEUTUKULYA

ITANO IITHELA AANDIKWA MAANDIKIE NIMO METUIVIAA

**IKUMI NELI IITHELA MASYA NIMAACKIE SILIKALI MALIKE
VIASALA**

**NIMALEILE MAWONI MA KWITHUKIIASYA ANDU KWIANANYE
MBAI**

**ONA KATIVA KEU KOOKA MAYAAVINDUKA
KUMAIVA NOITHYI NA KOTI WITU TUTE NDETO
MATIAA MAKOTI OVISI MAKAKUNE VIASALA KANA MAKOYE
TI AANDIKWA OKA MATWIKALIILE NA KUTUVINYIIA
TWEEIWE MA KUVITYA MIAO MAKATUNEENEA TA TUTE
MINUKA**

**TENE AANDIKWA AVITYA MA MIAO NA AKELI MAYO
MAYATINIKAA**

**TWOOMBANAA MUSYI NDUWA KIVALO MBAI NA TUINYUVA
MEVINDA**

**TWANYUVAA MATATINIKAA NA MATATWATHAA
NITWEESI MA KUUNGAMIA KUSILA KUTUMA ONA MA ITA
VE IVITYO YAU TUKASYA TWAI ASUMBI TUMBANITE
AVITYA MA MIAO MAMBEE AIU MOOLOTIWE NI MUKOLONI
UKU NA NGATI MAUMIE VAU -TIITHYI TWAMANYUVIE
ATETI MAMBEE UKOLONINI MAUNGAMIAA MBAI
MANYUVAWA NI AIU MAI MALI MBINGI**

**MUIMI AUMIE VAU -IIKA YAKE YANYUVAWA NANINI
TUIVIKIA AA NGALA NA MULI ANYUVANI MAINGIVANGA
AIMA ONTHE TWESIE UKUNIA MA SILIKALI YA KINYAATA
WIYATHI UYUKA MBAI IYEESENE**

**SYAMA SYA UTETI ILA SYAKWETE KUNENE NI KANU NA
KANDU**

SYASINDANIAA UWITIIWA UUNGAMII NI AKOLONI

ILA SYA MBAI YOKA T A KYA NGEI NISYAMELILWE KANA SYAUWA

**ITINA KANDU NIYAMELILWE KANA YAUWA NI KANU
MBINGI NISYAVINGIWE KWIYIANDIKITHYA
TWEKALILWE NI KANU YOKA MYAKA YA IIKA
TUNATUAA NA KATIVA KA UKOLONINI KUVIKA ILI NA IKUMI
KANENGETE MUUNGAMII NA AANDIKWA VINYA MWINGI
KANENGETE AVITYA MA MIAO VINYA KASENGELA
KANENGETE AKELI MA MIAO VINYA KASENGELA**

**KAYEESI KANA NITHYI ASUMBI
KAYAATUTHENGEESYA MIVANGONI YA MAENDEEO MA ONTHE
KAYEETIKILAA SYAMA MBINGI
KATUAIE ANDU AINGI NOKOLA
KATWOVEIE ANDU AINGI NOKOLA
KAVINGIIE ANDU AINGI MATEASILILE NOKOLA
KATUYIIE ITHEKA MBINGI NOKOLA**

**KATUYIIE SYA ALAMBI NOKOLA
KAVINYIIE MBAI MBINGI NOKOLA
KAYENDETE IVETI NGYA NA AMAKUMU
WATHO WA KATIVA KEU NI ANDU AIMA NIMO ASUMBI
NIMO MANYUVAA MUUNGAMII WA KENYA
NIMO MANYUVAA AVITYA MA MIAO YA KENYA
NIMO MANYUVAA AMEUMAUNGAMIA KAUNDI**

**YU ASUMBI MENA MWANYA WA USIKATA UKUMAUMISYA
E MUUNGAMII E MUVITYA WA MIAO E MUKELI WAYO
WI MUSUMBI TAMBASYA ULUNGELE NA UKENETYE
OTEAA KUKWATANYA MBAI SYA KENYA YONTHE
IKAKWATANWA NI SYAMA ITE UMBAI SYUKITE
INDI NDUKAULWE NI SYA KUTWAUMIE
NISYO SYINOSYA KATIVA KAITU TUNOKITIE
GCMM1972-2019**

MWALI WA KATIVA KEU

**MWISUKUUA NI MUNDU MUKA NI MUSIMBI KIKATIVA YU
UNYUVANINI WAMBEE MIONGO ITANO NA MUONZA NDYAI
VO**

**KULA SYA MBEE KUU SYAKUNIWE NAUME ANINI MAI
MALI MBINGI**

**SYAKUNIWE NI MBAI MBULU SYAKENGANAA IYAI
MAUMAUNI**

**MBULU SYAMBATIE KUKUNA OUNDU SYAMBATIE KUSOMA
SYAASYAA SYAMBUTHITYE OUNDU SYAASYAA AUME
MAMBUTHITYE**

NAKUNIE SYAMBEE TUINYUVA MUUNGAMII KINYAATA

**NGUNAA NA VWIA NGIKIA ATETI AUME NA MBULILI SYOO
MYAKANI IKUMI YAATIIE NO ONYANGO MUNDU MUKA
WAKUNIIWE**

AATIWE NI ASIYO - MAUMITE NAMU LOLWE

**TUNESIE KUNYUVA NINI TWAANDIKA KATIVA KEU MIONZA
MIVITU**

**NITUTUNGIAA WA KYESONI WOKITIIE KYU E MUNINI WA
KITONGA**

**NITUNOONANISYE UTUIKA ILI MIVITU TWONGELA IVETI
AVITYA**

TUINAVIKA - NO TUSEMBANITYE NA KANGAME

**TUTWIE TUSUNGIAA MAKOSA MUUNGAMII NA NZIVOVO
SYAKE**

**TWI MBAI SYA EITU TWAKUNIAA MUNOTI NA
AWOOLOTETE**

ITINA TWATWIKIE MA MANGALANGALA NA INDI SYOKAU

TWIAWA TUISYOKA KUTWASYAIWE TUKAUNGAME

KUTWATWAIWE TUTWIE TUTAUNGAMA ATEO SYOKAU

MAITU MAUIAWA VANGI NOKI MATUVUE TUKUNIE AOLOTE

UU WAEMA MOYAA IVANDI TUIKAKUNE

MISYUKI ANAKULASYA TWIISA K UUNGAMIWA NIVETI

YU TWITAWA IVANDI TUKAANDIKIWE MBESA SYOKUU

TWANENGANE IVANDI IKUNAA NOKOLA WA NDINGITALI

TWEETYA UTETHYO TUIKUNA IKUNAWA KU TUTESI

TWAILIILA SYAA TUKUNE IIKWATASYA - SYAMINIWE NIWIA

NITHYI AINGI UKYANI NA WIANI WA MOKO

NOTUVUTHANITYE KI AKA TUKALEAA KUKUNANIA

MWIITU MWISUKUUA, NIWISI ONYANGO NA ASIYO

NIWEEWIE

KALUA

NIWEWIE

MBONGO

NIWEEWIE

KALUKI

NIWEEWIE

VASALISI

NIWEEWIE

NDETEI

NIWEEWIE

WAINGULU

NIWEEWIE

SUSANA WA KIIKA

NIWEEWIE

LAMBOSO

NIWEEWIE

WAVINYA

NIWEEWIE

KAMAA

NIWEEWIE

WANGALI

NIWEEWIE

EMAASE

NIWEEWIE

MUNGO

NIWEEWIE

INIMA

NIWEEWIE

SYOLEI

NIWEEWIE

NGILIKI

NIWEEWIE

MBUYU

NIWEEWIE

OMBALA

NIWEEWIE

MUKAMI

NIWEEWIE

SAMBINA

NIWEEWIE

TOMBIKO

NIWEEWIE

WANGALI WAYU

NIWEEWIE

ONGALA

NIWEEWIE

LEKYO

NIWEEWIE

MBALILE

NIWEEWIE

KATHONI

NIWEEWIE

ANTHIAMBO

NIWEEWIE

MWIITU WA KILEE

NIWEEWIE

NGANGA NA NGANGA SYAKE

NIWEEWIE

WANGA

NIWEEWIE

NYIVA

NIWEEWIE

AMBUNDI

NIWEEWIE

NDILO

**VE ANGI NDALILIKENE YU NALILIKANA UTUKU NGAUTAVYA
KWAKYA**

MWISUKUUA UKAUNGAMA KANA UUNGAMIE

MWISUKUUA ITHUKIISYE UMAU AKWONGELELEE

NYIE NDI MUVANGO WA MUUNGAMII

NASOMIE MIAO NATETEA ASITAKWA KOTINI MYAKA MINGI

NINIUNGAMIITE KOTI SYETHEO MYAKA MINGI

**NITWASUWIWE TUINYUWVA ATATU MUUNGAMII OLOTE
UMWE**

TWAKELILWE NI TUMITI TWILI: KAMIAO NAKA KUMIVITYA

**MUUNGAMII AMBOLOTA NIUNGAMIE KOTI NENE VYU NDAA
NANDIKA**

TIISU SYOKA

**NAANDIKIWE KI KATIVA NDUSAE NA AANGI THANTHATU
KIMIAO**

**TUIVUTIKA A TUKAUMWA VAA NUKUU MIONZA MISEO
KANA KIKWU**

AANGI THANTHATU MANYUWIWE

NIKIILAA NIMESI TUATILAA MIAO TI MUUNGAMII

INDI TWI ANDU - NOTUKWATAWA NI TUSOLA

**TWAKWATWA NITUKELAWA NI KAMITI KA MIAO
KATUUNGAMIE**

**NAINDI TUISIKATWA TA ANDU AANGI O KOTINI -UU
NDUNATUE**

**K UMA THANTHATU NEMWE
TWEETASYA IVILA NA NGUNDI
ATWAAVUAA MUNO TWI KANU MAI KANDU
MAI LIVUTI VALI NA USUENI
MAMUNOTI MAVUAA KANU MASAKU
NIMAVIVISYE MASINDE YA NGALA KANGUNDO
MEEKOU NIMATANDIKIWE NI VOLISI**

**MAUMIWE NDUNYU MALISWA MATETANI
KANDU NIYAUWE NI KANU MWAKANI SYATWIKI KINDU
NA KIINGI
TWEEIWE TUKOONAWA NZIA NI AANDIKWA
AANDIKWA NIMO MAUNGAMIAA KUKUNA KULA
NIMO MAKELAA ULA UTEENDEKA NI MUUNGAMII
INDI MAVINDA MAINGI TI MUUNGAMII WEKA WAKOOAA
MAKWAKE NA AANDIKWA NIMAKOOAA MAKALINGISANYA
SYAKE**

**AANDIKWA NIMAKOOAA MUNO - NOMEUKOOA MAKOSA YU
KUMA IVINDA YU TWANENGAWA MIAO UNDU TUUKUNA
TIITHYI TWATUSAA
UU WAENDEEIE KUVIKA ILI NA IKUMI
TIITHYI TWEENYUVIAA MUUNGAMII NA AVITYA MA MIAO
TWEEAWA
SIASA NA KULA SYIENE**

TWEEWA

TIITHYI ASUMBI

**TWAMINIWE NA KUTWAWA MWEINI SYELI SYIKALAE
KUMWE**

UUNGAMII WATWAWA KUNGI NI KIKWU

**TWEEKIE VOLENI TUINYUVA MUUUNGAMII NA MA KUVITYA
MIAO**

TWAENDEE NA KUWAIWA MATALITHAWA KUWENDA

TWOOVEIWE AMALEAA KYAMA KIMWE

TWOOVEIWE NA KUWAIWA ATAVANYA

TWOOVEIWE NA KUWAIWA ASOMI MAITU

TWALEA KWIKALILIILAWA TWAACA SYAMA INGI

ILI NA IKUMI WAI MWAKA MUATHIME

TWAANDIKIE KATIVA KEU

KAITYE NITHI ASUMBI TWATHAA NA KULA

KAITYE MUUNGAMII ENA AANDIKWA NO MUVIA UMWE

VE MUVIA WAKUUNGAMIA MIAO

VE MUVIA WA KUVITYA MIAO

MIVIA II ITATU NIYIANENE NA YIUUNGU WAITU ASUMBI

KATIVA KAASYAA ASUMBI MAKULawe ITAVIKITE MBISUNI

KILA MUNDU MUIMA NI MUSUMBI

NIWE UNYUVAA UKUUNGAMIA NA AMEUVITITHYA MIAO

KUUNGAMIA NI KUNYUVA AANDIKWA

KUUNGAMIA NI KUVANGA MAENDEEO MANTHI

MIVANGO IKELAWA NI AVITYA MA MIAO

**NIKUNIKILAWA NI MUVIA WA KUUNGAMIA MIAO
NDIKATUUMISYE**

UTUIKA WA USUMBI WITU TWONANASYA ATA ?

TUKWATANAA SYAMANI NA TUIKUNA KULA

**KILA TWANENGA MBINGI KIYUMYA MUUNGAMII WA
MYAKA ITANO**

NOKITHWE NA MAUVITYA MIAO AINGI KANA ANINI

**UKWENDA KUUNGAMIA NIWUKITIAA MBASA SYAKE
IKAVITASYE MIAO**

**EKAA UU AUMIISYE KUVITYA MIVANGO YAKE TUMUNYUVE
YAKELI**

OOLOTA IMBASA NITHYI TWIKELAA NA KULA

**YU KWI MWANYA WA SYAMA MBINGI TI KINDU NA
KINGI**

**UUNGAMII WOMWE TWAVAKUIE KENDA NA ILI SYAMA
SYAINGIVA**

**AINGI MAYAMANYAA MUKUVA UU WAIWAUTUTWAA
KATIVANI KEU**

**YU MUUNGAMII NDATUSAA SYA KUVITYA KANA
KUUNGAMIA MIAO**

**ATUSAA MIVANGO YA KYAMA KYAKE NA AIUNGAMIA
AANDIKWA**

**ANENGELELASYA AVITYA MA MIAO MAMIVITYE ITWIKE YA
KENYA**

**ASUMBI TWALEANA NA SYAKE NA MAKE TUTWAA KOTINI
IKAKELWE**

LILIKANAA VAI MUNDU WIWATHO WAUTULA MIAO

MUUNGAMII ATULA MIAO NUSIKATAWA

MUVITYA WA MIAO AMITULA NUSIKATAWA

MUKELI WA MIAO AMITULA NUSITAKAWA

MWISUKUUA

KILA TUTIELYE YU NIKUMINA SYAMA SYA UMBAI

MWISUKUUA

TWALUMILE UMBAINI VA AKOLONI MATWANIKIIE MESILYA

MWISUKUUA

MENDEESYA MBAI IMWE NIYEETENGIE NA YAVUTHYA IINGI

MWISUKUUA

YEENENEVYA NIKUMYA MUUNGAMII WAMBEE YANGENDA

MWISUKUUA

**NIYALEAA UUNGAMII UITHI KUNGI -WATWAIWE NI KIKWU
MBAI INGI**

MWISUKUUA

**KANU YAUNGAMIWE NI ELI YAI YA KWIKALASYA
UUNGAMII KWELI**

MWISUKUUA

MITHUMBI II NIYA UMBAI UTEUTWENDEESYA

MWISUKUUA

KI ASUMBI NITWALEILE ISU ONA MOOYA KULA

MWISUKUUA

TUOTEAA KWAKA NA KUEA SYAMA ITE UMBAI

MWISUKUUA

TUOTEAA KUTHUIMA NA KUNYUVA UTONGOI UTE UMBAI

MWISUKUUA

TUKUNIAE KULA SYAMA SYI MIVANGO YA AKENYA ONTHE

MWISUKUUA

**TUKUNIAE KULA AMEUTHUKUMIA MBAI SYA KENYA
SYONTHE**

MWISUKUUA

**TUKUNIAE AMEUNYUVA AANDIKWA MAWO KUMA KENYA
YONTHE**

MWISUKUUA

TUTAIAE KATIVA KAITU KATE UMBAI

MWISUKUUA

WINA MWANYA WA KUULUKILA II

MWISUKUUA

WENDA UTWIKE MUUNGAMII

MWISUKUUA

WENDA UTWIKE MUVITYA WA MIAO

MWISUKUUA

WENDA UTWIKE MUIKIITHYA WA WO WA MIAO

MWISUKUUA

**WENDA UTWIKE MUUNGAMII WA KYAMA KYA AKENYA
ONTHE**

MWISUKUUA

**AA UMAU ASYAI NA AAMUKUUU MATHEMBIWE WONE
MYANYA II**

MWISUKUUA

LILIKANAA NDUUMAA KINGANGI UTANAINGA USI

MWISUKUUA

**SUA YA WIYATHI YAI YA UUME NA NDUUTHI
MWISUKUUA**

**SUA YA KATIVA KEU NIYA UVETI NA MUUO
MWISUKUUA NITWASYIMIE UTHASYO NA KATIVA KEU
MWISUKUUA TWIENDA TUMINE KUYIAWA NA KUKENGAWA
MWISUKUUA TUISYAWA UKOLONINI METHO MAI MALIKU
MWISUKUUA**

**MAKUNIKIWE NAMAUNGAMIIE MIVIA ITATU AKOLONI MAITHI
MWISUKUUA**

**AINGI MAMO NIMATUVINGISIE NA UMBAI
MWISUKUUA NDUKAAKWATYE ISU
MWISUKUUA**

MATHAI NIWEESI MAUNDU MAUETE MAENDEEO NIMOOKITE

MWISUKUUA

**KUUNGAMIA KWAWO KUMAA KUNYUVWA NI
ONTHE**

MWISUKUUA

TULASYA NDU UITHAITHIA ONTHE MAKWATE

MWISUKUUA

NTHI ISUVIAA ONTHE NIYIANAA

MWISUKUUA

NDETO NITWIKAA IVINDA

MWISUKUUA

**WIMUTHASYE WISUMBIKE INDI UTHASYE
NIWENDAA WETU**

MWISUKUUA

KIKAA KENYA UMUNTHI UNI AUKE NA MBEE

MWISUKUUA

NDUKANENGWA NDEVE UTENENGETE NA MEKO

GCMM 2017-2019

2. TWI OKA

MWALI WA SYONZE

**ITHYI TWAENDAA NA TUENDAA SUKULU ITE KIATU
TUAMUKAA TUKONGWA NA TUSOMAA MYAKA NA MYAKA
TUSOMETHETWE NI THINA TUKAMANYA KWIKA NA
KUUNGAMIA**

**TUYAASOMETHWA NI TUSUKU NA NZIVOVO KI MBULU
TUYAASOMETHWA KUTHEKAA NA MAEO NGOO IIUA**

TUYAASOMETHWA KULWA NI ANDU

**TUYAASOMETHWA KULWA NI MUSYI NDUWA KIVALO MBAI
NA NTHI**

TUYAASOMETHWA KUYA

**TWIMASIISYA MAIVOYA NA KUTA NTHI TUKATAVIKA
TUKANENGAWA SYAIKYA?**

TUITHUKUMAA NA NIENDA ITE UKWATI

TUTHUKUMAA NA TWIENDA YI UKWATI

NOTWISI KUEA NA KUNEENEA ATHEI

NOTWISI ITHYI NO MO

NOTWISI KWIVATHA ATHWII NA NGYA KUI UUNO KINTHI

TUYIKALILAA KANA KUVUTHYA OKI NA AVITI
NOTWISI UMANZI WONI NA WIA WI ANDUNI ONTHE
NOTWISI MULUNGU NIWATWILILE ONTHE MATA
NOTWISI AINGI NALUNGALU NO ANINI ME NGOTO
NOTWISI ITOMO NA KUYAA NIYITHOKOANASYA II TWISI

TUTEMBEAA KILA UTUI

TUTETEAA ANDU NA NTHI MIKOLA IYUYA

TUIVOYEAA KUYA MAKANISANI WIANI VIASALANI NA
SILIKALINI

TUIVOYEAA SYANA SITU ISEMBANYE NAISU

TUITULILASYANDU ATAVANYA MA UVUNGU NA MAIMU
MOO

TWENDAA

TUTWEKANIASYE MESILYA NA UMANZI

TWENDAA

TWIWANAE MIVANGONI YA MUSYI NDUWA KIVALO NA NTHI

TWENDAA

TUMANYE I SITU ITHYONTHE

TWENDAA

TWIANIWE ITHYONTHE

TWENDAA

TUIKAATWIKE NGOMBO SYA MBULU INGI

SISYAI

MAYUKA MUTHENYA UKATWIKA KIVINDU KYA NGOKOMI

SISYAI

MATEUTAIA KITHIO KYA AA ASA

SISYAI

MAYITULILYA NDU MEVOYEE NA MAIVYOAA MBULU

SISYAI

MAITUKENGA ASU NI MAENDEEYO

MEEMA KUTUVOYEA NA KUVUYEA NTHI YAITU NIKI ?

SYONZE NITHYI TUKATIALA

TUISAA

MWEE NA MANGA MAIYA NGATHI

TUISAA

TUTENA MAUTA

TUISAA

TWAIWE NI IKAATU

TUISAA

NA TUINYWA KIWU

WAKULWA TWIMA MUTHEMBA MWAU

SUNGIAA

NITUOKANIAA

SUNGIAA

NITUIKIIAA ANDU

SUNGIAA

**TUI MANGATHI MAVIVIITAA NA MAYIKALILAA ANDU MBAI
NA NTHI**

SUNGIAA

NITUTAIIA ASYAI AKUU NA AMAENDIE

SUNGIAA

NITUTEMBEAA NA TUISOMA ANDU NA NTHI

SUNGIAA

NITUNEENEAA ANDU TWAKE NTHI

SUNGIAA

NITUIKIANIAA

SUNGIAA

NITUTWEKANIASYA UMANYI TUIVANGA

SUNGIAA

NITULEAA KUTUMIWA TA NDAMI NA ITEMU

SUNGIAA

NITWISI KUTWAUMIE NA TWESILE

SUNGIAA

MATHINANI TWI IMWE

SUNGIAA

NITUTHUKANASYA

SUNGIAA

TWI TEI NA INEE MATHINANI

SUNGIAA

NITWISI MUTHAMO WA NGOO NDWI MUAE

SUNGIAA

TWI SYANA SYA NTHI

SUNGIAA

NITWISI KIIMA KIYOVAA WITUUO

SUNGIAA

NITWISI UNI SUA YIKAUMA

SUNGIAA

NITWISI VAI KIASA KITE MUTHYA

SUNGIAA

TUOTEAA MUUO NA MAENDEEYO MA ONTHE

SUNGIAA

TWIMA UNI AUKE NA KUVIKA MUTHYA

SUNGIAA

NITHYI KENYA

SUNGIAA

MATHENGE NIWAIE KITHIIA

SUNGIAA

MBUI SYAYA MATHENGE MAEO NIMETIKIE

SUNGIAA

UVUNGU WAKOMANA UMUNDU NI KUNEENAA WO

SUNGIAA

**UKYA TI KWITHWA UTENA KITHEKA MBESA WIA KANA
UTHWII**

SUNGIAA

UKYA NI UTE TEI NA WONI UILEA WO

SUNGIAA

ALA ANINI MAKWATANA MAKAA ANENE

SUNGIAA

MEYITAA ANENE NANINI -MEETENGA MAYAKAA MBAI NA NTHI

SUNGIAA

ALA ANENE MEEKUTHIIA MAKAA MAUWAU MIINI NA NTHINI

SUNGIAA

TWAVITIE NGOVO 1868

SUNGIAA

TWAVITIE NGEETELE 1870

SUNGIAA

TWAVITIE KIASA 1878

SUNGIAA

TWAVITIE NDATA 1880

SUNGIAA

TWAVITIE NZANA 1883

SUNGIAA

TWAVITIE NGALI 1895

SUNGIAA

TWAVITIE MUVUNGA 1897

SUNGIAA

TWAVITIE NGOMANISYE 1898

SUNGIAA

TWAVITIE KAKUTI 1938

SUNGIAA

TWAVITIE NZALUKANGYE 1929

SUNGIAA

TWAVITIE MUNYOLOKA 1943 NA MAKONGE 1949

SUNGIAA

TWAVITIE NDEKE 1961

SUNGIAA

TWAVITIE NIKWA NGWETE 1984

SUNGIAA

TWAVITIE KATULILANGI 2005

SUNGIAA

TUNAVITIE KUMANYIKE 2017

SUNGIAA

KOVITI TWIVITA YIKISEVENI

NITUVOYAA NA TUKAVOYEWA NI TEI WA MULUNGU

SUNGIAA

TWIVO NA TUIVANGITE KUI

SUNGIAA

NITWAMBIIE KUTHUIMA KU TUENDETE NA TUKAI KINTHI

SUNGIAA

NITWISI KU TWAUMIE NA TWAVITILE TUIVIKA KUU

SUNGIAA

TUENDEEAA TWATAMBIYA KUOTE A TUTESI

SUNGIAA

**NITWIKAILAA NZIA YA KUI MAENDEEONI -TWIKALAA
TUSIITYE MBEE**

KULASYA

ULA UNAKWIIE TWI S YONZE NUU ?

KULASYA

ULA UNAKWIIE TWI NGYA NUU ?

KULASYA

ULA UNAKWIIE TUIVITA ISYUKITE NUU ?

KULASYA

ULA UNAKWIIE MAITU MAIUNGAMIA NUU ?

KULASYA

ULA USINDITE UMANYI WA ONTHE NUU ?

KULASYA

NI SYINDU NENE SYIVA SYIKAWA NUMWE ?

KULASYA

MALI YAUYA ITAMINWA NI IVU NIYAKI ?

KULASYA

TWI IVILA SYA KWIKALILAWA ?

KULASYA

TUYAVUVIE MWAKI KINYAA KAYOLAA NA KUNGI ?

KULASYA

**TWI MBENUE KWA TUYAUMIE NAINGELIA NGILI ITANO
MBITU ?**

KWAKA NTHI NA KUMISUVIA KUVUKWA NIWO WIA WITU

VAI KWILOELA ITHYOONTHE ONA AMAKWIE TWI AKI

NITWISI IYOO YISYAIE UMUNTHI NAWO WISYAA UNI

NITWISI ASA NDATAIKASYA MIIO TUTAVIKYA

**NITWISI TENE NA KITENE SITU IIKAKWA TWIVO NA
TUISYAA**

INDI NDUKAULWE MAVINDA MAILENYE

NIMASYAA MAUNI ME KIVATHUKANYO

MANYAA IVINDA YAKU NA SYAYO

NUNDU KUVINDUA MBUKU TI KUVINDUA KINDU KIMWE

NIKUVINDUA MBUKU MBINGI ISYANAA

TUITALITHASYA

TUYIKWATASYA

TUYILILAA

TUYIKALILAA

II ITUMIAWA NANGI MATATWISI NA MATESI SITU

MAILEA KWIKA SYAILE SYAAKA ONTHE NA NTHI

TUIOTEAA TUTWIKE ANGI TWEETIKILILE TWIO ITHYI

GCMM1986-2019

MWALI WA UTOONI

NUU

UKAANDIKA MWALI WA UTOONI

NUU

**UKANDIKA SYANA IYA MANYANYA MA NDUANI MWAKA
WONTHE**

NUU

**UKAANDIKA AA SUSU MAIVANGITHYA USYAI SIVITALI NI
YOO**

NUU

**UKAANDIKA AA INYA MAYINZA MBENZI MIUNDANI NA
ISESINI**

NUU

UKAANDIKA ALEVI MAIKAUSWA

NUU

UKAANDIKA SYANA SYONTHE IISOMETHWA NI NDUA

NUU

UKAANDIKA MA IELO YA KUYA MAIUMANIWA

NUU

UKAANDIKA UNDU IVETI SYOOSIE VINYA

NUU

**UKAANDIKA IVETI IIKIWA NI ATONGOI MATATHUKUMIAA
ANDU**

NUU

**UKAANDIKA ASIASA ME NDU MASOMETHWE MAENDEO
MAONTHE**

NUU

UKAANDIKA UTOONI IILEA ALAMBI SYA UKOLA

NUU

UKAANDIKA MATWIKU NA MANGALATA MAIVAKWA MAUTA

NUU

UKAANDIKA MITI YA TENE IIVANDWA IETE WANZUKI

NUU

UKAANDIKA MWEE MUNENE UIETWE KUMA KWA NYELELE

NUU

UKAANDIKA MISYI IYIYETEE MATANGI NA MIKUNI

NUU

**UKAANDIKA ONTHE MAISOMETHWA MIVANGO YA
MAENDEEO**

NUU

UKAANDIKA IIA YIIVITHWA UUNGU WA MUTHANGA

NUU

UKAANDIKA MUKUSYA AYAMBIIA

NUU

UKAANDIKA AITULILYANDU NDUNIA IMUNENGE SIMITI

NUU

UKAANDIKA AYIWA NI MAKIIMA NUKUKOOWA

NUU

UKAANDIKA AISAANIWA

NUU

UKAANDIKA KISEO KIITHUKWA

NUU

UKAANDIKA AYUAWA

NUU

UKAANDIKA NI ISYAKE KANA NI ATETI

NUU

**UKAANDIKA TUSWII TWA UTOONI TUISINDANIA UTIIWA
TUTAACA**

NUU

UKAANDIKA MBULU IYIYIETE UTOONI SYOSE NGUMA YAKE

NUU

UKAANDIKA MUKUSYA AIVUNDISYA MAKENYA

NUU

UKAANDIKA MUKUSYA AYAKA AVILIKA

NUU

UKAANDIKA MUKUSYA AIMANYIKA NI NDUNIA

NUU

**UKAANDIKA MANZA MAYUKA KUVUNDIWA KUVITHA KIWU
SUA**

NUU

UKANDIKA MA MELEKA MAIMUKATHA NA NDEVE

NUU

**UKAANDIKA NGWATANIO YA NDUNIA UIMUKATHA NA
NDEVE**

NUU

**UKAANDIKA UMANYI WAKE UISOMETHWA MAUNIVASITI
MAINGI NZA**

NUU

**UKAANDIKA AIKULUMANYA SYA MAINZINIA MA KIWU
NDUNIANI**

NUU

**UKAANDIKA UMANYI WAKE UIVINDUA MIVANGO YA
MENDEEYO**

NUU

**UKAANDIKA KANA MAKENYA NANINI MAMWISI - NDE
NDEVE KUU**

**SYOKIMAU UTOONI TYO KWA KATHAMBI ?
GCMM2016-2019**

MWALI WA MAMINGETO

**TENE AAUMAA MA AAUMAA MASYIMAA IMWE KUU NA
KWENYU**

**MASYIMAA TANZANIA KUVIKA SUNDANI MESILE KUU NA
KWENYU**

MUENDETE TUNDULU MWESILE KUU

MWATUTIIE TUVALASI TWA WEU

TENE TWAI NATWO TUTWIE MBANGUI

TWAUMITE NDUALA TUENDETE KATANGA

TUVALASI TWITU TWAKWIIE KISANGANI

**MUENDETE TWAMUNEE NDUWA KIMUTU KYA MWEE NA
NGALANGO**

MWATUNEE MBUI NDUNE TASYA KITHYOKO

KATHAMBI AMUNEE KIWU KYA NTHONGO SYAKE

KUU TUYAAEKA KUMUNENGAA NDAIYA

TUSUVIAA KIWU KYAKE VYU ONA TWAAMUKA TUKIKITYE
TUSUVIAA NUNDU ENA ONGOTAMELI MATUVUNDIISYE
NIKYO THAYU

TW I AKA AKI MA MINGETO

MWINUKITE MWESILE KUU NA MAAU

TUVALASI TWENYU NA TWITU TWAI TWAMINIWE NI
NDULU

SYOKIMAU NIWATUTAVITYE MBULU IKOOKA NA NGONGOO

SYOOKA KWENYU NISYAETIE NDULU NA NTHUNGU

SYAMINIE AINGI MENU NA MAITU

MBULU SYANENEVISYE NZANGILI NASYO SYATUVALAANYA

SYAANANGIE MUUO NA WIWANO WITU NENYU
SYAMASUMBIKYA

UKYA NA MAYUA NIMATWILINGILILE

MATIALILE MASYOKEIE KUSYIMA KUU NA KWENYU

MBULU SYAMAVINGIA KUSYIMA MATEMIE IIMANI

TWAINGIVA NA ITHEKA SYANYIVA KWAUTEMA KWATHELA

TWATEMA MAKAA KWO NTHI YAMBIIA KUIA KWOYA NA
KUMA

MBULU SYAMBIIA KAMUNOO TWINZE LEVO TWALEA

MBULU SYAMBIIA KULINDITHYA NGONGO TWALEA

UKYA WAITAVA NA WAENDEEA KUSYAA

TWEKALILE NAWO MYAKA MIONGO MUONZA

SYOTUNE OOKA NA ATHI

MUINDI WA MBINGU ATETEA NGOMBE NA OOVWA

NGALA ATWIA TUI MATING A MA KWENZAA MBEZI
TWAVANDIA NGEI MUNOTI
MULU ASYA NITUTISAA TWONZIE

NUNDU VAI KIASA KITE MUTHYA TWALILIKANA KATHAMBI
TWATWIKIE MAWO MA KATHAMBI TWAVUNDIWA MINGETO
TULILIKANAA MUKUSYA WAYO NA MUVEA
AMBIIE KALAMA - AAKA MASAKU MAKUENI KITUI NA KUNGI
SYANA SYA KATHAMBI NIATIIYE MAKINYA MAKE
SYAKITE KWENYU ETHIOVIA SOMALIA TANZANIA KWA
KAUNDA

SYAKITE NDUNIA NUNDU MWAKILE WI MAVUKUNI NA
NZEVENI

UI WA KUVITHA KIWI SUA NIWISIKIE NDUNIA YONTHE
YU

NITHYI AAU TWIKITE UU ?

TWI AKA ENZI MA MUTHANGA NA MAVIA

TWI AVUI MA MAVIA MA KWAKA MINGE TO

TWI MA KOLOKA -TWI AKI

TWI NDONGOI SYA KUVITHA KIWI SUA

TWI MA KATHAMBI TUVINDUAA MESILYA MITUKI KWI
AUME

NIWISI

NITHYI TWEETAA NA TWITAA KING'OLE ?

NIWISI

YUANI NITHYI TWANYUVAA NA TUNYUVAA UKUYA ?

NIWISI

USYAIE ANENGAWA NDUA YA UIMBI ?

NIWISI

ATUMIA MANENGAWA NDUA YA MWEE ?

NIWISI

TUKAATASYA NIKANA LIU ULIKE NTHAKAMENI MITUKI ?

NIWISI

TWAMBIIE KUYA NAMBA MBANGU I ?

NIWISI

TWATIWE MISYI AUME MAKATHUKUMIE UKYA ?

TWI AKI TWISI KUTE MATHINA KUII KUENDEEA

TUVINGIAA MBUSI NGONGO NA MATWIKU

TWI MA MINGETO YAUVITHA KIWU NTHI SUA YIIKATUYIAE

TWOSAA KIWU KYA KATHAMBI TUTIALITYE

TUTHIKAA KININI KITHANGATHINI

**TUKINENGAA MULUNGU ATUNENGAE NA AINENGELEANILYA
ITHEONI**

TUTUMIAA UMANZI WA KITHIO MWEU WO NA KWENDANA

**NITWISI NITWATIIE MAVIA MAUTHIA KUTWAUMIE NA
TWIONANGI**

NITWISI NDOTO SYA MUSYI NA NDUA SYI KAUATHIMO

NITWISI SYAKUASA SYI UATHIMO

NITWISI TUILUMANGASYA MANA

NITWISI TUKUNAA TULUNGE

**NITWISI TUIKUNAA NTHI MWEI NDATA SUA UKANGA NA
YAYAYA**

NITWISI TUATHIMAA NA MATA UIMBI IIA MUTAA NA MUYOO

**NOTWISI KIVETI KIKOMETE KYOOKILA IIMA NITHINGITHAA
NOTWISI KIMBU KISIASYA NGALI SYONTHE KITANATAMBYA
NOTWISI NZOU NDYUMIISYA KUVUWA NI NGUTHU
NOTWISI MAEO NIMATILAA MATHUKUMA IMWE
NOTWISI IKUYU IKWU YIITHAMBIAA
NOTWISI NZAU SYEETUNGANIA MUNYAMBU UKOMAA NA NZAA
NOTWISI MUVITI NDANGALASYA NTHONGO**

**NOTWISI ITINA YITEITINA YIKWATANITWE NIYU NA UNI
NOTWISI NGULU IMWE NIYANANGAA MBEMBA SYEKUNIA
NOTWISI ASA NUAIAA KILA IIKA WIA WAYO
NOTWISI YITU NIYAKUMANTHA A KIKELEMU MINGETONI
NOTWISI SYANA SITU SYIUMYA KYOKANGANI MUNYU
NOTWISI NIMATIIE NYAAI SITU TWAMASOMETHYA SIENZI
NOTWISI MALOMBE ANAMETIE MAUMASYE KYA NDOVOI MUNYU**

**NIWISI TUKUAA TUKASYAA TUKAKIKA TUKAAISYA TUKAEA
NIWISI NITHYI TUKUAA USIA WA NYAA
NIWISI AUME MAKUAA USIA WA NDEI
NIWISI ITHO YAMWENE NIYINOASYA NZAU
NIWISI TUTWIKAA IIMA TUIIA IMWE
NIWISI TIITHYI TWAASYAA SYIVUWE
NIWISI TWIONGYA NOTUTIAA MATHUNGII**

NIWISI NITUATHASYA ONETHWA NO KIWU TA NDUKU WA MUTHA

NIWISI AMWE MAITU NIMAKINYIE NZAUI

NIWISI NOTUENDAA KWONA AMAENDIE KYUMBE

NIWISI TUMATHUTHASYA MALILIKANASYE ASA SITU

ATETI NIMATWISI NA AMAITU ? NIMESI UKUMU TUI ?

NIMESI MATHINA TWINAMO ?

NIMESI MAENDEEO TAMA UTOONI TUENDA KUMU KWONTHE ?

GCMM 2011-2019

MWALI WA MAUNI MA MINGETO

**MAMBEE MOOKIE TENE NGILI NA MAANA KENDA
ITAVIKITE**

TWAIISAA NA IKAATU MATANOKA

**MOOKA MAVULANASYA NGANU MUSELE NA MBULETI KANA
NATHI**

**II SYAA MEESYULITYE NISYATUSAANISYE NA
NOITUSAANIASYA**

**MAYAI MBEE MAYAI ITINA MAYATUAA MAVITILAA MENDA
TUTESI**

MAYUKA TWAUNAWA NI UTHYU WA SUA MUTUNE

YATAVIKA NTHAKAME IIMANI

NZAI SYA MATU NISYAYIATIIAA TUITHEMBA

TWAUNAWA NI KUTANGATANGAA NA NDITHYA

**WUMO WAYO WAI NDU MBAI INDI TUYISI KUYA
SYAIAWA**

**MESYULITYE MAOTEAA KUKWATA MITHAINGA ITE SUA
ITUNE**

**MAINA NDINGO NA NDUNGATA SYA UTUKWATAA NA
UTUYIAA**

TWEANIAA IIMANI NDUA SYA IMWE NA MUUMBI

TWATHAITHIAA NDITHYA WEUNI

UVYUVU WA NDU MBAI WOOKA

WATWIAA NA UTWIAA TUKATUUTE NA TUITANGATANGITHYA

**KUYAI YOSEVU ANDU NDAMBA NYUNYI NA NDITHYA
NISYOYAA**

NGOMBE SYA UMAA MAANA MBUI NA MALONDU MAANA

**SYATWIKI MAVINDI KUYAI WAITU KANA WISYULITYEI
UMAUA**

SYANA SYAI MAVU MATHEI MAAKIE IINGA

**IYEESI SUKULU SYA IVINDANI -NZAIKO NA MATWAANA
NO KITOO NA NGI METHO MBAU SYAAKIE IINGA NTHEI
KIWU KITUAA KYAI KYEETIWE KITUI NI KILAVU
TWAKIMELILYE TWATEMA TUTHENGEEE MESYULITYE MAAKA**

**INDI MINGETO INAKISYUKISYE NIKUKITUSYA
WITHI UKONE KILISITE KIIMA KIOKITUME NETHEO
MYAKA YA AAUMAA YAI KIUUYU NA KIMAKO
INDI IKUMI IKUMI YUKITE KYA MINGETO KIKAVIKA KILIVI**

**KYAKOMANISYE KWITU ITHEONI KWALEA KWENZUKULANWA
NA TWASUVIA MAWITHULULUKO TULEE IINGA NTHEI SYA
MBAU**

**MAVIA MA KASEVE NA KANZALU MAKAI AA TA TENE
MA KIIMA KIMWE MBOONI NA KALAMA MAKAI AA TA
TENE**

**MA ENGAMBA KANZIKU NA MUMONI MAKAI AA TA TENE
MA KASEVE ENDAU NA MUTOMO MAKAI AA TA TENE
TUNYANGE TUKAUMAA KITAMBAASYE TUENDETE KAKYA NA
KAMBU**

TWINATWO TUKEEVUUNZAAA TUYONGELA MINGETO

TUKOONAA IA IYITALA KINYAA NA KAYOLAA KWAVYUVIIE

**TWANGETA ATHI -KAITI NA THWAKE NA TANA -THUA NA
TIVA**

**NA TWONGELA KUNGETA MOKO MA MBUSI II ONTHE
TUKONGELA MAWITHULULUKO MAITU NA ATUI VINYA
WAUTUITHASYA**

**TUKAMINA IINGA SYA MBAU ANDUNI NA NDITHYANI
WAAKA MUNGETO KANA NGOME ?**

TUYAKWITIE ? GCMM2019

MWALI WA ASOMI NA USOMI

**MUSOMI WAWO E MUTHEA WA UTUMANU
E UMANYI NA ITUNDUMO SYA KILIKO**

MUSOMI NI NGILA ITHIANAA KU KWI UTUNDUU

**MUSOMI NUVAKAA ONTHE MAUTA MA UMANYI NA
WATHANI**

MUSOMI NDE MUTHAANA KANA MBANGA

MUSOMI NDE KITHETHA NO MUUO NA MUMO

MUSOMI NDE IIKA INDI TI MUSANGA UTE WONI

MUSOMI TI

MUVAKA ENDWE KANA EYENDEESYE TA UKUKUUANA

MUSOMI TI

MUTETI UONGANAA AYITYA KANA AYUYA KULA

MUSOMI TI

MUSULUSYA UKENGANAA MATHOOA

MUSOMI TI

MUTHWII UTAKOMA A AIKIA KUYIWA

MUSOMI

NDALEAA UMANZI WAKE UITUMIWA

MUSOMI

ENDAA NDOTO SYAKE ITINAE O IIVUANYA

MUSOMI

**TI MUTAVUTA WA UUNGAMII UANDIKWA NA UTETI WA
UMBALI**

MUSOMI

TI METHO NA MATU MA MANZA

MUSOMI

NDE MII ILI TA IVUTI

MUSOMI

NDE SYA KUNGEANA

MUSOMI

E MUTHEA WA ASANZAIKI MA MANA NA MANZA

MUSOMI

NIWISI UI NIWA MULUNGU WAKE NI KUOTEA UMANZI

MUSOMI

**NIWISILASYA ATE KWENDEESYA - NI NGILA ITAKIAA
UTUNDUU**

MUSOMI

NUELEASYA UNDU UKWONA- TI KIMBU

MUSOMI

NUELEASYA IVITHITWE NI ATETI NA MIKOLA IINGI

MUSOMI

KWITHWA ATE NGUMA IVINDA YAKE KUIMUMAKASYA

MUSOMI

**NIWITIKILAA SYAKE NO ILEWE NIMA IVINDA YAKE IKAUN
A MOKITE**

MUSOMI

**NIWISI UI WA MULUNGU NIWO UVUANIASYA MAYU NA
AMAATIIE**

MUSOMI

NIWISI UMANZI NI UTONGOI NA INGOI YA UKUAA AINGI

MUSOMI

NDOLAWA NI IYOO UNI AUKE NA MBEE

MUSOMI

NDATWAAWA NI USI WA UKYA

MUSOMI

NDATWAAWA NI USI WA UTHWII

MUSOMI

NDATUMIAA MUKATO AIVIKIA WONI

MUSOMI

NDAKWATAWA NI NZUKU

MUSOMI

NDAKWATAWA NI NZEKE

MUSOMI

NDAKWATAWA NI KUSEA AANGI

**UTIIWA WA USOMI WAKE NDUTHUIMAWA NI IIKA YAKE
UMANYIKAA**

UITHUIMWA NI MAIKA ME ITINA WAKE

UMANYIKAA

MASYISYA ITINA MAKONA WUMO WA WATHANI WAKE

UMANYIKAA

MOONA USEO NA UTUMII WA SYAKE

UMANYIKAA

**USEO NA UTUMII WA SYAKE WAMAINGYA MBUSI SYA
THAYU**

MUSOMI MWANDIA NIWA ANDIKAA NGEW A SYA TENE

MUSOMI NDETI NIWAANDIKAA UNDU TWEKALAA

MUSOMI MBITI NIWAANDIKIE UNDU TWEESI MULUNGU

MUSOMI KIVUTHA NUANDIKAA MYALI NA MIAO

MUSOMI MBULA NUANDIKAA MIKALILE YA MATUKU AA

**MUSOMI MALIA NUANDIKAA UNDU TUIKALANYA NA NTHI
IINGI**

**MUSOMI Ndingi NIWAANDIKIE ITUMI SYA KULEA KUI
MWEINI**

**MUSOMI MUNAVU NIWATWONISYE KUMYA MAUTA
KILULUINI**

**MUSOMI MWAU NIWAANDIKIE UNDU MALI YANTHI
IKUMANTHWA**

**MUSOMI LUTI NIWATUTAVASYA UNDU INZINIA
IUSOMETHWA**

**MUSOMI MUTUNGA NIWATUVUNDIISYE MIAO ONA
AMIUNGAMIA**

**MUSOMI MBITHE NUTUSOMETHASYA USEO WA MBOKA
SYA KITHIO**

MUSOMI KILONZI NIWATUSOMETHASYA NDEKE

MUSOMI SYOWINI NIWATUSOMETHASYA KUINGA MBEVE

**MUSOMI KILONZO NUTUSOMETHASYA KUIITA NDUUKA EKA
KUAUSYA**

**MUSOMI UNGI NUANDIKAA UNDU YAYAYA IULU MUNO
YIILYE**

**MATHINA NIMOOKIE KWOOU TWIENDA ASOMI MA
KUMAOTEA**

KUOTEA

ISOMO SYA SUKULU NZAU SYA SIENZI NA UVUNDI

KUOTEA

KUTHAMBYA NZEVE SYA MATAUNI IUTUWASYA

KUOTEA

**KUVINDUA MIUILE YA NGU MAKAA NA MAUTA
IUTUWASYA**

KUOTEA

KUTWIUMYA KIWU NDUNIA IENDEEYE KUVYUVA

KUOTEA

KUVINDUA MIIMILE NUNDU KWAUTEMA NIKWANYIVIE

KUOTEA

KUOLA ANDU AINGI UIMINI TWONGELANGE TULUNDA

KUOTEA

KWIKALA KAMBINI TWONGELE KWA KUIMA NA KUIHYA

KUOTEA

KUVINDUA LIU MUVUKU TA NGITI MBYU UUTUWASYA

KUOTEA

**KUSYOKEA LIU WATENE UKWITIKILWA KUSEUVA NI
NDUNIA**

KUOTEA

KUNYIVYA USYAI NUNDU NITWAUSUISYE NTHI

KUOTEA

MIENDELE INGI EKA MOTA NA MITOKAA IUTUWAA

KUOTEA

**SITIMA WA SUA NA MITHUMU YANTHI EKA WA NDISALI
NA MBUSI**

KUOTEA

UNDU TWIMINA KAU WA MAKANISA

KUOTEA

UNDU TWIMINA KAU WA ATETI

KUOTEA

UNDU TWIMINA KAU WA MISYI IKUNDI NA NTHI

KUOTEA

UNDU TWIMINA KAU WA AVIASALA

KUOTEA

UNDU TWIMINA KUYANIA

KUOTEA

UNDU TWIMINA KUYIWA NI SILIKALI

KUOTEA

UNDU TWIMINA KUYIWA NI AANDIKWA

KUOTEA

UNDU TWIMINA KUYIWA NI AUNGAMII

KUOTEA

**UNDU TWIMINA SYITHIO IMWE NA KWIKALYA IMWE
KUOTEA**

SYITHIO NZAU SYA YU NA SYA UNI AUKE NA MBEE

KUOTEA

UNDU TWIMINA KUVUTHYA AKA

KUOTEA

UNDU TWIEKA KWONGA SYANA

KUOTEA

UNDU TWISOMETHYA MISYI

KUOTEA

UNDU TWISOMETHYA NDUA

KUOTEA

UNDU TWISOMETHYA IVALO

KUOTEA

UNDU TWISOMETHYA KENYA NA AVILIKA

KUOTA NI

MUAMBA MUTINIKI WASEUWIWE NI MULUNGU

KUOTA NI

KUNENGANA MBEU KUMA KYUU KYU

KUOTA NI

UMANYI UINYAIKA TA NTHATA KIVUMBU KILINGINI

KOUTA NI

KWITIKA MBU IVINDA YIKWITWA MUTHYA WA WO

KUOTA NI

**KWITA NGILA IVUE KUMANGAMANGA KWITU NA NTHI
YAITU**

KUOTA NI

KWONA MBEE MUNO EKA UNI NA AUKE

KUOTA NI

KUA MBU WATHANI USUVIE ANDU

KUOTA NITA

KITHUMA KYA MBALYA KIKAYITHITWE MUNO

KUOTA NITA

ULII WA NGITAA UKAYITHITWE MUNO

KUOTA NITA

MITHUMU ISUKUMITE NZEVE MUTULILUNI MUNO

KUOTA NITA

MBEVE ITANDIKITWE MUNO

KUOTA NITA

WATHI UKOOETWE WUMBANONI MUNO

KUOTA NITA

KUTHINGITHYA IIMA SYA UTUNDUU TA IVETI SYAAMUKA

LILIKANAA

USOMI NIMUSEO MUNO

LILIKANAA

NDUKUANAWA NA MUSYI NDUWA KIVALO MBAI NA NTHI

LILIKANAA

**USOMI WAWO NUTINAA OUITANITHYA INDI NDWIIYIKIAA
MAVINYA**

LILIKANAA

USOMI NA NDOTO NI SYIKALAA

LILIKANAA

SYELI NIVINDUKAA NA MAVINDA

LILIKANAA

SYELI NISYITASYA KITHITO IIMANYIKA

LILIKANAA

TI NGEWA - IVIVASYA UTUNDUU WANDU NAKWOO

LILIKANAA

NILILIKANASYA ANDU KUMAUMIE

LILIKANAA

**NITAVANASYA UNDU ANDU MEKALAA MAILYE NA
MEIKALAA**

LILIKANAA

NITAVANASYA UNDU MAYU MELILIKANYA MAUNI

LILIKANAA

TUYUMBWA TWAITHIWE II ITHITU

LILIKANAA

TWEEYIAVIE TWINENGELEANASYE

LILIKANAA

TWEEYIAVIE TUIKALIKAE KWANZOKA TUSALUKITYE

LILIKANAA

KYONGO KIMWE KIIKUAU UMANYI WONTHE

LIKANAA

KWONGELAA KISOMO NA UMANYI WAONTHE NI KUENDEEA

LILIKANAA

UMANYI WA KWETINA UOTEAA ISYUKITE UNI NA MBEE

LILIKANAA

**KISULULU KYOSOMI NIKIUNGAMAA KYAEKA KUSOOSEWA
NINTHI**

KULASYA

**ASOMI MAIVA NTHI IIMELWA NI AUNGAMII AANDIKWA NA
ASIASA ?**

KULASYA

MANENGIWE UMANYI MANA MAKILILYE NIKI ?

KULASYA

KINTHI NITWISI MBOLONGO II ?

KULASYA

THAYU TWANENGIWE MANA TWEKIE ATA NAWO ?

GCMM 2011-2019

MWALI WA MANDEKE MAMBOYA

MASYAIWE IVINDA YA ANAKE MA MIONGO INA

MASYAIWE YUANI YA KAU WA KELI

MEANIE MAYUANI MA MAKONGE NA MUNYOLOKA

MAIKIWE MAUMAUNI

MAVUNYIWE NI MBOYA MAKASOMEE NTHI YIITHASYA

AUNGAMIITE SYAMA SYA MAMOKO KUU

**MAKWATANIWE NI MIVOTHI NA NDEKE WATULILYENDU
MELEKA**

AKULILYE SYAMA SYA MAMOKO MELEKA IMASOMETHYE

NOWESIE KUTAMBIIA MUUNGAMII WAKWO ONGELE MIVOTHI

**ENDAA MASOMETHWE MAKATHUKUMIA NTHI YANYUNGIAA
WIYATHI**

ONAVALA ASOMEIE UNGELESA NDAAENDEEWA NIKYAKWO

AASYAA ANGELESA MAYENDAA KUTUSOETHYA KINTHINI

**AASYAA MENDAA MAENDEEE KUTWIKALILAA IVINDA YOO
YAVITIE**

**MAUMITE KENYA YONTHE -MBOYA ATWILITE ATETI MOO
IMANZA**

**MAKELAWA NI MUMELEKA WA SYA MAMOKO KWO
UTHIKITWE NAKE**

MONGELESA NIMALEAA MAITU MAITHI MELEKA

TIMO MEOKA MAKUU MASOMIE KIUNGELESA NOMALEA

MAASYAA KYA MELEKA TIKISEO TA KYA UNGELESA
KWOOU MENDAA MBOLONGO SYAKWO IENDEE KUU
WIYATHINI

MBOLONGO INENE YA KYA UNGELESA YAI KUTUTWA KOVI
YOO

KAU WAKELI WAI WAANANGIE UKWATI WOO NA
MAKAKUNZA MOKO

UNGELESA NIWANENGAWA MIVOTHI NI MELEKA

NDWAI UTWIKITHYA ILOVI UNIVASITI

NDWAI WONGELA MASOMO MAKELELE

NDWEETIKILAA MASOMO MAKENDEKA KUU WIYATHINI

WENDAA MOO MAKATUIVIAA WIYATHINI

NIWAMELETYE AMWE MAITU MAKASUVIAA AMOO NA SYOO
KUU

WENDI WOO WAUNGAMIWA NAMASOMETHETWE KIKWOO

UKOLONI WOO NDWAATWAA MAENDEEO KWONTHE

MAENDEEO MOO MAATIE NGONGOO SYOKIMAU WATHANIE

KAMUSUVI KAYO KAMELETWE NI MASETILA MOO

NUNDU KEMBUA NOVO MAENDEEO MANIMA MASYAIAA
UKOLONINI

NOKO KAUMASYA UKWATI MWINGI UKOLONINI

WA KAAWA MBEMBA MAYANI IIA NA INGI

NOKO KESIE KUMYA AUNGAMII NA AANDIKWA AINGI
WIYATHINI

KUMAA MBUI NGOMBE MUVYA MWEE NA INGI NI KUMU

**KUYAA ETWE MAENDEEO MONGELA UKWATI NA KISOMO
NANGELESA**

**MASOMAA MELEKA MAIKIIE MAKAACA NTHI YAITU YONTHE
MASOMAA MAIKIIE MAENDEEO NIMA ONTHE KWONTHE
NIMEESI KYA MBEE NIKWAKA MISYI MISYI YAKE NTHI
NUNDU NTHI NI MUSYI WA ONTHE
NDYAKIKA MISYI IIKIA MAVINDA**

**NDWAKA NTHI UTE SI SYAMISYI
MUSYI UTE USYAO WANDU NA UKWATI TI MUSYI
NDWIVOTYA KWEENE KUKATWIKA MUSYI
NTHI ITAKITE MISYI MILUMU TI NTHI
MOOKIE NAI MUUNGAMII ATETI NA AANDIKWA
MATATALITHASYA**

**MAISOMA MAKULASYA NTHI IENDEEAA NA IENDEEAWA
ATA**

**MAISOMA MAKULASYA MAENDEEO MANTHI MAVANGAWA
ATA**

**TONI WAITU UNATUTIIE MITUKI AMASOMETHETYE INGI
SYAVATA**

IVINDA NIYIVIKAA SYINDU SYIKWE

NUNDU NOMUVAKA SYIKWE

**KWOOU UMUNDU WA NGILI MIONGO ILI NA MBEE
UVANGWE**

**NUNDU UNI UVANGAWA NI USOMI NA KUELESYA
MAVINDA**

**NIMEESI KWENDEEASYA MBAI IMWE NI UTUNDUU MUNENE
MANEENEAA MAENDEEO MANTHI MATEIMANTHIA NGUMA**

MATHUIMAA SYA MBAI SYA KENYA SYONTHE

**NIMEESI WAKAA NTHI MUSYI WAONTHE WEESILILYA SYA
ONTHE**

KWOOU KWIKALAA NAONTHE MUUONI KWIVATA

**MATIANITE NA SYAUKOLONI NUNDU ISITU NISITU MANZA
MATAI**

NIMEESI MBULU IELEAWA NO KIKWOO KITAKATUTETHYA

NIMEESI UNI NDUKATWIKWA WA MBULU SYOKA TA TENE

**NIMEESI UNDU UKOMBO WA MBULU WAUMIISYE NA
UUMIASYA AIU**

NIMEESI TWISI UMANYI MUNINI WA AMAITU MAENDIE

**MENDAA KUVUNDIASYA ISU IKATWAKIAA MAKENGE MAWO
NTHINI**

**MASYOKA MEETHIIE KILA KINDU NOYU ITINA NA MBEE
SYEKIWE**

**MOOSIE VINYA WOKOLONI NIMEESI KWIKALILAA ANDU
KIMBULU**

**MOOSIE MAYEESI IVINDA YOOKITE NIASA KWI IYAVITIIE
UKOLONINI**

**MAYEESI YOOKITE YAINA UATHIMO WA ONTHE
TWEEMANTHIA WO**

**MASYOKIE MAIOTEWA KUENDEESYA UTHASYO WA ONTHE
KWONTHE**

MASYOKIE MESI AIU MAINENGAWA NDAIA NDUNIANI

KUMAENDIE MAYAAITHIA NTHI ITE UMBAI WA MBULU

KU MAI ILONGA SYA KUATHAWA

**KWOOU NIMEESI MBULU SYENDAA KWIKALILAA AIU
KWONTHE**

**KWOOU MAI MALIKILE NGINDANONI SYA KU AIU MAKATHI
MOOKIE ME ALIMU AVANGI MA MAENDEEO UKWATI NA
MIKALILE**

**MAYAAITHIA UTHASYO ANDUNI NA MAENDEEONI - KOVI
IIVINDUAA**

**WIYATHI NI MANTHI KUTHAWA KUMA UKOMBONI WA
MBULU**

**NA KUVANGA MAENDEEO MA KWONTHE AKENYA MEETEELE
MASOMEAA MELEKA YILA ISITOLIA YA NDUNIA
YAKANANIAWA**

**MAYA AMASOMETHETYE ITINA YIMAUTHUKU YIISYOKEAWA
INDI NIYENDAA KUTHUIMWA NA UKUMBAU VAUME UMANI
WA UNI**

**MASOMAA AIU MANDUNIA MAYITYA UTHASYO KWONTHE
MASYOKA MEETHIIE WIYATHI WA KOVI MBAKUE ITESI II**

**MATIWE NAKOLONI MAYAIKULYA MIVANGO YA UTHASYA
NTHI**

**KWOO KWAI KWOSA UUNGAMII UANDIKWA NA MIAO KOVI
MEETHIIE INGANGI NZUI NA NDAA SYOKOLONI SYANOIE
MEETHIIE KWINGI KUTE UKWATI KISOMO UIITI ONA NZIA
MEETHIIE MBAI ITAAKWATANWA ISOMETHANYE SYAKE
KENYA NZAU**

MEETHIIE UTETI WIO MBAINI

**MEETHIIE MAU MAU MEKIWE - AMAMAVUAA MOOYIE ITHEKA
MOKITIIE**

MEETHIIE VIASALA INENE SYIO NA AINDI NA MBULU
MEETHIIE AANDIKWA MAMASUKUMIIE ISU MATAMBIIE LIVA
LOLI

MEETHIIE AANDIKWA ANENE MEMA KISOMO KYAKATATU
MEETHIIE ATETI NA ATONGOI AINGI MEMA KISOMO
KYAKELI

MEETHIIE AANDIKWA AINGI MAUMITE KAMUSUVINI
MASOMEIE ALIANZI NA MANGU -AINGI MAYAI MAAVIKA
UNIVASITI

MAASYAA NIMATONYA TA MBULU ONASYO ITAVIKITE
UNIVASITI

MAASYAA KISOMO KYA MELEKA KIYAI WIA

MAYEESI KYASOMAWA AIU MAIKELA SYA UKOLONI MEKYE

MAYESI NGANANIO II SYAISYAVINDUIE UMANYI NDUNIANI

MAYEESI IMASOMETHETWE NANGELESA SYAI SYEKIWE

MAYEESI KYOO KYAMATWIKITHASYA KOVI YA AKOLONI

MAYEESI KUTHASYA NTHI KWENDAA MESILY A MEU
INTHINI

MAYEESI MAMBOYA MASOMAA MAIKAAITHWE KOVI SYA
AKOLONI

MAYEESI NTHI NDIKIAWA KOVI NA NGOVIA YA KUNGI

MAYEESI VAI NTHI ITE UMANYI WAYO KWAYO NA MAYO

MAYEESI NTHI KOVI NDIANAA NA NDIANASYA MAYO NA
KWAYO

MAYEESI NTHI YIANAA KUM A ISYAYO SYAVULANWA NA
NZAU

MAYEESI MAYO NIMO MANYUVAA KI MEUMYA NZA NA
ITUMI

**MAYEESI SYANZA IKELAWA NA UNYUVWA NINGILA SYISI
KUTHIANA**

**MAYEESI UTAUMA NDUANI NDESI UTHIANI NA NZYIMA
SYA KUASA**

**SYAVATA NTHINI NINYITHAWA NI VITII WA MENTHI
SYIANE**

KWASYA II KWAMASAANISYE MUNO MASYOKA

**MASINDANAA NA MANDUNIA MAKAMOVA MAKOIVIA NTHI
YOO**

**MAYAI IVISI MAI NGILA SYATUMITWE NI MBOYA NUNDU
WA NTHI**

MAISYOKA MAOTEAA KUENDEESYA KWONTHE

MEETHIIE AMATIWE MATUNDUIWE NI KWOSA LIVALOLI

**MATESI MAVUTA AINDI NA ASUNGU MAMASUKUMIIAA
KUUNDANI!**

MEETHIIE ANDU MAKILITHIWE WIYATHINI MWOVE

MEETHIIE MISYI IENDEEE KULWA NI SYITHIO

MEETHIIE AMA MAVU MAIKIA KUKWATANYA NTHI MAIKAE

NIMEESI YAKWATANWA MAKAMOSA NA MAVU MAIVOOA

MAKENGETE MBAI SYOO MAKASYUKITIAA

INDI MANONONOKASYA MAVU AMOO

NDWONAA SYANA IIKULWA MBAI IITHI UNIVASITI

NDWONAA TUIKULWA MBAI TUYOSA IVANDI

NDWONAA TUIKULWA MBAI TUITALWA

NDWONAA TUIKULWA MBAI TUYOSA YA KUIITWA

NDWONAA TUIKULWA MBAI TUYOSA YA KUKUA

**NDWAAINGOKYA II IKULAWA MBAI SYEKIWE IKELawe
MEETHIIE NDUa IVALo NA NTHI ITESI SYAKWoo NA
SYANTHI**

MEETHIIE KINENE UTONGOINI NO KWONGELA IVU IYAKU

**MOOKIE MEVITITE KWAKA NTHI EKA MAKENGE MOO
MOOKIE KWAKA NTHI MEAVIKU MAENDETE IIMANI SYA
MBEE**

**MAI ATHIANI NA NGILA SYA USOMI NA KUVANGA
MASOMIE NA MAETE ITAI KUU MESI KI IKAUNA NTHI
NUNDU MAI AVIVITHYE**

NIMEEKIITE NGOVIA SYAAKA

**MAYAI MAVUTI MAVASITOLA KAYENI -MENDAA KWAKA NA
MUUO**

NIMATAVANASYA IMEESI NA UTUIKA WASYO

NIMATHANAA SYUKITE

NIMAUMASYA MBINGO SYA ILIKO

MAYATAVANASYA NA KWATHANA SYEENE

MATAVANASYA IMAKELETE

**TI IVILA SYA UUNGAMII MIAO UANDIKWA KANA UTETI
MENDAA**

**MENDAA TUME MESILYANI MIVANGONI NA UKOMBONI WA
UKOLONI**

**NIMAWETAA NA KWIKA SYA VATA MAITHINWA NA
KWOVWA**

MAYAA SUNGIA MA MAVU KOVI SYA MBULU

MAI KIWU KITAAULWA NI KUKYOONELEILWE KI UMANYI

NIMATULILIKANISYE SYATENE TWOOLITWE

**NIMEESI MAVINDA MAKUNGIITE NTHI MENDAA MIVANGO
MITUIKU**

NIMANENEIE KWONTHE KWONGELWE MUUO MBEE

**NIMANENEIE KWONTHE KUVANGWE MAENDEEO MAONTHE
MATHASYE**

NIMALEILE MAKUMU MAITHIMIWA ITHEKA KI NGUTHU

**MAISYE MATHIMIWE KIMUNDU MAIKOYIWE NANENE TA
KUUNGI**

**KII NIKYAEMIE KISUKUMITWE NI MBULU SYEEYITAA
AKENYA**

**NIMANENEIE UKUMU KUTWAVE MBESA MBINGI SYA
MAENDEEO**

**KII KYAMBIIE NA KAVOLA KANGUU UUNGAMII WATHAMWA
NI KIKWU**

**NIMANENEIE MASAMBA MANENE KAMUSUVINI
MATILANGILWE NGYA**

**NIMANENEIE KOTI UEKE KUMBIIWA MUTHUKUMI
MUNDUUME EWEKA**

NIMANENENIE NGYA ITILWE KOTI

NIMANENEIE KISOMO KYONGELWE KWONTHE

**NIMANENEIE MA KUMU MOSAWE UNIVASITI MATAVITITE TA
AANGI**

NIMAKUIE MBULU SYATIELE UNIVASITI NOKAVILA WOO

**NIMANENENEIE SUKULU SYA UVUNDI SYONGELWE -NINDI
KWIWIWE!**

**NIMATAVANISYE TWAKE MISYI INGI EKA ILOVI NA
MOMBASA**

**NIMATAVANISYE MANYUMBA ILOVI MAKAYA KUSEO KWA
KUIMA**

**NIMATAVANISYE ILOVI YIKAETE MUSUKUMANO UTE
MUTHYA**

**MENDAA KUOLA THINA WA NYUMBA KIWU NZIA NA
NZEVE MBUKU**

MENDAA ILOVI YITIIWE IWANDA

**MENDAA MASILIKALI MATWAVE ISIOLO KATI WANTHI
II SYAEMIE ANENE MAYUKITIA KWOSA TUVIASALA TWA
LIVALOLI**

**MAYAELEAWA MOOSA AMAVENAWA MAENDAA KUUNDA NA
KUTUA**

**TUVIASALA TWA LIVA LOLI TUI UKWATI TA KUUNDA NA
KUTUA**

**KISOMO KYOKOLONI KIYAASOMETHYA SYA KUUNDA NA
KUTUA**

**MASYA NTHI YONGELE II MEEIWE TISYO SYAMOIVISYE
MEEIWE MOOIVIWE NI KISUNGU KYOKOLONI KITAI NASYO
MEETHIIE ANENE MAYUKITIA KUYA NA KUTA ITHEKA SYA
SILIKALI**

**MATEEAA MANZA MATANATOONA METEEAE -WISOMA
NDUNGU**

**MASAMBA AMWE ANENE MATEE NGWATANIO SYA
AMATEKINDU**

**INDI MAKOVAA MBESA NA MASAMBA - LILIKANAA
EMBAKASI**

NDUUTHI YA NGYA KWIYUMYA MBOLONGO II NOIENDEE

**YA WIYATHI YAKUIE IKUMI NENA ITAVANGA MAENDEEO
UKUMU**

**TIYO YESIE KUMYA MBESA SYA KWAMBIIA MAENDEEO
KWO**

YAAIE MANZA KUNDU NA KUNDU

KWOOU YEETIIE MUVITI WII

**IKUMI YATHELA NIKWAKUNIKILILWE UNDU MANZA MEEKIE
KWO**

**AMANENGIWE KITUI MATUMIIE VAKUVI SYONTHE
KUANDIKA AMOO**

**AMANENGIWE MASAKU TA KWINGI MAETIE SILINGI IMWE
IKUMINI**

NTHI IMWE YAKUKIE YOYIWA NI AANDIKWA MAKUU

**LAVOTI YOONANISYE NESA MAENDEEO MAIEKEAWA
MANZA**

**MAETAA MALIVI MAANDIKAE MIVANGO ITE SYENDEKAA
KUU**

MIVOTHI YOO YAI VIASALA YA KUANDIKA AMAKWOO

ANGI MAMBOYA MOOKIE KUSOMETHYA UNIVASITI IMWE

**ALIMU MANGOVIA ITATU MAIVAWA TA AANDIKWA MATAI
IMWE**

**UU WAI MUVANGO WA KUMATHINYA MATHI -UMWE
NIWEESUISYE**

KWEEAWA MUSAALA WOO NDUKAASINDE WA AANDIKWA

KWEEAWA KUSOMA NA KUSOMETHYA UNIVASITI TI KINDU

KWEAWA KUANDIKWA SILIKALINI NIKWO VYU

**NIMASUVISYE MANTHI ANGI MASINDANAA NA MANDUNIA
YU**

KUVIKA YU TUI MUVANGO WA MAUNIVASITI MMAILU

NI NINI SYIYIUNGAMIE ITE KOVI MBUKU YA ILOVI

NI MBAI NINI ITENA YOO - UNIVASITI TA SYA MBAI

NI NINI SYA KUUNDA NA KUTUA KWIKWOKA

**NI NINI ISOMETHASYA MAWITHYULULUKO MA MATHAI WA
MAMBOYA**

**NTHI NIKWITYA UTALAMU WA MALI YA MUTHANGANI
MATHANIE**

**NTHI NIKWITYA UTALAMU WA UKANGANI MATHANIE
-TUAMUKIIE !**

**NIKWITYA WA YAYAYA MATALIA MEKALILAA MALINDI
MATHANIE**

**NTHI NIKWITYA KWONGELA UTALAMU WA KUMU
MATHANIE**

**WAYA MBUI ILUNGA KANA NGOMBE KAINGI YUMITE KUMU
KUMA MUONZA NAINYA SYA MBUI NA MALONDU
NOSYUMAA NZA**

**NTHI NIKWITYA UTALAMU WA KIWU LIU NA MIUILE
MATHANIE**

**WAYA MBEMBA MBOSO MAKWASI MATUMA SYUMITE
KWIMBUA**

**WANYWA KYA I KAAWA IIA NOSYAKU - INDI IIUTUVUNYA
AUKE**

**MYAKA YUKITE SYAUYA SYAKUU ANDU MAINGIVIIE IKAA
TUKAYA KYAU TWAEMA KUIMA NA KUITHYA UKUMU NA
SIENZI ?**

**KWIMBUA NO MIONGO ILI IULU WA IANA
KUMU NI MIONGO NYANYA IULU WA IANA**

**MATHANAA TUIKAUNWA NI KUIMA NA KUTUA KWIMBUA
KWOKA**

TUIKAUNIKA TUTAUMITYE SYAUYA KWONTHE

NTHI YIANAWA NI UMANYI WAYO NA AMAYO

NTHI NIKWITYA UTALAMU WA KUTUA MATHANIE

NTHI NIKWITYA UTAALAMU WA KUUNDA MATHANIE

NTHI YIANAWA NI KWINYAATIAA KWAYO

NTHI NDIANAWA NI KUYOYA

NTHI NDIANAWA NI KUIVIWA NI NTHI INGI

NTHI NDIANAWA NI KWIKYA UKWAYO KUNENE

**NTHI NDIANAWA NI MAENDEEO MA KALUNGU KANINI
KAYO**

NTHI NDINGEAA UMANYI WA MAYO MASOMIE

NTHI NDIKASYA UMANYI WA AMAYO MAMITIE

NTHI NDIAMBASYA ATONGOI MAIMYUYIA

**NTHI IKUAA ISUNZUMELE ITEUTUMIA UMANYI WA MAYO
MWEU**

NTHI ITE KUTUA NA KUUNDA NDIANAA

NTHI ITASOMETHYA ONTHE NDIANA

**NTHI ITENA UMANYI WA UNI NDIANAA - YIMANTHIAA
KUKWA**

**MASOMETHIWE NI UTUIKA WA MBOYA NIMEESI NA
MATHANA II**

OOWAIWE MANA NUNDU KUOTEA NTHI TAKE KUIKATHELA

NITWISI NDAAMATIA ONA NDAATUTIA -AENDIE KYUMBE

MUNYUNGO WAKE WIOVO

**ASA NDAAMUNENGA NA NDAATUNENGA MBUKU NITHYI
TWIVULASYA**

**WASOMETHISYE MAYAVAKAA NZOKA MAUTA -MATHANAA
SYOOKITE**

MENDAA NTHI IKASUVIAA MAYO TA NZUKI

MAVOYEAA NTHI MATA MA MUMBI ME MUMO

**INDI MATAVASYA MAI MAVUNIE NA MATUNDUWA NI
KWIKUTHIIAA**

MAVUNITE MAI MAANDIKIE NOMO MOOLILWE NAANGI

MAMBOYA MAYAAAUASYA

MAMBOYA MAYAASELEW A TA KIMBU

MAMBOYA MAYAA TEMA IUMO KANA MIAMBA

MAMBOYA MAYOOWAITE MBUI MASOMAE MAA

MAMBOYA MAYAI MAIMU

MAMBOYA MAI KYENI KYA NTHI

**MAMBOYA MASYOKIE SUA YAKWATIWE MUNYUNGIONI WA
WIYATHI**

INDI KYENI KYOO KIYAAVWIKWA VYU

NIKYAAMUKISYE AINGI ONA ATONGOI MAMALEA

**MAWIA MOO MAI KUSOMETHYA KUUNGAMIA NA
KUNEENEAA NTHI**

**ONA MENGYA NOMATIIE MATHUNGII MOMANYI SILIKALINI
OIIMAVUA**

NIMATWILILE NTHI MATA IATHIMIKE

NOMOONISYE MULUNGU UTHYU WA NTHI AMIWIE TEI

**MATWIKIE ATHEMBI - NOMATHEMBAA ONAYU
NGOMBE MBUI NA MALONDU ASA WAMANENGIE SYIOVO
MAI SYONZE SYA ASA
INDI SUA YANTHI NIYATHUIE MEKWA
KIVINDU NIKYAINGIVIIE
NUNDU ASA NDATHIAA MBELEETE
NTHI YASYOKIE KYENINI KYA NDATA KENDA NA ILI**

**NOYESIE KUMILA KASUANI KAKWATE ILI NA IKUMI
KAKWATITWE NI KUYA KWAUSUIE NTHI
MOOIVIIE NTHI NA UTUIKA MAKAAATIIAWA NAMOKITE
MATUKU AA KWINA MBANO MBINGI
KWINA MISYI YAUUNGAMIHAA
IKATUNENGAE SYANA ESUKUUE NGANA NA MBEE
ITUNGAMIAAE ?**

IINGI NDYAASYAA ?

IINGI NDYAAUKITIA ?

MISYI IINGI TYO ANDU ?

**KIMBO AISYE MA MAU MAU MEONA ESUKUUE MAUNGAMIA
NIWISI ATONGOESYE AMATULILE NAIVASYA**

**MAMBOYA TAKE NIMEESI VALA NTHU YIKAWA TIVO
IVALUKAA**

MAYAI ATUNDUU MAKALISAA MITI MEKIITE IATU

**NOMEESI NDATA YA NDIA NITETHEEASYA MUNDU MUI
KUKILA**

NIMAATHUKIISYE NDIA NA MBUSI SYA NTHI IVITASYE

**NOMEESI KUSUKWA KUINYIVASYA AMEUSUKWA
NOMEESI IKOANI YA NDIA YISILAWA NI MUMBI IKOMETE
MAI SYANA SYANTHI SYEENGOKASYA
MAYAMANTHAA NGUMA
MAYAMANTHAA MALI
MAYAMANTHAA UTETI**

**MAYAMANTHAA LIVALOLI
MAYAMANTHAA VIASALA SYA KUUNDA NA KUTUA
MAYAMANTHAA MASAMBA MOYA
MENUKIE MEVOTOETE KUOTEA UTHASYO WA NTHI
MENUKIE NA MASUVYA ANGI MAMITHUKUMIAA
NIMEANIISYE NDOTO YA MBOYA MUVOYI WA MIVOTHI
INDI NOMAKULASYA**

**MISYI YAAKIWE NAMAENDIE TUUKIA TUKAKIAA ?
KENYA TUENDETE KU KIUMANTHI NA KIMUO ?
MISYI YA KENYA YONTHE NI MIUU NA YINOKWATI ?
NDUA SYA KENYA SYONTHE NI NDUU NA IKEANIWA ?
IVALO SYA KENYA SYONTHE NI NDUU NA IKEANIWA ?
NTHI YONTHE NI NDUU NA IKEANIWA ?
KILA MUKENYA NUMANTHAA MUO NA UKWATI WA
ONTHE ?**

**MISYI NI MISYI ? KENYA NI NTHI ?
KENYA YI UMANTHINI WAWO ?
NIKAVIKA UKWATINI ? KANA NO KUYANIAA ?**

NIKAVIKA KWITAWA?

IKAENDAA IIMANI MUONZA ITAVIKIKAA ?

GCMM1971-2019

3. KIMISYI

MWALI WA MUTUMIA MUSOMI MUI MUNO

MUNDU MUNDU NDATAKAA MUAMBANI

ASYAAWA NA AIEWA NASYAI NA NDUWA ULUNGALUNI

ATWIKE MUNDU MUNDU

TWAKUNIKILA WUMO WA MBITI

NITWONAA ASYAI NA NDUWA MEESI KITHIO NA MEETIKILILE

NUNDU AAMUKUUE ELI NIMAENDIE MASYAWA

ASYAWA NIWOONGIWE NI KIVETI KINGI ATANONGWA NINYA

KITHIO KII NIKYEESEKIE NAMAENDIE NA AWEETHIIE

KWASYA II TIKWASYA ASYAI NA NDUWA MALUMITE KITHIONI

AMWE NOMESIE KUTWIKA ETIKILI MA EMU

MEIKA YA ASYAI MATWIIAA AI KANA KAUU

INDI KAKULASYA NIKI NYINGI KEO KEWI

KAKULYA NIKI NIKAELEAWA NASYAI NA MANDUA

UU NIWAMWASUVISYE EKANA ATAENDETE SUKULU

NUNDU AI ANENGIWE KILIKO KINENE NI MULUNGU

TUIKAULWE NTHAKAME TI O NTHAKAME

MULUNGU NIWE UTUATHIMAA NA ILIKO NDUIKA
MBITI EANANGA ASYAI NIMAMUTWAIE SUKULU
NDAA VALUKYA UATHIMO UU WA ASYAI
ASYAI AINGI MATUKU ASU MAYAATWAA SYANA SUKULU
TUTUNGIAE ASYAI MAKE MUVEA MWINGI
NIMO MAMUKINYITHISYE ITAMBYA YAMBEE USOMINI
ASOMEIE MULANGO KUMA AA NDIA YAMBEE NA YAKELI
AVITA NESA AENDIE KUSOMEA SUKULU YA KATATU
ALIANZI
AMINA ISU NIWAENDIE KUSOMEA MAKELELE UKANDA
ITINA NIWAENDIE MUINGO AKASOME E SYITAWA NDIKILII
NIWAMINIE YAMBEE YAKELI NA YAKATATU AVIKA MIINI YA
USOMI
KWIAWA KUMA AANDIA KUVIKA YAKATATU NIWOOVAA
ILASI
NIWATWIKIE LOLOVESA WAMBEE UKAMBA
LEVALENDI LOLOVESA YONA SAMWELI MBITI
ANAI MUNDU MUNDU WA ANDU NA MUSOMI MUNENE
WAWO
NAMWONIE E MWALIMU WA UKUNUSYA ALIMU MALIVI
MUISUNI

TUYEESI AVIKITYE KISOMO VA INDI AI NDUU YAITU TWI
TUVISI
EKIAA KINASA NA SATI SYA KAKI
SYAKUNAWA VASI SYITIKIWE WANGA IKAUNGAMAA
SYISYOKA
IATU SYAKE SYAKENGAA TA IOO
TWI TUVISI MUISUNI TWAKUNAA MUVILA WA MATANI SAA
SITA

**NOWE MUNDU MUIMA WAKUNAA NAITU
NYUMBA YAKE YATHENGEE KIWANZA NA ILASI SITU
TUVISI TUITHAUKA TWI NDUUTHI**

**SYA UKINYANGANA
SYA KUSUKUMANA
SYA KUVALUKANYA
SYA KUKITA**

**II ISYAA KAU MAIYO NA MOYAA
MWALIMU UU WA ALIMU MALIVI
NIWATWAA AMAIAA NA MOYAA MAUMIITWE KWAKE
NIWAMANENGAA KIWU KYAI ONA LIU**

**OONA A MAKILITYE NAI KANA AUMIU NIWAMENUKASYA
NIWAELEASYA ASYAI WUMO WA MATHINA MA SYANA
SYOO**

**NANINI AIMA MYAKA ISU ONAYU MAKWATIIAA SYA TUVISI
NI KAVISI ASYAI NA ALIMU MEESI TUVISI NO
TWAUTANDIKAWA**

TI TUVISI TWOKA WAI NDUU NATWO

NIWAKETHASYA ANDU KWOO MUNO

NIWEESENE NA AKUUA ASYAI NA AAUMAU MAITU

NDAI KILASI AI MUNDU MUNDU NDUU YA ANDU ONTHE

**TWEEAWA NASYAI NA AA UMAU TUSOME TUKATWIKI
TAKE**

**NOTWATHAWA INASA NA SATI NGUNE VASI NA WANGA
SUA YITU MUISUNI NIYAKWATIWE AVUTWA**

WAKYUMWA WAATIIE KAWINZI MUNENE WA EMU

AITAVANYA ATWIIIE:

“MBITI NIMUKENGANI

ANDU AIU MAYEESI NGAI”

II TUYAAMANYA

**UMAU ESIE KUNDAVYA MBITI AVUTIWE KUANDIKA “AIU
NITWEESI MULUNGU” KU ISU SYAANDIKIWE NESIE
KWISOMEA MELEKA**

KINTHINI KYA KAWINZI NESIE UKIMANYIA OKU

**TUISOMEA SILAKUSE NDETI KINYALILI NA ANGI
TWAMUKUNIIE SIMU**

**TWENDAA TUKAMWONE KWOO ATUTAVYE UNDU WATIITE
KUU**

ATUSUNGIIE KIKAMBA SIMUNI:

**“KUU KWITU NITWALEILE ANDU AIU MAYUKA NA
MAITUA**

MUIKOKE KUMBONA NA KUMBIKIA AIVU”

**NDUKAAKULYE MWALIMU UNGI WAKWA ATUNGIIE EMU
ISYITWA NIKI**

**AINGI NIMAWETAA UNDU MBITI WAMAINGISYE MBUSI SYA
THAYU**

**NDYAAONANA NA MBITI AKUWA KUVIKA MUONZA NEMWE
NESIE UMWONEA MAKELELE UKANDA**

**NINA MUSOMI UNGI TWASYOKA KUMA KISOMONI MELEKA
NIWATUTHOKISYE MAKELELE UKANDA**

NIWATUVUNDIISYE SYENDEKAA UNIVASITI SYAKUU

AI MUUNGAMII NA MWALIMU WA NDINI NA VILOSOVIA

TWATUMITWE NI UNIVASITI YA KITAMBAASYE

TWATUMITWE TUKAKUNUWE NI LOLOVESA MANZULUI

TUYAAKWATANIA NA SYAKE NUNDU

**TWAI MELEKA YILA ISOMO SYA AIU SYAKANANIAA
SYAMBULU**

NGANANIO TAI NISYO SYAVUTITHISYE MBITI EMU

MANZULUI NDAKWETE ISU IVINDANI INDI NOWESIE

**AMANYA MBUA YA SYAMBULU NDYAI KITHUMA
UTHASYONI**

TWATHAMIIE KWA NGOMO MBITI

NIWATUVUNDIISYE SYA KUTHUIMA KUMANTHA KUANDIKA

NA KUSOMETHYA IKONETYE KENYA NA AVILIKA

MBEE: TUTUMIAE NTHIMO NA WUMO WASYO

TUIKUNIKILA NDINI, VILOSOVIA, MIKALILE, UKWATI NA SIASA

**KELI: USOMI NA ASOMI MANEENEAE MA UKWATI MUNINI
MBEE**

**KATATU: USOMI AVILIKA WAKAWE IULU WA UMANYI WA
KUTWAUMIE**

**KANA: IWAANDIKA IKELAWA NAIISOMETHWA NASOMI NA
WANDA**

NDUKAMASUNGIAAE NUNDU KUSUNGIAA NI KWIYONA

WEEMYA II INYA MBITI WATUTAVISYE

UKOONA IATIANIE NA ASOMI ANGI ELI MEIKA YAKE

AA NI NDIOVU NA VANONI

NDIOVU AANDIKIE SIENZI NA MIKALILE YAITU
ILA SYAAKIE MISILI TENE MBULU SYIO KIVINDUNI
AKILIKI MESIE KUYA UMANYI UU NA MANENGA MBULU
IINGI
SYA NDIOVU SYALEWA NI MBULU UKOLONINI AVATIWE
YAKATATU
INDI SYI UMANYINI WA ASOMI NDUNIA YONTHE YU

VANONI NAKE ATUTAVASYA
UNDU AKOLONI MATUVENIE MESILYA
AMAITU MOOSIE UUNGAMII AKOLONI MATHI
MAI MATWIKIE KOVI YA AKOLONI MASUVIAE SYAMO
MAASYAA SYA MBULU NISYO VYU
SYA ASOMI AA ATATU IKUITWE NI KIMWE KINENE
KII NI TWAI SIENZI MIKALILE NA ISOMO SYAKUU AVILIKA
SYAAKIE MISILI TENE UYAUTI UKILISITO NA UISILAMU
ITAAMBIIWA

AA ATATU MENDAA AVILIKA ISUNGIAE KITUTONI KYA
NDUNIA
MATUTHUTHASYA TWAKE MESILYA MEU MAUTUTUNGANIAA
MA NDINI MIKALILE SIASA SIENZI UIITI NA SYONTHE
SYANDU
NUNDU MESILYA TWAUMISYE AKOLONINI NIMATUVALAANILYE
MEU NUNDU MA AMAENDIE MOKA MAITUTWAA AVILIKA
NZAU
MEU NUNDU KITUTO NI KYA NDUNIA TUKATHUNGUUSAWA
MESILYA MEU TULEAE UKOLONI MWEU

**MEU NUNDU TWATIIE 'NI MUNDU NUNDU WA ANDU'
UKOLONINI**

TWATWIKIE NI MUNDU NAISYAKWA

MISYINI INYA ITHE NA KILA KANA NO NYIE

TWATUNDUIIA TWATWIKIE NONYE NA MBAI YAKWA

II NI MBINGO WAKINI WA NTHI SYI MBAI MBINGI

NO MBINGO WAKINI WA AVILIKA IMWE

**NOWATULILIKANISYE KITENE NOKYUKITE UMANGAMANGI
WITU**

KIKATWONYA MIKALILE YA ULUNGALU WA UMUNDU

**ANDUNI NA NTHINI SITU NAINDI AVILIKA MASUNGANI MA
NDUNIA**

MBITI ANAI MUU

ANAI WAKWISILASYA

ANAI MUIMA

NDANAKANANIAA ONA ALEA

NUNATHUKUMIAA ANDU

MBATHI ANATWIIIE AMUANDIKIIE E MELEKA

AMUMANTHIE MUNDU MUKA MATUMA NDUU YA VALUA

I NDUU NIYESIE KUMA UTWAANI

MBITI NDAASUNGIA KAWINZI KANA EMU

MBITI NDAASUNGIA AMAVUANASYA SYAKE MAKOSA

MBITI NDAASUNGIA ASOMI AINGI MATAELEAWA NISYAKE

INDI AKENYA NA AAVILIKA TWATHUIMA NGINDANO

**SYA USOMI KUMA MIONGO INA NA THANTHATU
TUKOONAA**

**ASOMI AINGI MAMBIIE MASOMETHANYA TA AMAKE
AIU MELEKA NOMAANDIKIE ITIENYE NASYAKE
MBITI ANAI MUTUMIA MUSOMI MUNDU MUI MUNO
AKEETAWA MESYAWA AENDIE NDAKAAULE
NINAKU NITUEAA TUVISI NA AANGI TAKE
NINAKU NITUMANTHAA UMANYI TAKE
NINAKU TWIALAU NA UMANYI WITU TAKE
NINAKU NITUUITYE TAKE
NINAKU NITUNEENEAA NGYA TAKE
NINAKU NITUTUMIAA ILIKO TWANENGIWE MANA NOTUIKA
TAKE
NINAKU NITUKETWA TAKE**

**MA UNI MAKATUSILILAA NA SYAWETIWE NI
MBITI**

GCMM 2019

MWALI WA MWALIMU

MUNDU NGUMBAU NITA NGUTHU

AI WA MAMBEE KUSOMEA WALIMU ALIANZI

AI MUSOMI WAWO

AI MUUNGAMII WAWO

AMWE MEIKA YAKE NIMOOMIISYE UKOLONI NA NZIVOVO SYAWO

NIMAOTEAA WIYATHI WAWO AKOLONI NA NZIVOVO SYOO IILEA

AMAKE MATAIIAA KUMATHIIKA KWAKE

MAMUSYI NIMATAIIAA UMANTHI WAKE WA ITHEKA

MA NDUA NA KUNGI NIMATAIIAA WALIMU WAKE

MAKIVALO NIMATAIIAA UUNGAMII WAKE WAWO

MAKIVALO NIMATAIIAA KUMAETEE MAENDEEO

ONTHE NIMATAIIA ULUNGALU WAKE-NDAAMOYIA

**ASYAIWE KAMUSYI KA UMWE WA KYOKOLA SYAMBEE
KENYA**

ITHE AI MUKI WAMOKO UTAI MUVIA KIVALONI

KWOOU MUSYI NDWAI UAIWA KATHEKA NI MBAI

VANGI NDAI ATWILWA NUNDU ITHE AI NDUNGATA YA EMU

MWALIMU NOWESIE KUUIA MUSYI MATHEKA

ITHE NOWESIE KUTWIKWA MUIMI MUNENE NAKE AATIHA

.

NIWAVUNDIISYE MUSYI UVWIKAE NTHI NGUA

NIWAVUNDIISYE MUSYI UMIVAKAE MAUTA

NIWAVUNDIISYE MUSYI UMIKIAE MUUNYI

NIWAVUNDIISYE MUSYI UMINENGAE NDAIA

NIWAVUNDIISYE MUSYI UMIVOYEAE

NIWAMAAVITHISYE MAKAMITHIA NZYAWA ITATHELA YINZEO

TWIKULYA

NIKI IIMA NTHEI

TWIKULYA

NIKI MBUSI IKUMA

TWIKULYA

NIKI KYA MBUSI KIUTUWASYA

TWIKULYA

NIKI NZEVE IKUTUWASYA

TWIKULYA

NIKI MOWAU MATUVINYIIE

TWIKULYA

NIKI NZAA YAAKIE MAKENGE

MWALIMU NIWAMANTHAA UMANYI KUMA WANANI

UMANYI NIWO NZIA YA KUI UUNONI

UUNO WA MUSYI

UUNO WA KIVALO

UUNO WA MBAI

UUNO WA KENYA NA AVILIKA

UUNO NAWO NDUKAA VATE ULUNGALU

ULUNGALU NI KUWETAA NA KWIKA WO

ULUNGALU NI KWENDA ONTHE

ULUNGALU NI KUOLAA MATHINA MA ONTHE

ULUNGALU NI KUTHUKUMIA ONTHE

ULUNGALU NI KUMASYA UMANZI KWA ONTHE -ONA SYANA

ASYAIWE KAUNI WAMBEE

AENDIE AA NDIA KANGUNDO

AENDIE KWA MASAKU ITINA

AIVINYIWA AATIIE MUVIA WA MAMOKO AKOLA

NDAAMINA MWAKA VO

AOTEAA KUENDEEA NA KISOMO

NGUMBAU NOIMANGAMANGATHAWA

EKALILE MUSYI

WAATIIE ANYUVWA NI EMU AKASOMEET ALIANZI

NDUUTHI NIYAUMILILE- KA MUKI KATONYA KUI KUNENE ATA

AIMINA MWAKA KWO NDUUTHI II YATUMIE KA INAUME KOLOTWA

EKALILE MUSYI ATWAANA NA MAIMA SYA UMMUTUNGA

**ASYOKA KWO AEMEE MUOMONI ESA KWITIKILWA ASOME
AMINA ATWIKIE MWALIMU
AMBIIE KUSOMETHYA YA AALAVU MOMBASA
ATWAWA KANGUMO NIWASOMETHISYE NYANGA MUKUU
AETIWE KANGUNDO AMBIIE YAKELI NI SILIKALI EMU IILEA
AASYAA KINENE WAUMISYE ALIANZI KIYAI KILASINI**

**SIKOTI NIYASOMETHASYA UIMI
SIKOTI NIYASOMETHASYA UVUNDI WA KUTUA
SIKOTI NIYASOMETHASYA UVUNDI WA MYAKO
SIKOTI NIYASOMETHASYA UVIASALA
SIKOTI NIYEESI SYAKILASINI SYOKA II UTUIKA WA THAYU
SYA KILASINI IIUVUANIASYA MIVIA MINGI**

**UTUIKA WA THAYU NI KUMANTHA UKWATI WAKU NA NTHI YAKU
SYA MAVUKU NI UMANYI WA ISYIVO UKELA
UKWATI WUMAA KUMANYA SYA SIKOTI NAINGI KWA ONTHE
NTHI YAITU NIYOOLILWE NII SYA ONTHE TWEESI KITHIONI
KWOOU NDUKAKULYE KULA THINA NA UKYA IKUMA
IKATAMBYA TWAILILIKANA NA TWAITUMIA**

**MUINDI WA MBINGU AMBIIA UTETEA NDITHYA
MWALIMU NIWALIKILE NGUTHU ISU E MUANDIKI
MUINDI AKWATIWA MITAVONI
MBULU SYASYOKIE MASAKU IKAVANGE KUMUKWATA
UMWE WA MITAVONI ASEMBIE OOKA KUMWIA AVITHE MAANDIKO
NIWATUMIE NDUU NGAMU NOO WAMUSIIE MBOLONGO**

KAU WAKELI WOOKA

NIWAVINGIWE AYIWA ENDAA AMOKITAWA NI MUNGELESA

AVITINIIWE NI KIVU UTENDAA KA MUKI KAITUIKA

KII KIYAAMUMAKYA

AKUNAA LAVOTI KWAKYA KWA U KIVU

AMINA ISU AITHI KUSOMETHYA

NIWEESI VALA NTHU YIKAWA TIVO IVALUKAA

**NOWESIE UTWIKA KIVU NA ALIKA KYAMA KYA AKAMBA
MAUMAUNI**

KANA KA KIVU UU WAMUVITINIIYE KAI MAUMAUNI

NIWAKAUMISYE NA AKATUNGA MUSYI

TIKO KOKA-NIWASUVIIE AINGI

MUTUI UMWE WAITHASYA KYA MAUMAU NIWAMWINUKISYE

ENA MUKA NIMOOMBIE MUSYI

MAKE MAYIANA NIMEESI VEESI NDWIAA

MAYA AVUNDISYA SYANA ISYAE TAMO

NIMAITAVISYE KILA KIMAUNA NI KISOMO EKA SYANA MBINGI

KISOMO KYA AKA NA AUME

KISOMO KISIKIE NA KISI NDUNIA

TI SYANA SYAKE SYOKA WASOMETHISYE

NIWAIVIE VEESI MATEMA MUKONYO

ONA ENUKIE NOWAUMIASYA MEENE VIISI

AKAMBA AUME KUI UNIVASITI AMWE MESILE MOKONI MAKE

**NIWASOMETHISYE AKA MAMBEE UKAMBA KUVIKA KYA NYANYA
E MOMBASA NIWASOMETHASYA MUSIKALI MUTULUKANA WIYOO**

**NIWATHOKOANA NA EMU IILEA KWONGELA KISOMO
AMINA ALIENZI ALEILE KWA EMU IEMEE KYETHEO
SILIKALI YAMUTWAIE MOMBASA NA KANGUMO
YAMUETIE EMU AMBIIE KYA KATANO EMU OILEETE
.NOWA MAKEMEEAA MONGELE KISOMO KYA ATAVANYA
NIWENDAA NDONGOI ATAVANYA AANDIKWA NA MAMBAI
ASOMU**

**NOWESIE KUUNGAMIA KYA ANDU AIMA KWAMASAKU
NIWOKITIAA EMU YIKIE SUKULU YA USOMETHYA ALIMU
NIWEESI NESA KANA KISOMO KYA KASENGELA KII UKWATI
NIWEESI MIVIA YONTHE NIYENDAA NDONGOI NZOMU
NIWEESI MISYI ONAYO NIYENDAA NDONGOI NZOMU
NIWEESI ANININI ASOMU MEEYUMBA MEOKA MANDEEO
MAITAMBAA**

**AMINA KUSOMETHYA NA KUUNGAMIA KYA AIMA
ANYUVIWE NANDU ATEVO ATWIKE KIVU
NIWOONANISYE UTUIKA AYINZITHYA MBENZI
NIWOONANISYE UTUIKA AILINDITHYA MATWIKU
NIWOONANISYE UTUIKA AYINZITHYA NZIA
NIWOONANISYE UTUIKA AIVANDITHYA MITI IIMANI

NIWOONANISYE UTUIKA AITHAMYA ANDU IIMANI**

**NDAA MEKYA AMATWAIE KWALE MATUA KWESAA UTUA ATAITA
NIWANYIVISYE UKI AVINGA KUUIAWA MISYI
WAUIAWA NDUNYU UUNGAMIITWE NI WEIKA UTANYUSAA
WAUNYUSAA WATAVANYA WIA ULA UKUNIE
WANYUSAWA MASAA ELI -MBESA SYAI SYA MAENDEEO MA KIVALO**

**II SYONTHE NISYASINDIWE NI KWAKA MASUKUU
MASUKULU METHEO MAYAAONGELWA KUVIKA MITUKI
ALA WAAKITHISYE MEOVO
MAAKAWA NI NDUWA NUNDU NIMOO
NIWONGELILE UKWATI WA KIVALO AETE KAAWA
NOWAETIE NGOMBE SYA SAIWOO SYONGELE IIA NA UKWATI**

**UKWATI WONGELEKA NIWOKITIIE KIVALO KYUMIAWE KOTI
NDWAI WA NGUSU YAKE
MBESA II SYAUAA MIKO MAEMBE NA MASULULU
MIIO II YATUMIKAA MAWIANI MA WANDA
MBESA II NISYAUJIAA MASUKULU MAVATI
KUMBA MAVALI NA KWAKA KWAI KWA MANDUA**

**NIWATHUTHISYE AMAKE MAUE MASAMBA MA MBULU
MUNOTI AASYAA MAKANENGANWE MANA
UU NDWAATONYEKA
AMATAAMUKWATIIA NIMELILAA
AMAUIE MAMUKATHAA MUNO
MAASYAA MALI YOO YAUMIE MASAMBANI ASU**

**WIYATHI WOOKA MAKIVU MOKOLONI NIMAVUTITHIWE NI ASIASA
KWEEAWA NIMO MAUMIASYA ANDU NA KAMUNOO
AVUTWA ASYOKIE KUIMA ASOMETHYE
KUMA IVINDA YAKE VAII MUVANGO WA MAENDEYO KIVALONI
KUMA IVINDA YAKE UKI NIWASUMBIKIE KIVALO
KUMA IVINDA YAKE MAENDEEO MA ONTHE KIVALONI NIMAIMIE**

**TI KIVALO KYOKA WATHUKUMIIE
KUUNGAMIA KISOMO KYA AIMA NIKWATETHISYE KWAMASAKU
MYAKA ILA WAUNGAMIITE MBESA SYA NZAMA KUU
NIWAITUMIIE MUNO KWENZITHYA NZIA NA VEESI
MUVOTHI WANENGAWA MA KYAKATATU NA UNIVASITI
VAI WAKE WAAINENGWA- NIWEESI IKAMAETEE NDUUTHI**

**NIWAMBIIE NGWATANIO YA AIMI KWAMASAKU
NGWATANIO II NIYOONANISYE UTUIKA
NYANYA NA INYA NIYAUUIE KITUI LIU
NIYAMBIIE KITHII KYA MUTU
NIYAMBIIE KITHII KYA VAMBA
NIYONGELILE ITHII SYA KAAWA**

**SILIKALI YAETE MUVANGO WA UKUMU MUONZA NA MUONZA
NGWATANIO NIYALIKILYE AINGI MIVANGONI ISU
AIMI AINGI NIMAMUTUNGIAA MUVEA
NOVOOKIE NDUUTHI YA ATHUKUMI MA I NGWATANIO
AKULAWA MISAALA Tawe WAUNGAMIITE OVISI**

SYANA SYAKE NISYALEILE AIENDEEA KUVUTHWA SYAMWINUKYA

.

KINYAATA ALILIKANA UTIKA WAKE NA MUINDI

AMWITIE AKAKELAE AMEUNENEVWA SILIKALINI NENE ENANGI

MAKENYA AINGI MAMWISI NUNDU WA WIA USU

ALILIKANAWA NI KUKELA MATAKITALI MAINZINIA NA MAKIWU

AKELI AANGI MAMUTIIE ISU NUNDU NIWEESOMETHETYE SYO

OONANISYE USEO WAKWISOMETHYA ITE KILASINI

AKINYA TULEAA ATHIANI NA ATHANI MAITU NIKI

NIKI TUTATANIAA AKI

NIKI TUTATANIAA MAWO

MWALIMU NIWANENGETE AKENYA NDAIA

MWALIMU NIWATHUKUMIIE NA AATHIMA AKENYA

NDAATA KANA KWOSA ITHEKA SYA KENYA

AINENGWA SYANENGANAWA NIWAILEILE

NDAATEEA SYANA SITU NDAWA SYA ULEVYA

NDAAUYA MBESA SYA WIANI KANA KUONGWA

NDAATEMA ITHEKA SITU - NDAANDIKITHYA AMAKE

NDAAVUKYA SYITHO KANA MBUSI SITU

ENA AMWE MEIKA MAOTEAA KENYA NDUNGALU

TUMUKUNIAE SULUTI

NUNDU AI MULUNGALU

NOTUKAKA KENYA NDUNGALU

TWINAE MWALI WAKE TUISOMETHYA AMOKITE

**TULILIKANAE NTHI NDITAMBASYA ITENA ULUNGALU
TULILIKANAE ULUNGALU NUSYAA MAENDEO MA ONTHE
GCMM 1989-2019**

MWALII WA ANA NA MASII

**MULUNGU AIMOMBA NIWEESI UNDU MAKATUA NA MAKAI
KWAKE**

MUIKIIO WITU WIVA ALA TWATIWA ?

**MWAITU WAEIE NA WATUNENGIE KIVETI KYA VATA
KATA TWAEIE NA TWAKUNENGA KIVETI KYA VATA**

**WANZA NUTIIE MUEMEU NA ANDU MAKU
MUENI NUTIIE MUEMEU NA ANDU MAKU**

**WATHOME NUTIIE KIVETI NA ANDU MAKU
NDINDI NUTIIE MUEMEU NA ANDU MAKU**

AA ANA MAUMITE KUIA NA KUKIAKISYA MOO MAKWIIWE

**MULUNGU AIMOMBA NIWEESI MASII
MUIKIIO WITU WIVA ?
MULUNGU NUMATHENGEEISYE KWAKE
MUIKIIO WITU WIVA ?**

**ATWATIWA TUKAUMAABA TAMO ?
UNI WUMBABA UMUNTHI
UNI WUMBABA UMUNTHI
GCMM 2016**

**MWALI WA MWAKA ANA MA MASII MATHI
MWAKA NIMUTHELU INDI ATWAIIE NA MAVINDI
TUYAAULWA
KITHIONI MAMUSYI NA ATUI NIMOOKAA KUKIAKIANYA
ATUKIE NITYIANIISYE UU**

**MOOKAA
NA NZELE
MOOKAA**

MAISANIE NUNDU ANDU NI MANDU

MOOKAA

NUNDU MUNDU TI UKIITI

MOOKAA

NUNDU ANDU MAYAATUKA MUAMBANII

MOOKAAA

NUNDU WA KUUMIISYA AMATIWE

MOOKAA

KUOLANA IVOU

KIYU NITUUVITYA TWAMEA MOSE VINYA

KOWITU ?

NDWI MWENE ?

KITHIONI

TWAETE NZELE TWEKALAA NTHI TUUITYE

KITHIONI

TWEKALAA UU MOSE MUUO WITU

KITHIONI

TWEKALA UU UUU WITU UMAOLE IVOU

KITHIONI

TWEKALAA UU TULILIKENE USEO WA AMOO

KITHIONI

TWEKALAA UU NUNDU MOO NOMAITU

KITHIONI

TWEKALAA UU ITHYONTHE TUKIAKIKE

UKIAKISYO

NIWO TUUNENGA AMATIWE

UKIAKISYO

NIWO TUUNENGA MISYI YATIWE

UKIAKISYO

**NIWO TUUNENGA MUSYI NDUWA KIVALO MBAI NA NTHI
SYAAISYE**

GCMM2017

MWALI WA NDATA

NUNDU NI MUNDU

NEESI NUE WITONGOESYA USYAO WAKA KWITU

AMAVIKITE NA AMOOKITE

WOOKAA SALITI

WOOKAA UTWAA MWENDWAU KUYA WAMUTHENYA

NIWEESI UTEVO AISAA MYEU

WENDEKETE NAINGI MAMUSYI

WENDEKEAA KWITINGA KWANAKAVA NA KUIVA

WENDEKEAA MUNO INEE YAKU

MATUSIISYA TUIYA KWAKALUME

WAMBIAA NIMAEKEE NUNDU MAYISI

WAMBIA MEONA NDUU YA KASEE NOITHEKA

MAYEESI WASUVIAA MWENDWAU

MAYEESI WAMWIWIAA TEI AITHUKUMA TA NDUNGATA

ASOMETHYE MAKE WENDETE MUNO

WEEYIKALITYE NESA

NDWAAKWATYA KWENDA UTWAE UTEMUVIKU

WAVIKA NA WALUMYA WIA WANDAVISYE NUUTUMA NDUU

NIMWOOKIE NIMUATHIMIE NDUU UTATAVANITYE MUSYI

ITINA NIMWAENDIE KUTAVANYA

NDUU NIYEETIKILILWE

INDI MUYAATHIMWA MUTANAENDEEA

NIMWAKWATIWE NI KATHOA MWIELI

MWAKWATWA WANDAVISYE KWAKALUME

WAMBIIE NIKILILYE WUMO NISUVIE WAKU

**MWAENDIE MYEI THANTHATU IITHELA
UENDEEYE WIANI WIO MUWAU**

**WATHI NAKULILWE NGUNEENE
NDYAATUMUA NOYIE TA KANA
NALILIKANA WANDAVISYE KWAKALUME WAMANYA**

**NALILIKANA WAMBIIE NIUMIISYA WATHI
NA NDIKAULWE KUSUVIA ANAKWIAA UKASUVIAA
WANDAVISYE INGI MBINGI NDAKATAVANYA**

**NDYAA TAVANYA II SITU
NO KUIA
NAIITE MAVINDA MAINGI EKA MATHIKONI**

**NITWEEWIWE TEI WATHEMBWA
WESAA KUEA NIMEEKINGIE
NIMATHIMITHISYE NDUU SYOO**

**MAASYAA NUE WAMATAVISYE METWANA
MAYAMANYAA UIMATAVYA
MESIE UMANYA KIWAMATAVASYA MEANA**

**NIMAEETE YU
AINGI NIMEETIE SYOO YAKU
KWOOU NDWAA TA MUSYI UATHITE MBITI**

**WAMBIIE NITAVYA TUSWII TWITU UTANAI
NINISI KUWAENDIE NUTANAA WOONA MISYI YATWO
WIA NATALITHASYA UKAKUNA NIWAMINIE NA UTUIKA
WAKU UTANAI
GCMM 2017**

**MWALI WA WAKUASA
UU NI MWALI WAKU MWENDWA
SYAKWA SYIVAA SYONANYE UTUIKA UAMBU NA USUVII
WAKU
SYONANYE UNDU WOOMIISYE MATHINA MAKUU MAMANA
SYONANYE ULITU NA MUIKIIO WAKU KWAISITU**

**NAKWONIE UVITILE KAMUSUVINI KA ILASI - NAALIKA
METHO**

**KILA NOONIE MBEE NI NZWII YAVITITE UTHANTHAU WA
ITUO**

YEANAA TA YA NIKI KANA ANGYELA

NUNDU NINAMANTHAA NAKWATWA NI KAWENDE

NAKULYA AMAKUU MAMBIIE MAKWONAA UKWETE SYAKU

WANEENWA WAKITAA UKENYA NOITHI

NIMEESI NUWAMINITE YA KELI TAKWA

NAMANYA NGAUTAVYA TULYU VATE KUYA WUTI

THINA WAI TUKAKOMANA ATA

SILAKYUSI YAI TUMISUVI TWINGI TWA ILASI

NDYEESI ILASI SYAKU SYAI SYENDII NA SYAIVA

TWESIE UKOMANYA NI WALOLA

TWAVAASANIE MATAANI UTWAITE VULIMUTHI YAKU NZAU

**NATWAITE MUTUMBA NUMITE KUTHINZA NGULUE
NGINYUNGA**

NAKWIIE TUKOMANIE KAVETELIA WAKATANO SAA MUONZA

**TWAKOMANA NAKWIA NIENDA KUUTWAA TULYU
-WAKENYA**

WANGULILYE NINYE UU

NAKUELESYA O VANINI

**NDWAANEENEA KOVEA YAKWA MITUMBA KANA KUNYUNGA
NGULUE**

**NDWAA NGULYA MALI NAKWIA NIKALAA YAKUOMBOWA NA
KINYALILI**

**NEEIE MAKUU NGAUTWAA MYEI THATHATU ITANATHELA
MAKUU MAMBIIE NINANDUUKA NUNDU MAKWONA A
UVITITE**

**MWATHUKUMAA IMWE AKWIIE WINANDUUKA KUI NA WA
MITUMBA**

AUMBULILE SYAINI INYA SYA MUTWAANO WITU

KUYAMBIIA KUTHITHA NITWAENDIE KWONA AMENYU

WENDAA TUI NA MBASI

NAKWIIE NITWAE UWAKU EKA WAKWA KYONZE

**NAI NAUMISYE UMWE KANISASI NA NONATWAA WAUTA
NGULUE**

NINAKIAA KULEWA NAMENYU

**NALILIKANAA MATHU WALEILWE KUNGI AYONEKA ATE
MALI**

NINYE NAMUNEENEAA

**TWAUIE MALAA MAKALOLI TWAMAVINGIA NGELESI
MAELEWE**

ASYAI MAYAI NA MITUMITU

AINAU ELI ONAMO MAYAI NA NDETO

**INYA WAKUUNGAMIIE UVATISO NIWE WATUKULILYE
TWIENDA ATA**

WAKITIE UKENYA -NYIE NO ITHO NA UTHYU KYUU

NIKIITE VITII UKWIVASYA NDYEESI UNDU WENDETE WINI
TUUE WEKA -KWENYU KILA LUMU YAI KINANDA NA
MASAANI

MBATHI SYA KUMA MYAKA MAANA ANA ITINA SYAIVO
INANDA NA MASANI SYAI MITHEMBA MINGI TA
MYUSIAMUNI

MWALIKA NYUMBA KWENYU KYAMBEE KYAI KWIKIA WATHI
INYAAKU NIWAANDIKAA MBATHI KUVIKA E MIONGO KENDA
NA

ITHEAKU NIWAUAA MBATHI SYAUMWA

NGEWA KWENYU SYAI SYA MBATHI- KWOOU KINENGO
KYA MUSYI

NINAMANYIE

WAENDIE SUKULU YINGUMA NDUNIANI YA WINI NA
KUSOLA

NINAMANYIE

WAINGAA MBEVE NA NGITAA MAVINDA MAINGI

NINAMANYIE

WAUIWE KYALANI WAMINA SUKULU YAMBEE

NINAMANYIE

WEETUMIAA NGUA ONA SYAUWA - II NIWAETIE KUU

TUYAA MATAVYA KUTWAANA NUNDU TUYAKWATANIITE

NAMANYIE WENDAA UKAMBONANYE

TUSYOKETE SUKULU TWAKWATANIYA

NENDA TUTWAANE MWEI WAMBEE NDWAAVENYA

**NAKWIA NIENDA TUTWAANITHWE NI LEVALENDI OKINISI
WATULILILIE WAKIMA MUTOKAA IULU NA KYONGO
TUENDETE**

**NAKWIIE NIWE WAMBUMISYE UKOMBONI WA UKAVILA
MIAMI**

WAMBIA NIWE WAUVUNDIASYA SANDEI - TWAKWATANIAA

**TWATWAANIE MWEI WA MBEE THA NTHATU NA MUONZA
KITUI WANYUVITE MUINAU INDI AVATWA NI MUUME
ENDAA METHWE ITUI VAMWE-NAKWA NANYUVITE KIVUTO
WOOSIE KITUI KUMA AMWAI NDIKILIINI YAMBEE IMWE**

**MUTAVANYA KIVUTO NAKWA TWAI TULIKILE IKANISANI
TWAUUYA ATWIIE ATWAWA NO MASELEAWA
NDWAANDAVYA KILA KYAENDEEYE
MUINAU ANESIE KUNDAVISYA KUU OOKA UKWONA
WAVINYIE**

**TWEEKIWE MBOKA INYA NA MASUNGA ANA NI AMAKUU
TWAIVIIWE TUKATHUMUE NOMO
MALEILE MIVOTHI YA AMAKYENYU NUNDU NITHYI
TWAUTHOKASYA**

AMAKUU TWEKA A UU KILA SUKULU TWAI MELEKA

**TWI MBOKANI AMWASOMAA YA MBEE MAISYE
NIWAENDETE NGANA**

**WESIE KUNDAVYA ITINA NASAANIWA NI NGOVIA
YAI VANDU VA VATA KALUMUNI KAKU
NGANA NIYO YAUKUSIISYE KUU ?**

**TWENUKIE KWAKU LUMU IMWE TWATWAANA
KITANDA KYAI SOVA TWATAMBUUKASYA
KYEETAWA KASITULO TA WA KYUMBA!
NOOKIE NA KASAANI KEKO KASILIA KAKOMBE NA TUTANI**

**WAI NA SETI YA MIIO KYALAANI NGITAA NA NGUA ITAI
ISAVU**

**WAINA SETI YA ISIKO NA VOKO SYA AENI SYA ALIMASI
WAMBIIE AMWASOMAA YAMBEE MWAUAA SYAIKINGA
MWATHELELWA**

**WAMBIIE IKANENGWA MWIITU WAMBEE TWALEA
UTHELELWA -NGESA**

**MWEI UU WA MUTWAANO WAI MUATHIME KATATU
WEETIKILIL E TUTWAANE**

**ONAVALA KIVUTO NA ONYOKA MATWIIE TWI ATUNDUU
NYEUSI INYA TWAVITIE TWAMBIIA KUANDIKA IVUKU YA
YAKATATU**

**KALUMU KAKU NIKAATHIMIWE INGI MWEINI
ANENE THANTHATU MA SILIKALI YA KUU NIMOOKIE VO
MEKALITE MYEI ILI MATAYA NGIMA NA IKUYU
WAMETIA MATANIE MUNO -NDYISI WAMANYIE ISU NAKU**

**TWENUKA NA NAMBIIA KUTHOKOEWA KUSOMETHYA
KINAANDIKIWE**

ELI MA ASU NIMANDAVASYA MIVANGO

NIMATUMIE MBITA MIVANGO YA NOVWE MINGI MUNO

NIMAUSIIASYA NDUKAVITHUKIWE NDE KITAMBAASYE

MWEI WAKATATU WAATIIE WANENGWA YA KELI

**WAMBIIE WITHUKUMA UNZUVIE NIMINE YAKATATU
TWINUKE**

KUU KUASA NDWAI WAAKINYA - WATUMIA NIIA

WANDUIA SYIKO NDIKOawe NI KILAIKU KINGI NAVUTASYA

USEO NA THINA SYI UNDU ITIENYE

TWAVILWA NI MUTAMBAIKO

TWASEMBANYA NA UIITI KUVIKA MIONGO MUONZA

**MUIITI WAWO ATWIA TUTIIE NGAI - ATWATHIIE VATELI
KITAMBAASYE**

**NAMINA YA KATATU MUONZA NA NYANYA TWATHENGEIE
AMENYU**

**TWATUIE MONITIKILEA NGISOMETHYA VO NOITHUKUMA
ISUNGWANI**

**MWAKA WAATIIE WAMBIIA YAKATATU UMIKWATANISYE NA
UTHUKUMI**

INDI NDWAAMIMINIA KU

TWAINA IVINDA ISEO

NAMENYU TWI MONITIKILEA

TWAI NA IVINDA ISEO

TUITHI KUSUNGA NAMO NA ATWASOMIE IMWE
TWAINA IVINDA ISEO
TUYITHUKIISYA KONZATI WENDETE MUNO
TWA NA IVINDA ISEO
TUISYIMA UTUKU NA MUNYANYAE WAITU

TUITWAANA NAINA MATHII MAINGI TA NZWII
NINASOMETHASYA UNIVASITI INYA NIIVE
NONENDAA NGENUKA NA KIMANZA
UU NINEANIISYE OUIMBIWIA TEI NENUKA NIKUSYITYE TA
NYONGA

MYAKA II YAIYA VINYA WA ANDU AIU
TWAENDAA
MAWUMBANONI MAINGI MA KULEA UKAVILA
TWAENDAA

MASOMONI MAKUMINA UKAVILA MAINGI
WAI WAMANYIIE NUNDU WAMBIIE ISU WI YA MBEE

MA VINYA WA AIU MAMELEKA NIMEWIAA AMAKUU KAWIU
KWATWIKAA NITUOSA MAWIA MAI MANENGWA- TAMAKWA
ANA

MAWIA MAI KUSOMETHYA VINYA WA ANDU AIU NA INGI
NDWAA KWATIIA ISU WATWIE TWINUKE KUU KUASA
UTEESI

NOWAUUYAA UNDU UKATHOKWA KUU
NOWANGULASYA KANA UKEEKIWA KYUU

NOWANGULASYA KANA UKAKWATA WIA

NAUSUNGIAA TUKAMANYA TWAVIKA NUNDU NDYEESI

NINEESI NGAKUKITIA WATHOKOWA -KWAEMA TUI KUNGI

**NINEESI KITHIONI MUNDUUME NO AUMYE KIVETI
KUTESIKIE**

**NONEESI WI WIU NA NDUTULWA NI KUSUKWA KANA
KUMENWA**

**NEELIAWA UKENDEKEA UKUMANZA KUKENYA TEI NA
KWENDA ANDU**

**TWESILE LANGOSI TWONE MUKUUA MUNZUVIA NIMUNINI
KULILIKANA MATAMBAIKA KWATUMIE WOYA UKWETE
TOLANI WAKE**

**TWESAA KUTIANA NUNDU KYU NI KITHETHA KIKUU
MUNZUVIA MUKUUA ANGANYA**

TWAVIKA KIWANZANI EMBAKASI

VAI ANDU AINGI MOKITE KWONA MUTWAWA WOO

**WAVINGIWA NGAKWIKIIE MBONDI ILOVI WAKITIE UKENYA
NGIUUYA**

II SYAI SIASA SYA NGEI AENDEE KUSINDANAA NA NAU

**AMATUTHAUTE MEEWIE WOO MUNO NAUMA NGAKWIKIIE
MBONDI**

**MAISYE MEETEELE MUTWAWA WOO NA MASELEWA NISYA
NGEI**

MAKULYA IKATHELA INDII - NINANGI NOTWESIE KWIMINA

**WAUMILA NGEMI NZIILILO MASUNGA SYASAANISYE
EMBAKASI**

KIUUYU KYA KWITIKILWA KYATHELELE EMBAKASI

NAU AUSIISYE NA AUKUMBATA -MWAITU TAWO

AANGI MAMUSYI MAATIIA OOU - TWATUA

**ATHAUI MAYAI MAAONA ISU -MBAA KITHOME TWITINGITE
NAI**

TWAENDIE KANGUNDO ATHAUI MAINIIE MUTWAWA WOO

WAKYUMWA IKANISANI YA AAUMAU MAINIIA KIVETI KYOO

**NGINEENA NZA WATANDIKIE MBEVE MUNYAKA ASEMBA
ONE**

**AKWIA AKOOKA UMUINGIAE KAWATHI KAMWE KILA
MUTHENYA**

**ITHE WA MWAITU ESIE KUKA UKAMUINGIAA SYA TENE
NA NZAU**

OOKIE ESI EVAKUVI KUI

EKALANGITE AKWIA UMBITE NIMWINUKYE - WAIA

NAMWINUKYA WAAMBILILYA AENDI WAKATANO -TWOYA

ASYAI MAKWA MAKWENDIE MUNO MAUTHOOEA MUTOKAA

MAMBIIE MAIKWENDA UKUawe NI MBASI

TUYAMATAVITYE UMWE WAI NZIANI

WOOKA NIWAUMEISYE NA NAVUNYA UWANENGETWE

MAMUSYI MAUKULASYA TWAEMIE UKWATA SYANA NIKI

NDWA MASUNGIAA- NO KUKENYA NA KUIAA UTUKU

NAKWIA KUKULYA KYU NO KITHIO WATUA

WEETHIKA KUSOMONI KYA YAKATATU

NDWAI NATHINA KUTWIKA MUILOVI

**MITUKI NINALIILKANIWE UNDU WATUMIE NDUU NA
MANDUKANI**

MWAKANI WEESI ILOVI TA WEANIE VO

**NINAMIMANYIE WAWAA NAMBIIA KUTUNYA - NIWALEILE
NGITUNYA**

TWOOKA NOONAWA KALEVO KANGUNDO TUUE

**NALEA MWENDYA WANDEIE ATUMANTHIIE ITHEKA
WAMUNYU**

AMWE MAMUSYI MEEKIA INDO NAMAKUA

NATWIKA NINA NZASU NAKU

NAUTAVYA WAKENYA NA WAMBIA NIMAEKEE

WANDILIKANYA KASAANI KAMWE TWATHEKA

NO TWAIMIE INDI WAMUNYU NO WEU

NDITHYA NIYO YALUMILE

NZASU IYAAITHWA NUNDU NDWISYO

NIWAENDAA KUKETHYA MBAA KITHOME

KWAVINGWA NIWATWAA SYANA KWA AAUMAE

**WAI NDUU NA MAMUSYI KWI MWITINGI NA
MUTANGATANGI WAKU**

ALA METINA TUSYAANIWE WAI NDUU YOO NENE

SYATHINI SYOO WAI KIVILA KYA NDAIA

**MASILANI MA MUSYI WAI WASYA MUNENE MUIKIE -NDI
MUSILI**

**WEESIKIE SYATHINI SYA MUSYI KWI MUTANGATANGI
WAKU**

**AMWE MAMBIAA NUE WATUMIE MAKWATYA MISINGI YA
MISYI**

NIWAMATWEKEASYA UMANI WA KWIKALANYA

NIWAMONASYA UNDU MEUSOMETHYA OUYUMYA MIVOTHI

**NONILILIKANAA UITUMA TOLANI AKAE NGEWA NA KA
MUNAWA**

MWAITU NIWAWAANGAA AKOMA SIVITALI NIWAMUSIASYA

NAU AWAIE MATUKU MAINGI NA NIWAENDAA KUMUSISYA

NIWAMUKUIIAA LIU WENDETE

WINAKE MUYAI MUTAANWA NIMATHEKANYO

**MWAKANI TWOOKA NGEI ATALILE MIONGO ITANO NOMWE
TWOVWE**

ATUSITAKIE UUNGAMIINI TWENDAA KUVINDUA SILIKALI

**MULU ATUTWAA KWA NGOMO TUKETETEE TWAVANGA
TUMWAKE**

NDWAI NDETO NGYANANGIA MALI YAITU WIANI USU

MWAKANI KUTAMBAIKA KWAMINWA NI VATELI TWATHIWE

WAUNYA MATUKU UILEA KUTEMWA NEEKIA SAI

TWAKWATA KELITU

**WAKETA TOLANI KAULILIKANASYE WA MUKUUA NA
KUSYOKEANIA**

AINGI MAUKULASYA UKAMANYA KIKAMBA INDII
WIVOTOETE UKISOME IMWE NA KISWAILI SYALINGISANYA
MAYOKI
NAKWIA UKIEKE NUNDU KISWAILI NOKITUMIKE KENYA
YONTHE
NOWESIE KUMANYA KIKAMBA KYA KUVOYA KIWU

TWOOKA NAKULILWE TWIKIE MALI WIANI WA
MAMUKONYO
WAVYA NGIUUWA NISU WE NDWAAMAKA
MATHII MENDEKA NAIVIE NA MBOSELA NA TULUVYA
NAKOLA SYA AINGI WAMBIA NIMAEKEE OUKENETYE
NAVANGIE NIENDE USUENI NGAATIIE MASAVU MA
SYAETAWA TUTE
NAUMIE KILASINI SAA NYANYA NAVIKA SAA IMWE
NISYOKETE UTUKU NAKULA MBOO ILI NA MUTOKAA
SAVO
NOOSIWE NI ILOLI YA VETULO YANDWAA VOI

NDAWA SYAA NAUKUNIA SIMU WUMBANYE MATAKITALI
WOOKIE SIVITALI UKUITE TOLANI NA NGOI
NAMINA U TWAETIE NDWAATUMUA
NAKOMA MWAKA NDEKILIKO WOOMIISYA MATHINA

MWAKA WAATIIE USU NAVANGAA MAENDEEO MA KWALE
NANENGWA EKA KENDA UKANGANI NI ATIKU MA NDUA
TWAITA INGI WAIU IITUVUTA

**TWAUA NYUMBA ILOVI NA TWAAKA WAMUNYU UNDU
MBUTWA**

KWELI NIKWATUIE NYUNYI SYA MUUO

KWELI MAVUI MA MUUO NIMATUIE

NGOMAKOMI SYINZAA MAUKUTA

NZUKI NASYO NISYEETIE

**UTANAVINYA WANGULILYE KANA NOUE WAVAMBIE YA
ILOVI -NOUE**

KILA LUMU YI LANGI WAYO NA SYA AMAYO

NZIA YAKATI NI MAVISA MA AANIKI AATOLANI NANGI

KWAIKALA NIMAVISA NA SYA NDUNIA

IMWE NI SYA KENYA

**TA MITI YATHIKIWE UUNGU WA ILOVI LIVUTI VALI
IITEMBUKA**

**ITHUKI SYEIA SYA KWINGI NGOSE NA MAIKA MA
AKAMBA**

**LUMU SYI MAVUKU VALUA SYA KISOMO NA MBEVE
SYAKU ILI**

**YA WAMUNYU TWAAKIE KITHIO KYA MUSYI WA MUKAMBA
NI MIVILINGO THANTHATU IKWATENWE NI NGUKA VANDU
VA MITI**

**AKUU NIMATANAA MUNO MOONA MWAKILE UU WA
KITHIO**

**INDI WIA ILOVI NDWAATUNENGA MWANYA WA UTUAA
KWO**

**KWAKU KWAI KITHUMUO KYA SYANA SYA MUSYI
WATHOKASYA**

MESUKULU NIMOOKA NUNDU NIWAMENDETE

**AINAWA NA NZYAWA SYA AINGI NIMOOKAA UKWONA
MAASYAA MENDEEAWA NI UMANYI NA KUTANA KWAKU**

TUIVYA NIWAMINIE YA KATATU YAKU

WAMINENGIWE NI KINYAATA NGILINGILA

**WAANDIKIE IULU WA MAENDELEO MA AKA OUISOMETHYA
ILOVI**

**MAKIIMA MAISYE NINYE NAANDIKIE -NAMISOMIE
WANENGIWE**

TWAMBIIA KUSOMETHYA VAI NGEWA NA NZUKU

VATONYEKA ATA ALIMU ELI MAUMAE NYUMBA IMWE

VATONYEKA ATA KILA UMWE AKATWAA MUTOKAA WAKE

VATONYEKA ATA MATONEKAA MOKITE NA MAIYA IMWE

TWIMEIKA MAUKULYA WAMOYIAA WAUMATWAA NIKI

WENUKIE UIIA

**NAKWIIE UKAMAKULYE MAIVA NA NIKWAU MAINAKYO
UTAI**

WAMAKULYA - ISU SYATHELA - MEIKA NOMANDILIKANASYA

**KAVISI KA MUONZA NA ITA NO WAKETA MAAUMAA NA
ITHEAKU**

MWAITU ENDEESYA YETHE YALUMA NA YETHEAKU

MIONZA II WAUNGAMIITE MUSYI WIWEKA

KAINGI NEETHIAWA ILOVI MITHENYA ILI KWA KYUMWA

NEELINGILAA KENYA NGIMANTHA SYAUSOMETHYA

**NEELINGILAA UKAMBA TUYINUKYA MAMUNOTI
WAUVINGIITHISYE**

SYELI SYONGELEILE KUATIIAWA NA KUTISAWA

SYELI SYAISAA MITOKAA UTAANGULYA -NO INEE

**WAUNGAMIHAA MUSYI NA KIUUYU NOMAKWIAA SIMUNI NO
MEMINA**

**TUUE WATAVIWE ISU WIWEKA NOMATAVISYE NAU NA
MWAITU**

MANDUMANA NAMEIE NAANDIKIWE KUSOMETHYA SIASA

**MENDAA NGASOME MIAO -NAUTAVYA WAMBIA NIMAEKEE
UKENETYE**

NATIANA NA ASYAI NAENDIE MULANGA

**NZYOKETE NOOVIWE NA NGALI KONANI YA KIAO KYA
MALAKWA**

NAVITIE NA NDIA SYA KWAKA SYA KWAUME ISUITE

NAVIKA WOOKIE KUMBUA SYAA ILUMITWE NI KUSEMBA

NO MOOKIE NYUSU SAA YINTHELU - NDWAMESI KYUMBO

MAI AKAMBA ELI, MWIKUYU, KALASINGA NA MUISILAMU

ATWATHOKOAWA MANA MYAKA ISU NITWAMESI KYUMBO

**MENUKIWE NYANYA NA ILI KIUMO AVIKIE - AINGI
TWASUNGA**

**NAUMIE SUKULU NENE ILOVI MUONZA NA KENDA
OUI SOMETHYA**

**TUYOONAA UNDU TUKASOMETHYA NA TUMUSAALA
TWAIVAWA**

**NITWEESI SYANA IIKANewa SYAUSOMA ITHE AITHOKOEWA
SIASA**

**NATHI IKANZETINI NAUMIE ISILIANII NALIKA MWAKINI
-WOOMIISYA**

**ITATU IITHELA UU WAMINWA NI MASINDANO MA
UUNGAMII**

NAVANGA KUIMA NA KUTA UMANI - WAUUYA

**UMWE UITHELA WUMO WA KUTA UMANI WASINDA NIMA
TWAUMWA NI KIIYU KYA KUSOMETHYA SYANA WASIILILA**

**NDYAASYOKEA MATAVIKA NOONA MUKUVA MUUNGAMIINI
UWOOSIE**

**NAKOLA KUVANGAA KUATIIAA NA KULIKA SIASANI -
WATUA**

**NDWAANGULYA MITOKAA THANTHATU NAMINIIE
KWILINGILANI**

**NDWASAANIWA TA ASYAI NA ATWOTHAA IMWE MIONGO
MUONZANI**

**SYAKUU NI MBILANU - NYANYANI NOMATATIE MATUTWAE
MELEKA**

**MBOLONGO YAI TWATHI TUSIKATIWE KUSUKA MUUNGAMII
UTHONINI**

**ATUMIA NGOMO MATAA MUNENE NIMAUMISYE MBOLONGO
ISU**

MAOTEAA MUNYAKA ETWAANA KU ? NO WESIE

ULILIKANAWA NA MUVEA NAINGI TIINYE NYOKA

**SYANA ILIKANAA UIMATWAA MAVUKUNI MATHAUNI NA
SUKULU**

**SYA MUNYANYAU WAUNGAMIIE NA WASOMETHYA AKWA
NIUTANIAA**

**ATUI NAWASOMETHASYA MAULILIKANAA NA MUVEA
MWINGI**

**NIWANENEVIWE WAUNGAMIA ALIMU MA MIKALILE -
NDYAAVIKA KU**

**WAMAVWIKIIAA MAIKAVULYE NI NDIU YESIE KUUVENA
UNENE**

NDUUTHI YAIVO WAMINIE NAKUAA WIA NESA

**MWASOMETHASYA MIKALILE, SYA OVWA, SYANA, ANDU
NA NGYA**

NO WASOMETHASYA KU MASILIKALINI MASOMEAA ISU

UISOMETHYA NO WAANDIKIE SYINDU MBINGI

**NIWAMEISYE NGUMA YA KUSOMA KUSOMETHYA NA
KUUNGAMIA**

WASOMETHISYE KUVIKA MIONGO KENDA

**OISOMETHYA NOWAENDEEASYA KUINGA MBEVE KUU NA
KUU**

KWAKYA WAAMUKA NIWAKWATANGAA

WENUKA NOWAKWATANGAA

NOWATATIE KUVUNDISYA SYANA INDI IYAAKWATIIA

NOWAINGAA MBEVE NOYINA KONZATINI MBINGI

**WAMBIIE KUIINGA YA MITULILU MINENE VYU KWA
ANGILIKANI**

NDYAINGAWA NI AIU - WEETHIWA NI MBULU ILA YAINGAA

**NIMWATHOKOANIE YESA KUKILYA MOKO -NDYEESI WETU
WAKU**

NIWAVUNDIISYE AKENYA AINGI KUINGA

MAYAA KUSONOKYA

**AINGI NIMASOMEIE UINGI NA MAMANYIKA UINGINI MUNO
NUNENGAWA NDAIA NAWAVUNDIISYE NA ATWEETHUKIIASYA**

**WAMBIIE KWAYA YAKU ANGILIKANI MAKWAMITE OI
SYATENE**

**WAINGAA S YOO NGUU NA WAETE NZAU NZONZO
WAKANANIAA**

**KWAYA YAKU YI NGUMA - NIYASINDIE MASINDANO
MAINGI**

**NO WAINGAA MBEVE IKANISANI YA MUTHENYA WA
MUONZA**

**WAUMA KUSOMETHYA ILOVI WAMBIIE KUVANGA UNIVASITI
YAKU**

WATUMIIE MALI NA MYAKA MINGI INDI KUYAATONYEKA

**MIAO YA KWAMBIIA ISU NIMYETU NA YENDAA MALI
MBINGI**

AWAEIE NA WASOMETHYA MAKAATIIA NYAAI SYAKU

TI KUSOMETHYA NA WINI WISIKIE MUNO NAINGI

**AINGI NIMESI WASIASYA MA MASANDUKUNI MAYELA NA
AWAU**

**NDUANI ILOVI NIWISIKIE MUNO KWA KUSISYA ANDU
KWOO**

NIWISIKIE MUNO UTAINI WA MISYI SYANA NA MAKANISA

WAUMIE KUSOMETHYA WAMBIIA KULWA
WAINA VITII UILEA KUEKA KUTWAA MUTOKAA WAKU
WAA UTWAITE NI TWAUMANTHAA
IMWE WESIE KUVINDUKIA KANZIANDO

WIMUATHIME ONAWAA WANDA NIWAUTETHASYA
MAVINDA MAINGI WANDA NIWAKWIKIIE VETULO
KWAYA YAKU NIYAKUATIIA UTUKU MAKATIA WAVIKA
MUSYI

WAKIMWA NGALI SYELI IMWE MUTOKAA WATHELA- NALEA
UITWAA

KWAYA YAKU YOONIE UTEMUSEO NA YAKUATIIA UIKIMWA
YAKUTWAIE SIVITALI YAKUIVIA YAKWINUKYA TUIUMANTHA
WAMBIIE KUI NA MATATU NA MBASI TUMYAKA UILEA
NGITUNYA

KUKWA MAMUTHA KWONGELEKA UKAKWATIIAWA UTAMBYE

WAMAMUTHA KUKWA WONGELEKA WALUM A NYUMBA
WESA UKWATWA NI KITHOI WAKOMA SIVITALI
WIVO WAUA KYONGO NTHINI NGALI YA KWAKA
WESIE KUMA NGALI YAUME YAKWIE
WAWAIIYA WAEMEEWA KITANDANI NA KIVILANI KYA NDIA
NDWAI WIYIUNGAMIA MAUNDUNI ONTHE ATEO KUVEVA
UTANEENA NA UTATANYUKA TUKAUIHASYA NA MUVILA
WEVU

NUNDU TI ITHYI TWAASYAA SYIVUWE

**KUI NGANA KWAMBONISYE WETU NA UTUIKA WAKU
WETU WATUMIE WUMIISYA KUTAMBAIKA
NOWO WATUMIE UTHEKA NEEWA NGAKWIKIIE MBONDI
NOWO WEEKWATISYE NGITISIWA KUSOMETHYA NA
KUVANGA SIASA**

NOWAWONANISYE

NAASYA KILIKO MWAKA UISUVIA MUSYI WITU WIWEKA

NOWAWONANISYE

**UYILINGILA KENYA USOME SYA KUANDIKA NA
KUSOMETHYA**

NOWAWONANISYE

NAVUTA MAKASETINI TUIMAKWA NI SYAUSOMETHYA

NOWAWONANISYE

UIVATWA KUNGA YA MITULILU NI MBULU

NOWAWONANISYE

UIVWIKIIA WAUNGAMIITE ONA WAVUTWA UNENE NI NDEI

NOWAWONANISYE

UTEUKIA KUI KWONA OVWA MAMASANDUKUNI NA AWAU

NOWAWONANISYE

UIUNGAMIA SYANA NDIWA SYA MUNYANYAU

NOWASYONANISYE

NGITA UMANYI KAUNI SOMALIA KUTE SILIKALI

NOWAWONANISYE

NATHI KUTA UMANYI ETHIOPIA KWI YUA NA KAU

NOWAWONANISYE

**MBEE WENDA WA YAKUOMBOWA UTESI KWOO NA
AMAKE**

NOWAWONANISYE

UITWAA MUTOKAA WIMUWAU UKAAA

NOWAWONANISYE

UITUNYA NA MAAU NAUVATA KUTWAA

NAMBIIE NA NIENDEE KWENDEEWA NI KUKENYA KWAKU

**NAMBIIE NA NIENDEE KWENDEEWA NI KUTHUKUMA
KWAKU**

NAMBIIE NA NIENDEE KWENDEEWA NUNDU NDWI VILIVILI

**NAMBIIE NA NIENDEE KWENDEEWA NIWENDI WAANDU
WAKU**

TWAUTANIAA TUUTANIAA NA TUKAUTANIAA MUNO

WAETI

WINI UMANYI UKIAKISYO UTUMI NA UINGI KUU KWITU

WAETIE

TEI NA MUUO KUU KWITU

WAETIE

KWIVOTOA NA VITII KUUNGAMIA KUU KWITU

KUU KWATWIKIE KWAKU VYU

MEEYITA WE

MEETWA WE

WAEA MISYI NA NTHI

WIMWENDE NAINGI MWENDWA

KUEA TEI WINI KUSOMETHYA KWENDA NA KUSISYA ANDU

NISYATWILINGILILE NUNDU WAKU

WAI THAYU WITHAYU UKEETHWAA YAYU ONA WATHI

GCMM2015-2019

MWALI WA AA SYOWEU

NAKWONIE YAMBEE NGIKUNA MUVILA NI KYAMBEE

WAMINAA KYA NYANYA NAA MUKUUA

WAINA WEU UUKASYA AKAMBA

KYU NDYEESI

NESIE UTAVWA NEANANGA

NAKWONIE YAMBEE TWOOKA KWENYU

TWOOKITE WUMBANO WA AUME MA EMU

WATUETEE KYAI KYAI MUYO MUNO NA WEU WAKU

**TWOOKITE NA MAAU KILOMETA MIONGO ITATU NA
THANTHATU**

AA UMAU NA ITHEAKU MAI EMU NDAMU

NAKWONIE YAMBEE MWOOKA KWOMAU

TWIMEIKA KWOOU TWATHAUKAA IMWE

NUE WAI NDONGOI YA KULUKULU

ITHAU YAMBEE YAI KUSEMBA -WASINDA

WAATIISYA KUKIMANA NA NDAKA TWAINGATWA

WAMINA NYANYA WAENDIE KUSOMEA WALIMU WAKATATU

WASOMETHANGYA WASYOKA SUKULU WAMBATWE WAKELI

**NAKWONIE YAKELI UISOMEA ISU TUVAKANITWE NI
SENGENGE**

NASOMAA ITWEETAA NENE- UNIVASITI ITANOKA

WASOMAA NA MUKUUA MWAI IIKA

NAKWONIE YAKELI WUMITE YAKELI NAKWA NIOYO
NAULILIKANYA KYAI WATUNEE NINA AA UMAU WAKENYA
NAULILIKANYA MUKUUU ASOMEAA KWOMAU
WAMBIIE NIWATWAIWE VAKUVI NA KWENYU -KU
TUNAMUTHIKIE
MITUKI UNANDAVISYE EEVAAWA NI INAUME WAKWA

NESIE UKWONA INGI WUMITE SUKULU NENE LIMULU
WAI WAMANYIE KWIVAKA ILOMO NA SYAA LANGI
MUTUNE
WEEIE MUKUUA UTEEVAKAA NIMUTIE NIVINDA
WAMWIA UNYUNGIINI WA WIYATHI KWIVAKA NI KISUNGU
WAVILILWE WI KYA KELI - WAITAVA WATWAWA

WIYATHI WAMBIIA UNYUNGIWA
WATIIE WALIMU WASOMEA KYAVULETA NA KUUNGAMIA
OVISI
WAANDIKIWE ISU NI SILIKALI YA WIYATHI
WATUUWA KWINGI KENYA WIANI
WESA KUTWAWA SENGANI NENDEKETE

TWAMINA NENE MUNYUNGIONI WA WIYATHI
TWAVANGAA KUI MELEKA KISOMONI
TUYAAONANA INDI WASENGANI NIWANDAVASYA SYAKU
WAATIIE NZIA YA UVEANI WAUMIE EMU - NAENDIE NA
KONA
WINA WASENGANI NIMWAATIANIE KUKA MELEKA NAVIKIE

**WATWAIWE NUMWE WA ANENE AIU MAMBEE
MAKAMBUNINI**

MAINA MUSAALA UTAI WAAONEKA NAIU

WINAKE NIMWEESI KILAIKU NOKI

WINAKE NIMWEESI KUSUNGA

WINAKE MWAI NGUMA MASUNGANI KWAMASAKU

MWATWAANA NI MWAATHIMIWE NA SYANA

MWANENEVWA MAWIANI SILIKALINI YA WIYATHI

MWATWIKA AMWE MAMBEE KWO

MWAMESYA NGUMA MUNO KUU KWITU

INDI UTWAE NA UTWAANI NIWAMEISYE NDONO

WINA WASENGANI MWASOMIE MWIANIWE MELEKA

KUMWAI KUYAI UKOMBO UKAVILA NOKYA TA KUNAI

SYASYAITE NANO SYAUNYAA -SYASYAA KILA MUTHENYA

NO MWANENGAWA TUSAMU -TWAUYA NA TWAUSOMA

WASENGANI ENDA UTWAE UKYA WAKWA NIWALEILE

**NAWAA NIWANDETEAA VILAU SIVITALI NI SUKULU YA
KATATU**

**NAUMA WAMBIIE NUKAE KWENYU KUYA KILA
WATHANTHATU**

NIVATONYEKA LIU WENYU NIWO WAMBITISYE

KISUNGU KYENYU NOKYA MBONGELILE UMANYI

NDWANZUVIAA NUNDU TWI UKO NIWO MWIKALILE WAKU

WEKWA WEEVOTOIE UTHUKUMAE TA VUNDA VENGI NENE
WASOMETHYA SYAKU NA NIAWA ONA SYA ANGI
WAMANTHA MALI - WAMBIIE NA KATHEKA KITAMBAASYE
WAITHYA NGUKU MAANA MEANONA IMWE - NONASYITHIIE
WAUA MATHEKA WAUA MANYUMBA WOOMBA MUSYI

WENUKIE WI MWALIMU- WAUMIE EMU INDII ? NIKI?
INDI NDWAA VALUKYA UVEA WAUSOMETHISYE
WAUTHENGEESYA UUNGAMIINI WASOMETHYA O TWINDU VO
WENDEKA VO NI NGOMO AAMUKA NA SYANA WATWIKWA
MWENDYA
WAVANGA KUSOMEA YA KATATU KUU

ITHEAKU NIWALEILE UTWAE WAKU
NDAAENDEEWA NISYA KWAA MUEMEU
NDYEESI KYU NINAMANYIE MITUKI
KIU KIYAA UMAKYA
WATANITE NA KULAA OTATENE

NDWAAITIKILA KISOMO KYA KASENGELA SYANANI
WEEVOTOIE WITWAE MELEKA KU UTAKINYITE
WAINENGA KILA ITHE NA ANGI MATATALITHASYA
ONA MUSYAANIWE WAMASUVIA
OMITUKI UNATHIKIE UMWE WIWEKA ATUI TWANGETHYA

WEETHIIE KISOMO KITAMBAASYE KITANATWEKWA TAYU
WEETHIIE ALIMU MANZA NA MAKUU ME TEI

WEETHIIE MESI KWAKA ALIMU MAUMAATIHA
WEETHIIE MESI KUUVINYIHA MUNO KUSOMANI OWIVINYIIE
WEETHIIE MESI KUUTAVYA UTWAE NOWIUKA NA NTHIMO

NDWA THUKUMAA MYAKANI YA UTWAE
WAMAKAMBUNI NIWEANITYE MBESA SYA MUSYI WENYU
ESA KUULEA MWINA SYANA NIWAVANGIE KUSYOKA YAKELI
WAMINA WASOMETHWA KUUNGAMIA ANDU NI MAISILAEI
WATHUKUMIE NA WASOMETHYA SYANA WAMAKAMBUNI
AKWIKYA

YU WI USUU MUATHIME
YU UENDAA MELEKA KWASYANA UKATULUKWA NI
ESUKUU
YU UENDAA KU MAKUKAVANGULA MINOO
YU UENDAA KU UKOLWA NI KIMAKO WAI NAKYO
YU UENDAA KU WIMUTANU NA UKASYOKA UKENETYE

NIWEEKIIE KITHITO MUNO KUSOMA NA KUANDIKA
YAKATATU

NIWASOMAA SYINDU SYA MITHEMBA MINGI

NIWAKULASYA ATAALAMU MA MITHEMBA MAUTWEKESYE
UMANYI

NIWATWEKEAWA UMANYI NI MAMITHEMBA MINGI
MWASOMAA IMWE

NIWAKULASYA NIKI MUNO O UTHEKETE NA WEU WAKU

WAANDIKWA KUUNGAMIA ANDU WATHUKUMIIE KWINGI
KENYA

**UTUIKA WAKU NIWAUTWAIE MUIGO KUSOMEA ISU
KINTHINI**

WASYOKA NIWANENEVI WE WAUNGAMIA KUNENE

**NOWESIE KUTWAWA KYA KATATU NI MUVITITHYA WA
MIAO**

WESIE KUMA KUANDIKWA UANDIKITWE NI MANZA

WATWIKA USUU NDWAAIKALA NTHI

NO UMANTHAA O TUSAMU

NO WAKAA MAKENGE

NO UTWEKEASYA AINGI UMANYI

NOWITAWA SYINDUNI UKAUMYA MIVOTHI

WAMINA NIWAMBIIE KUSOMETHYA KITAMBAASYE

AUSOMETHYETYE MAASYAA WI MWALIMU WA VATA

**NIWATWAIWE NI NDAKITALI MUTHINZI MUI NA MUSEO
MUNO**

OOWAWA AIKWAKIA WAUNGAMIE NA IVINDI YA MUONGO

WOOMIISYA ITAU SYA WENDO ITAVOAA TA IINGI

**UTUIKA WAKU UUNGAMIINI WA IKUNDI SYA AKA
WINGUMA AVILIKA**

**WAMANYIKIE MUNO NI KUVUNDISYA IVETI KWIYAKIA NA
NZIA NZAU**

NDWAANANGAA MISYI -WASUVIAA NGYA ITAI AUME MAKAA

NOWAMONASYA NZIA SYA KUMANTHA KIWI

NOWAMONASYA NZIA SYA KUMANTHA MALI

NIWAMBIIE MUTITU MUSYI KWAKU

NIWAMANYIE KUKAVYUVA NA WAATIHA NYAAI SYA MATHAI

NIWAMANYIE NOMUVAKA TUIME MITI ITUKUSIASYE MBUA

NIWAMANYIE NIYO ITUSEUVIASYA NZEVE NTHEU

**NIWAMANYIE TUKEKA UU NO TUVITE UUYUVU
UKWONGELEKA**

MUTITI VATI YOOKA WAALIKILYE UTETI MUSEO WAVWIKIITE

UTETI WA KUNEENEA NGYA ATHINI NA AKA

**UTETIWA KUMANTHA MYAKILE MYEU YA SYAMA SYA
SIASA**

**UTETIWA KUMANTHA MBESA SYA KUSOMETHYA MAUMANYI
MEU**

UTETIWA KUUNGAMIA WONI WITU MBAINI SYA NDUNIA

MITUKI NUNATIWE NI MUEMEU

NUE UNAUNGAMIIE UIITI NA MATHIKO MAKE

IVETI IINGI ILI IINAKWETE ISU

SYANA SYOO NOUE MUSOMETHYA SYAKU SYAMINIE

NOUE WAMUIITITHISYE KANZA NANO UKWIYIITITHYA YO

AINGI MA IIKA MWASOMAA IMWE NIMALULUTIKIE

MALUMILE KASOMONI KA KASENGELA KOKOLONI

**MAYAA ISUKUMA MEYONGELELE KISOMO UKWATI NA
USOMETHYA**

UTWAE WAEMA MONGAA SYANA MATAAKILYA NDUWA

**WATWEKEWE UMANZI NUU - KANA NO KUOTA ?
WINDAVYA**

**TWAUTUMIE UKAUNGAMIE SITU NGOLANO YA NDUNIA
WATUUNGAMIIE NA UTUIKA TUTAONA NAMAIKWO MBEE
WANENGIWE NDAIA NAMAUNGAMIITE KWOO NA KWA
NDUNIA**

**NUNDU TUIKIAA AKA NIWAVENIWE WIA UU NA
WANENGWA MULEVI**

**NDWAAMAKA WASYOKIE KUSOMETHYA MA UNI AUKE NA
MBEE**

**WINA AA MWITUAMWENYU MWI KOTINI MUITETEA
KITHEKA KYA AU**

NUE WUMAA KUASA KULA WAUIE ITHEKA

NOWAUIIE SYANA MATHEKA MOO

MATAUNINI NOWAUIE MANYUMBA

MATHINA MOOKA NYUMBA SYA IINGI WIKWATWO NOUE

**KELI NINOONIE IVETI INYA - ITATU IINENGA KINGI
YAKATATU**

**NUE NGOMO YA UNIVASITI ISU- NUE UNAMWILIILAA
MOKO**

**NUNATWONISYE AKA NIMAULUKILE NA NIMEUULUKILYA
ANGI**

**NUNATWONISYE NDWAAA WAUMWA KUTUUNGAMIA NZA
NUNATWONISYE NDWAAEKA KUKIKA NA KUTHIIKA NTHI**

**UKATWAWA NOILEWA NDUEA MUSYI WAKU YAITU NA
NTHI ?**

UKATWAWA NOIKWIIWA NDUEA MISYI YAITU NA NTHI ?

**UKATWAWA NOILEWA UITWAWA KYAKATATU NDUEA MISYI
NA NTHI?**

ULA WAKWIIE AKA TI NDONGOI NUU ? NDAUKENGIE ?

**WEU MWEU NIWOOKIE - TIWA NZUENI KAWINZI KANA
MAVULANA**

WEU UU TIWA KUUKYA TA KITHIONI

WEU UU NIWA KUTAIA ATONGOI AKA

WEU UU NIWA KUTHUTHYA AKA MALIVI MEKASE

WEU UU NIWA KUTAVYA AUME AKA NIMAULUKILE

WEU UU NIWA KUKATHA ATATU AKENYA AINGI MATESI

GCMM2011-2019

MWALI WA WAKALIOKOO

**NTHI NINGUU INDI UNI WAYO WUMAAA SYATENENI
ITHEAKU ASYAIWE MBULU SYOOKA ITE MII
ASYAIWE KAVALINI KA NDOLOVO NZUENI AYUKA
AATIIE WANIKI WETHE NIWAUVUNDIISYE WO UTANAI
KISOMONI**

**KAVALI KA NDOLOVO KAYAI NGUMA
INDI NTHI YAI YOO
KAI KAMIKWATIE NDUNIA YI NZIU
NDYATEMAWA NUNDU YAI KWA WANZUKI**

**WANENEVANGA NIWAMBIIE KUTWESAA NETHEAKU
UKI NDWONEKAA MITI YATEMANGWA KUIMWE NA
KUIHWE
KWANYIVANGIE MAMULANGA MOOKA KUTEMA NA KUIHYA
WEANA NIWATWESA WIWEKA**

**KAU WAMBEE UYUKA ITHEAKU AI ATWAIE KYAMBEE E
MBEU**

**ATHANIIWE NI MAKIVU OKI MAMULANGA AKATHIKWE
KALIOKOO**

MA OKI MAYAATHIKWA KALIOKOO

**MAKALIOKOO MAI AKUI MA MBULU NA MIIO YOO KAUNI
WAMBEE**

MAKALIOKOO MAENDAA NA MAAU

MAYAIVAWA

KUYA KWAI MUO

MOWAU NIMASYAIE TA NGI ITUUNI SYA MII YOO

IANANI MIONGO THANTHATU NIMAKWIIE KAUNI

MOOAWA NI MINOO

MOOAWA NI NZAA NA KIWU KIVUKU

MOOAWA NI KUKOMA NTHI

**WANIKI NIWAMUSUVIIE OUNDU WASUVIIE NTHEMBE MUTUI
WAKWA**

AANGI MAIKOMA NTHI ALISAA MITI

MAAIWA NI KYAUYA

AUMASYA WANZUKI NA KIWU MITINI

MBESA SYA MISAALA YOO MBULU SYOOMBIE

NISYO SYESIE KWAKITHYA ALIANZI

THINA WOO WASYAIE KUSOMETHYA AINGI MAITU ALIANZI

KINTHI TUTAIIAE MA KALIOKO MATHEMBEWE ISU

**ENUKIE AVENIWE KITHEKA KINENGWE MBULU MAKUIAA
MIIO**

MAKE MAI MASUKUMIWE NGONGONI

SYA I NYAMU IYAI ITEMKA MIUNDA ITINIKA

**NUNDU MAI AINGI ATEMIE KATHEKA AIME AITHASYE O
AITWA**

NIWALIKANILE NA AMENDAA EITU MAIKAWE
NIWALIKILE KYAMA KYAUKITIA ITHEKA KYA THUKU
THUKU OOVWA NDAAIYITUKA
NOWAUMASYA MUVOTHI WA SUKULU SYA AIU OKA

KATA AYUKA KUKUNIKILA UVENANI WA ITHEKA WA
MBULU
AI ATUMIIE E NGUMBAU YATAVISYE KATA ISU TULYU
NIWOOVEIWE UNEENEI WAKE MUAMBU
AUMA KYOVONI NIWALIKILE KYAMA KYA MWINGI

MAU MAU MOOKA
NIWAMALIKILE AKWATITHWA NA OOVWA INGI
ENUKIE MAKE MAVALAANILWE NI MATHINA
NIWAWAANGAA

ETHIIE AKOLONI NA NZIVOVO SYOO MAMUVENIE KATHEKA
KAKE
KAKWATANIWE NA SYA NZIVOVO SYOO
MAI TULUNGU TAKE MAIMEKIWE
MBULU SYATUNGIAA MUVEA MAITU MOOVETHASYA
ALUNGALU

NOWESIE UKWATYA SYANA ISOMA
NIWATWAIE SYONTHE SYA ITATU SUKULU
INDI MASOMAA NA MATHINA
MATHUKUMAA WAMOKO ITHEKANI MBULU SYAVENIE ITHE

NDAAMAKA

**NIWAVUNDIISYE SYANA KUTWA KUIMA NA KUIHYA
KAMWE KEKANINI AKATHIIE WIA MUMU
KAAVITHIWE KAKAVIKIA MII YA KISOMO KYA MBULU**

KAYAA MUSONOKYA

**TILAI SI KUSOMA KUVIKIA UNIVASITI YA MELEKA YITAWA
AVANDI**

KINDUNIA YI MBEE MUNO

KAVIKA VO NIKASOMIE NA KAVITA NA UTUIKA

**KAMINA KAUNGAMIIE KUTHUIMA KISOMO KUU KWITU
KAATIISYE KUTHUKUMIA MANZA MATUNENGAA SYA USOMI
KANENUKIE KAMINA KUUNGAMIA MITIANI YAITU
NO KAUNGAMIAA VENGI YA MIVOTHI**

**TIISU SYOKA NO KAMBIIE KYAMA KYA MUUO
TWANGEANA LIVUTIVALI TUINYUVANA
KYAMA NIKYAETIE MAMBEE KUKA KUTWIWANITHYA
NOKAUMISYE MBEU IIEEWA NGEWA**

**MWANA MUKUU NI MUUI WISIKIE- ATWAITE MUKAMBA
MWIITU UMWE NI MUNENE MBULULI - ATWAIWE NAMU
LOLWE**

**MWIITU UNGI NI NDAKITALI MELEKA - ATWAIWE NI NYEUSI
YAKWO**

**MWANAE UNGI ASIIASYA MYAKI YA KANZA - ATWAITE
MUETHIOVIA**

**MWANAE UNGI NIWA KOMUVYUTA SYA VENGI-ATWAITE
MWIKUYU**

**MWIITU UNGI AUMGAMIITE MEUVUNDISYA MUTOKAA WA
SITIMA KUI**

**MWANAKE NDUIKA AATIIE KUVUNDIASYA KOMUVYUTA
KWISILYA**

ETEELA INGANA

**WATHANI NI IKATWONYA KITOO -KISOMO KYUMAA
UEWANI**

**WA KALIOKOO NIWOOMBIE MUSYI -WAKALIOKOO
NIWATWAKIE**

KWANANGIKA KWANTHI KUMAA MISYI ITE MUVANGO

WAKALIOKOO OAITHINWA NIWEEVANGIE NA AAKA MUSYI

NDAAKIA KITHETHA NA KIVINDU KYOKOLONI

ENA MEIKA TUKAMANENGA NDEVE INDII ? GCMM 2018-2019

MWALI WA NTHAKYE

NTHAKYE NDWAANDEEA SYA WUMO WAKU WANANI

INDI YU NINISI WASYAIWE KWAI MALI TWAUMIE KAYOLAA

YAUMITE INDONI NUNDU KUYASYAITWE TA NGI TAYU

WAEWE MUSYI MUUU WA MBEU NDUIKA

MBULU ITAETETE KUVATHUKANASYA ANDU NA NDINI

WEEMANYIISYE KWIKALAA MUUONI NA ANDU ONTHE

UNAMBIIAA NA UTWAE KUKWIIWA NA KUKUWA

UIATIISYA NA KUSYOKA KWA MWENDWAWU
UNAMBIIAA NAISU NUNDU SYAI IMAKO SYAKU SYAMBEE

UIEA II NUNAKWATAWA NI IVOU
NIWEETELILE MYAKA MINGI UYISA KWIVAWA INGI
NOWESIE KUTWAWA MUSYI UU WAKU TUUKWIA

NIWANENGIWE SYANA ILI NI MUKUU UEE
WALEA UKWATA KANGI NIWATUMIIE KITHIO WATWAA
IWETO
ONA TWI NDIA SYA NDUWA NITWENE NIWOOMBIE MUSYI

WI MUSYINI UU WAKU NIWATWONISYE MAUTUIKA
WAAMUKAA IKUMI UUE WAKUATHIASYA AVITI
KUNAENDIE NOWISI WAMBIKIIE MIAO NGAISAA KWAKU

NIWATHUKUMAA MBINGI TUTAVIKYA
WAMBIIE NA KUITHYA UKATESAA IKAATU NA MAMEO
NOWAITHISYE YATA VAA VAUNGUA

TWEEYATHA YATA YAKUTHIWE INDO NA YATEMWA
YAUNGUA
WASYOKIE VAA TUUKWIA VAUNGUIE NA INDO SYATHELILE
VAYAI KWAKU NA AMAKU - VAI VA MBAI

AINGI MA MBAI MATHAMIIE NA MALUMA YATA
MYAKA YAATIIE VAA VAYAI UKWATI

INDI MAYAVALEKETYE NGITUA

**INDO SYAI SYATHELILE WAKU AANDIKIWE MUTHI NANGI
NUE WATHUTHISYE MWISUKUUU ASILILE NAIUA VAA
TUUKWIA**

**UNATUMAA MAKANDA NA NTHUNGI NOISULUSYA UKWATYE
KAINDO**

**MYAKANI II WAVOYAA NZAU NA MULAU IKALAKALYE
WAMBIIE KUTHUKUMITHYA ESUKUU ME ANINI
NIMO MENZIE KYOO KYAMBEE VAA**

**WAMANYIE NOMUVAKA UMANTHAE NA USULUSYA VATE
NGUI**

**WAUMAA KUU NA MAU
UKAVIKE TALA WIYUMBIIE IKUU**

**UENDETE WATUMAA MAKANDA KANA NTHUNGI
NOWATUNYAA KATANGI NA WAMUNYU
WATUUAA UMANTHIE MUSYI NA NDU**

**KWASYA KUMANTHIA NDU NI KUWETA ULAU WAKU
NIWANDETEI LIU NATUA NOOKA KUVANDA YAMBEE
NAINA MWAITU NA ANGI**

**MUTUI UMWE AISYE IIMEA NUNDU KITHEKA KYAI KYOO
WEEWA ISU WATWIIE NDU NDITHELAA NDIA
KYU WEESI NINDI MANDUA TWAMBIIE KUKIMANYA**

MUTUI UMWE NIWANDEEAA KITHEKA KYAKU
UU NDWAA UMAKYA
WAI WAMANYIE VALA NTHU YIKAWA TIVO IVALUKAA

NIWASUVISYE AMAKU MASUVIKA
ONTHE NIMAATHIMIKIE WAMASOMETHYA
ONAVALA WAASYAA NANGI MAMASOMETHISYE

KISOMO KYUMAA UEWANI TI SUKULU WOKA
NDUANI II KI ITINA KYAMELILWE NI NDITHYA
INDI MEIKA YA ESUKUU MAKAKIETE

NDWAALIKA NZEKENI SYA NDUA
NDWAALIKA USEANINI WA NDUA
NDWAAITIKILA MAKU MAKWATE ISU

NIWEESI KUEA ONA TENE WI KILUMINI
NOWEEESI KUEA YI WAI NZOKANI
NOWATESAA NTHUNGI KATUNDU WONE TUINDO

NUNEESI ULUNGALU KIKITHIO NA KIYU
MBULU SYATWIE KWAKWA SYALEA UMBITIA MBOKA
NIWALEILE KUMIUNGAMIA

NUNATIIE ITHENYA NDUANI
AINGI TUIELEAWA NI UNI TAKU

WEEAWA WOOKA IKUTHA UKATHEMBWA

**KAKU NAKWA TWATAMBIIE KWO KUKATUWA
NDUA II NDYAAMANYA TAKU KANA MUNYILU
NZYAWA NIKATALIKA**

**NDUA II TUINAVIKIIA UMANTHI TAKU
TUINAVIKIIA KUNENGANE NDAIA TAKU
TUINAVIKIIA KUMANYA KITENE NA KIYU TAKU**

**YILA TUKALIKYA ILIKO TAKU TUKAATHIMIKA
YILA TUKENDA ANDU ONTHE TUKAMIVAKA MAUTA TAKU
YILA TUKAMINA NZUKU NA VILIVILI TUKATAMBYA**

**TUIKWIA UNAENDIE KYUMBE KITENE
NITWISI NIWEEMANTHIIE KU UNEETIWE
TWIONZIANI TULILIKANAE NA MUVEA WATWONASYA O
TUIULILIKANA**

**UNAI MUNDU MUNDU
NIMEANA MANDUA TWITWA UU ?
TUKAUSYA NDU TA NTHAKYE INDII ? GCMM2020**

MWALI WA SOUSA

**MUKONYO WAKU WAI INDU ALENO MATANAMELYA NGOA
INDI ANGELESA MAIMELYA INDIA ALENO MAI MAMUTILILE
MWAI MWAVULANILE NAMO UTWAANINI
AAUMAA MA AAUMAA KAUTA MAI MAENDIE UISYAWA**

UMAU MUTHWII AI MITITU YA MITI MATUNDA NA
MIUNDA

NIWASOMETHISYE ITHEAKU ATWIKI NDAKITALI

NIWALEILE AITWAA KIVETI KITAI KILASI KYENYU KI INDU
ESIE UTWAA MUNGOA MIONGO ILI NA ITATU

ITHEAKU AI NDAKITALI ITANI KAUNI WAMBEE SYA
NGANDI IIVYUVA

NIWAUUVUNDIISYE SYA NGANDI WAIKWATYA NA WAIKIIA
NISYO SYAUMANYIISYE UKOKITIAAA AMEKALIILWE KWONTHE
ITHEAKU NIWESIE KWONA MWANYA WA UTAKITALI
NZANZIVAA

ATHAMIISYE MUSYI KU MIONGO ITATU NAILI

WAI MYAKA INA MUTHAMIIA NZANZIVAA

NIKWO WINA MUKUU MWASOMEIE KUVIKA KYAKATATU
MUKUUU NA MUINAU MAMINA ISU MATUNGIWE NGOA
MAKAENDEE

OOKA KU NDAATHUAA AI NDAKITALI WA AMATEKINDU
AUTAVASYA NDAALEA KUIITA AMATAIIVAA

INYAAKU AIUWA NUU AUTWIE MUTALI WA ISYAIVAWA

WAI WA MATHAU ONTHE NA KULULKULU

IMWE NIWAKUIWE NI UKANGA UITHAMBIA

INGI WAENDIE KUASA NA KISULULU WAEMEWA KWO

ITHEAAKU AKWATYA WIA MAATINI NIWATIIWE

WAINA VITII YA USOMA KWOOU WALEA KUI NAMO
UTAMINITE

WAMINA NA WAVITA NESA WEEIE ITHEAKU

WATWIKA WAKILI UKATWIKA WA KUIKIIKIKAA
NDUKOYAA - NDUKONGELAA NDIWI - YAA UKOOMIIASYA
UKATETEA NGYA
UKOKITIAA WO
UKOKITIAA NTHI YAKU KENYA
UKOKITIAA NTHI WASYAIWE NGOA
UKOKITIAA NTHI YA WUMO WAMAKU TENE INDIA

II WATAVASYA ASYAI MAISAANIWA UNDU MEUTWAA
UNGELESA

KAMUSAALA KA MAATINI KAYAI UKWATI

AMASAI MAUMIA MASEMBEAA ITHEAKU

NDIVI YAI THINA INDI NIMEESI NDALEA KUMETAANA

NDWEESI UKAI MUINGO ATA

WAMBIIE KUMANGAMANGAA KOTINI KITAMBAASYE

WESIE KUIVIWA NI MUSILI UMWE UNDU UUMANTHA
SUKULU

WOOSWA ASYAI MAKUMBANISYE NA THINA MWINGI

WAVIKA UNGELESA WEEKIIE VITII YA NDIA USOME MIAO

WAMINA NA WAVITA NESA MUNO WIWA IKUMI NA
MUONZA

WAVANGA USOME NDIKILII YA UTAKITALI WA UKWATI
NA SIASA

WETEELE KUVIKA ILI NOMWE VA YAUWAKILI
YANENGANIWA

UISOMA NIWAVINGAA UKAVILA KWONTHE

UISOMA NIWANEENEAA INDIA NGOA NA KENYA

NIWAKEMEAA INDIA IKUE ALENO NGOA

**NIWAKEMEAA UNGELESА ITHASYE AVILIKA EKA KENYA
YOKA**

**NUNDU NDWEESI SYEVEO SYA KUYA NIWOOPYIWE
WOOPYAWA NI MIKOLA YA UNGELESА NA YA KUNGI
NDWEESI SYA KUYA WUTI UTEETE -WALENGETE KISOMO
NIWATETHIWE NAINGI MAKU MATAIAA ULUNGALU WAKU
NIWALIKILE SYAMA MBINGI SYA WIYATHI WA INDIA NA
NGOA**

**NIWALIKILE MBINGI SYEETASYA WIYATHI WA AIU
NDUNIANI**

NOWESIE UNYUVWA KANZALA UNGELESА

**NIWAUMIE KATHOLIKI WAISYE ME MII ILI KISIASA SYA
MOTHASYO**

**WENUKA ITANO NA ILI WEETHIIE MWAKI WA KWITYA
WIYATHI**

**WATHIKIWE VO NI VIO WASYAIWE KUU MIONGO ILI NA
MUONZA**

**AUMITE KUKITIA UTHASYO WA NGOA AIMANTHWA NI
ALENO OVWE**

NDAI KIVILA KANA MALI ATHUKUMIAA MAUTHASYO

**WINAKE NOMWESIE KUTAMBIIA UTHASYO WA ATUI
SOMALIA**

VIO NOWESIE KUTAMBIIA UTHASYO WA MOSAMBIKI

WINAKE MWAI NDUNGATA SYAMANI SYOONTHE SYA UTETI

**NIMWEESI KYAMBEE KYAI KUKUA MBULU ITHEKANI
MOOYITE KUU**

TI ITHEKA SYA NIMA SYOKA MBULU SYOOYITE
ILOVI MBULU SYAINA MIONGO MUONZA NA ITANO IULU
WA IANA

AINDI MAINA MIONGO ILI IULU WA IANA
NYEUSI SYAINA ITANO IULU WA IANA MASANDUKUNI
VIO E VANGANI WAKOMBOIE YA NDINGI NA NDAKA
VUMWANI

KWA MBULU KUYEKALAA NYEUSI
KOTHEKI ATWAA MUSUNGU MAMANGAMANGIE KWINGI
MATANAI LUALAKA KWA MUNGOA WAUIAWA NI MBULU
ATAKUUA

TI NYUMBA SYAUKOMA SYOKA SYANENGANAWA NA
UKAVILA
SYA VIASALA KWA MBULU IYEETIKILAAA NYEUSI NA AINDI
MIKAAWA NA OTELI SYA MBULU IYALIKAWA NAINDI NA
NYEUSI

WINA VIO NANGI NINWYI MWALIKILE YA MBULUNO MBEE
ONAVALA IYAMBEE MWAUMALILWE MESA NZIANI YITAWA
MOI YU

MWAMUTHOKOIE ENA ISUSYA NZUMA MBULU
YAMUNGENDASYA

WASYOKA VO NA NGUTHU YA AINDI NA NYEUSI MIONGO
ITATU

NIMWAATHIWE NTHINI ITANO NAILI -AIU TWAKULIKILE
WIYATHINI

MBEE WA MWEI WEKUMI ITANO NA ILI SILIKALI YA
INDIA

NIYEESI KENYAATA NANGI NIMASYIMAWA NEKATAVYA VIO
NAKU

**SILIKALI YA ETHIOPIA NIYEEVANGITE IMUVULYE
NDAKAKWATWE**

**MWAMUTAVYA II ENAANGI MA KAVENGULIA NIMALEILE
KUKIA**

**MAIVULWA MAYAI MANANYUVA AMEKWATIIA UTONGOI WA
KAU**

**VIO NIWE WOLOTILE AKWATIII ONDENDE KYOKWE NA
AWOLI**

WONI WAKE NIWEETIKILILWE

NUE WOLOTILE MULUMBI ATWIKE MUANDIKI

**NUE WAISYE MUKULYE NDENISI WEESI OKE IKOANI
NELU OLOTILE KYAMANI WA INDIA NA NDAVISI WA
NINGELIA**

**MAKENYA MWAI MANDANI NGYASIWATI KAVILA NAKU
MULUMBI AI KUNDA NGUTUME YA KYAMA IKOANINI
NUE WATWIKIE KUNDA NGUTUME YA MAWAKILI**

NDWAI UNEETIKILWA KWITHWA WAKILI KUU

INDI WAI UUME NA UKUMBAU UTAI NANGI

VIO NIMWOOMBANASYA MBESA SYEKOANI ATANAVULWA

NOTULILIKANAA NDENISI NAKU NIWEESENE KINTHINI

MWI UNGELESA NIMWAVUAA AMAINA UKAVILA

**NUE WAKUIIAA MAKAVENGULIA LAVOTI SYA SIASA NA
MISYI**

MBULU IYENDA KUUEKESA UKUITE YAMBEE

WAMEIE NUUMATAVANYA UNGELESA MAVUTWE

NIMEESI WAI UTAMBI KWO KWOOU MAEKA UKUVEKESAA

ULUNGALU WAKU NIWAMANYIKIE NAINGI MATHINAWA

**MAKWITAA UMATAANYE MAIKWATWA NOKOLA NI MASUSYA
NZUMA**

**KUKITIAA MA SIASA NA AVINGIE KWAMANYIKA MAATINI
KU ITHEAKU WAI NDAKITALI**

NIWAVUTIWE KISENZI ATE MUIVE

**EEIWE EKUWA NDUKAAETE SIASA MAATINI KAMBUNINI YA
MBULU**

AINGATIWE ENA INYAAKU MUKUU NA MUINAU

MAYAANENGWA MWANYA MAKUIWE VU KWA VU

WENUKIE WAMETHIA NZA KWAKU MEATHEI

**KII KIYAAUNGAMYA MOONUVAWA UTETEI WA ONTHE
WAKU**

**WAMANYIKIE MUNO UKETAWA NAMATHINAWA
UTEMUKUNUSYE**

UKAKAAMIAE MASUSYA NZUMA MAMATANDIKAA MANA

**TUYISI KUWAUMITYE UUME UTEMUNENGE VALUA WA
UWAKILI**

MAWAKILI AINGI MAI VALUA MAI IVWILA

**MEETWA MAKATETEE MOONUVAWA MAYAUMAA ILOVI
TAKU**

MAYAI UUME WA UKAAMIAA ASIKALI MBULU

**KANA MAKIVU NYEUSI MAVUAA MOOYIAA NA MAVAKUAA
ANDU**

**TUUTUNGIAA MUVEA NUNDU UUME UU NIWAVITISYE AINGI
MAITU**

NUNESIE UTUTAVYA UNDU MAKAVENGULIA MAUSAANISYE

METHO MA KINYAATA MAYAKETEEAWA NAANGI ONAITU

**NDOONANASYA UTHU KWAONTHE ONAVALA NIWASUKAA
AMWE**

**MATEVO NIWATAVASYA ANGI UTHUKU KANA KONA SYOO
WAELEILWE ATETI MAYONANASYA MAUTHU METHONI
NUNDU IVINDA YUKITE MAKENDA ME KONA MIVANGONI
YA SIASA**

**NDYISI KANA NIWAELEIWE II NI MIKALILE YA MII ILI TA
KIMBU**

**NISYO KITINA KYA SIASA SYA KENYA SYA KULINGAA
ANINI**

**MBULU SYAVINGIIE MAKAVENGULIA NANGI ITUVALAANYE
NOTWISI AMWE MOO MAYAI MAU MAU**

**ATE IMWAMAVUNYIAA MAYEESI SYAENDEEWE NI MBULU
MAVULWA**

**NIKANA IMALUNDIKE SYAMATWAIE KUASA MATANENGWA
IOSYO**

**YA MBULU YAANDIKIE NA YAONGA MAMASILILAA NA NGUSI
NZIVOVO**

MAWAKILI MOO MWATHINAWA MUNO

**NGAVANA AYOYA KINYAATA NIWE NDONGOI YA MAU MAU
VOLISI SYOO NISYAMWIAA NANGI**

NUNAANDIKIE KENYAATA NIWAKWIAA NDAI MAUMAUNI

**NOWAKWIAA NOWEESI NDONGOI IMWE SYA MAU MAU SYAI
KAU**

**INDI NDETETHEESYA MBULU NAUMATAVYA MAU MAU NAAU
NOWEESI UNDU YOKOLONI YALUMANGASYA NA KWOVANA
MANA**

UNATWIIIE MAWAKILI NIMWEETIKILILE II SYAKE

**YONGELESYA YAMWOVAA IMINE KWITYA WIYATHI KWITU
MOOVWA NOKOLA KAU NIWAVYUVIIE ITANO NA ITATU
WANENGIWE VALUA WA USILI MAKAVENGULIA MAISILILWA**

KWENYU KUYAI MALI YAAMBIIA OVISI

WALIKANILE NA ANGI WUMBE ISYITWA YA UWAKILI

**KAU WAVYUVIIA ITANO NA INYA AINGI MAITU
NIMOONUWIWE**

MEEAWA NDONGOI SYI YELA

ANDU MISYI NA MBAI NISYAANIWE KWONTHE

MAWAKILI NIMATISAWA -NOWASIKATIWE UVENWE UWAKILI

WAKILI UMWE MWEU NIWAUTETEIE AANGI MAIKIA

**AI AVUTIWE KULEA KUNENGA MBULU ITHEKA SITU
KIUKOLA**

**WAVALUKA NA NGALI UENDETE KUTETEA OVWA KIAMBUU
NIWALEILE KUKOMA SIVITALI WAVATWA KULIKILA KWA
MBULU**

**UIVOEA MUSYI VIO NIWAKWATIWE NA WAMBIIA
KUMANTHWA**

**INYAAKU NIWAMANYIE NA AUKUNIA SIMU NDUKANI YA
WAMUSYI**

AKWINIKILIILYE KINANDU KYAKE KYONTHE UKUKIE KUNGI

**WAISYE SIMUNI WIATHA MOMBASA INDI WAKUKIIE
UKANDA**

**UNATWIIE WIYELA NDWAI UTETHEESYA VIO NA ANGI
MATHINAWA**

**WATAVANYA II NZA MBULU NISYAKIIE KUUKWATA NA
WASYOKA**

**VIO AVINGIWA MANDA UVEKESI NIWAINGIVIIE NA SIASA
SYAEMA**

**KUATIWA NA KUTISAWA KWAUETEIE ITAU SYANDA
ITHEAKU NA ANGI AINGI NIMATALITHASYA NUOVWA TA
VIO**

**WAVANGIE USYOKE UNGELESA UKATAVANASYE UNDU
TWATHINAWA**

**NOIMINA YA UTAKITALI WA SIASA NA UKWATI IKENDEKA
WIYATHINI**

WAI WAMBIIE KUSOMA II UTANENUKA ITHEAKU AWAA

**WAI MUVIKU KWOOU WATEMBEIE NTHI MBINGI SYA
MBULU**

**WATEMBEAA UMANYE SYOO UKELA IKATUTETHYA
WIYATHINI**

**ITANO NA NYANYA VIO AUMIWE MANDA ATWAWA
KAMBALANETI**

**ATHAIWE ITANO NA KENDA UIMINA NDIKILII YA
UTAKITALI**

**WAMINA NIWENUKIE NA MWIELI MWEETHIKA SIASANI INGI
KAU NIWATHELILE MWEI WAMBEE MIONGO THANTHATU
MIONGO ILI NA NYANYA MWEI WAKELI MWAKANI
UMBANONI ILOVI ANDU NGILI MIONGO ILI NA ITANO
NIMEETISYE UTHASYE WA KINYAATA**

MWEINI WAKANA ANDU MILLIONI NIMEEKIIE SAI ALEKWE

**MWEI WAKATANO WAATIIE KANU NIYOMBANIE KIAMBU
NGEWA YA KUOTEWA UTHASYO NIYATANDIE MWAKA UU
UNYUVANINI WA AIU THANTHATU NEMWE KANU NIYASINDIE
NIWASINDIE KIVILA KIMWE KYA ILI SYANENGETWE AINDI**

VAMWE NA ILI SYAMBULU MWAUNGAMIAA MENYU KENYA
YONTHE

KENYAATA NIWALEKIWE MWEI WANYANYA

NIWAUKULILYE UINAKE UNGELESA

NUNDU WAI UMWE WA MAWAKILI MAKE KAVENGULIA

AKIMWA NA MAA MANGUKU NI MBULU NDIA KU

NIWAKWATIE UVYU WAKE NDAKAMIUMISYE OVWE

NIWOONIE UNDU WEELINGILITWE NI MBULU TA MAKENZI

TISYO SYOKA NOWOONIE UNDU KANU NA KADU
MAMUKUAAA

UNAANDIKIE MWAKANI UU EKALAA NA ONTHE KIUTETI

NDENDEAASYA KYAMA KIMWE ATANYUKAA NDETO NA
ONTHE

UUNAANDIKIE KIMAKO KYAKU MWAKA UU KYAI

ENDETE KENYA O ENDETE MBAI YAKE

UNAANDIKIE WAMANYIE KITINA KYA SIASA SYA KENYA NI
MBAI

UNATWIIIE AKULASYA WAVANDA KITUNDA

NOIKINYITHYA NA NTHAKAME

MATUNDA MAKYO MAKAIWA NUU

KANA WATHINZA NGOMB E YA MBOKA

UNENGAWA SYAVATA NUU

TUNAELEIWE AANGI MAKAVENGULIA MAYAI KINDUNI

MAYA AVANDA KANA KUTHINZA

**THANTHATU NA ILI MWASYOKIE UNGELESA MUKETYE
UTHASYO**

**MUMBENE KINYAATA AKWIKALILYE KWAUME MBOYA
KWAKA**

**ONDINGA ITINA WAKU KWOOU KENYAATA ENDAA
WIVAKUVI**

**ENDAA UWAKILI NA UTAKITALI WA UKWATI NA SIASA
VAKUVI**

KWOOU NUE WANEENIE MUNO WUMBANONI UU

WUMBANO WAI AINDI AISILAMU MBANIANI KANU KANDU

**SYAMA SYA MBULU ILI -KYAMA KYA MAU MAU KYA
USUENI -KYAMA**

**KYA UTHASYO WA KENYA NAINDI KYAMA KYAINDI
KONGULESI**

**WUMBANONI KENYAATA ENDAA ONDINGA AKAUNGAMIA
MBESA**

MBULU NISYALEILE ISU

ONEKO NIWE WASUNGAA UKWONA KENYAATA NGOLANONI

ONDINGA NIWE WANYUSAA NA KENYAATA KILA WIYOO

IVINDI IYAITITE WIYATHI NI MASAMBA MAMBULU

**MWEEWA TUKANEWA MBESA TUMAUE -WAKOOIE TUI
MBESA**

**WASUNGIWE IKAIVWA -TWAUA MBULU IIKATWAA
MALAMIKO KWOOU**

**MBOLONGO II NIYATUTULILE NGYA ITAUIKYA -NANENE
MANYAKUIE**

**NDUUTHI YA WUMBANO UU YASYAIE SILIKALI YA AIU MBULU
NA AINDI**

**YAAVITHIWE MATUKU ELI MWEI WAKATANO THANTHATU
NA ILI**

NDYAATINIKA -KANU YENDAA SILIKALI NENE KWONTHE

**KANDU YENDAA SILIKALI SYA ILUNGU ITAUNGAMIWE NI
NENE**

KWANYUVANWA MWEI WA KATANO THANTHATU NA ITATU

**KANU NIYASINDIE NA KINYAATA AATWIKA MINISITA
MUNENE**

**UTHASYO MWOVE WOOKI IKUMI NA ELI NDISEMBA
MWAKANI**

UIKUUWA NA ISAMBA NIWAYILEILE

MWAKA WAATIIE MATUKU OASU

**KINYAATA NIWAUMIE UMINISITA MUNENE ATWIKA
MUUNGAMII**

**NITWATWIKIE NTHI YIYIUNGAMIITE INDI NDUUTHI
NIYAATIIE**

UNAWETIE AINGI NIMENDAA KUUNGAMIA KENYA

AMWE NI MBOYA ONDINGA NZONZO MOI NA MUNGAI

WAKUUAWA UTWIKE MINISITA KANA MUUNGAMII WA MIAO

NDWAAITIKILA

KUMA MUNYANYAU VIO ATHAWA

**NIWAMBIIE KUMBANYA ANGOA KENYA TANZANIA NA
UGANDA**

INDIA YATHASYA NGOA VIO AKUUAWA AKANENEVWE KWO

NIWALEILE OUNDU ONAKU WALEILE KUMA KUU

**VIO EETHIKA KANUNI AMBIIE SUKULU YA KANU-
LUMUMBA**

UNAANDIKIE NIWE WAI NA ONDINGA KANU YA KWAKA

VIO NIWE WATWAIE ONDINGA NA MULUMBI KYINA YA MBEE

MBOYA NZONZO MOI NA MUNGAI MAI KANU YA KWAUME

KUMA THANTHATU NA ITANO KANU YAI NDUUTHI WAATHUKIIE

NDONGOI II SYA NGALI ILI NOSYESI KUNUVANAA

VIO AI MUVYU NDAELEAWA MASAMBA MANENGAWA ATHWII NIKI

**AMANENGANAA MOOKA OVISI KWAKU UKUNE NIWAMAKUIE
NITWISI WINA KANGIA NIMWALEILE KUNYAKUA MASAMBA
MAKWAUME NIMAUTAVISYE VIO NIWASYIMAWA AIATIHA
AMANENGAWA**

VIO ASEMBWA MOMBASA NI MAKWAKA ATUNGIWE NI MULUMBI

NIWATETANISYE MBUNGENI NA MUUNGAMII WOOSETE AMWE

NDAAITIKILA SYAKU WAMATAANYA

WAMWIIIE MWIO AINDI NA MUITETEWA NAMENYU KANA ANGI

**AATHIWE MUVIANI WI KOTINI -MANDA NDYAAMUTETHYA
OOAWA KANU YA KWAKA NIYAVALAANILWE**

ONDINGA NIWAUMIWE UNININI WA MUUNGAMII NA KANUNI

WANENGIWE MULUMBI NUSU NGOA NA NUSU MASAI

ONDINGA AMBIIA KYAMA KYAKE NIKWEETIWE UNYUVANI

AMAI NAKE KANU YA KWAKA NIMENUKIWE NOKOLA UNYUVANINI

**THANTHATU NA KENDA MATUKU ATANO MA MWEI WA
MUONZA**

**NDONGOI YA KANU YA KWAUME MBOYA NIYOOWAIWE
EEAWA ENDAA UUNGAMII**

**MAVOYEANI MAKE MUUNGAMII NIWATHOKOIWE NANDU
MATANDIKWA**

**ESA KUI KISUMO MWAKANI NIWATHOKOEWE KWO
AKULAWA VA MBOYA UI -AKAAMIIE ONDINGA NA MAKE
MAEKE KUMUVUTHYA -MALEA UKILYA NA MEKYA MAVIA
IKUMI NOMWE NIMAATHIWE NA AINGI MAUMIWA**

**KUMA VU TWAMBIIE KUVINGIAA AMATEENDEKA
TUNESIE UMINA MIKANILYE II UUNGAMIINI WA KIMBAKI
TWINAKU TWAI TWOONIE MIVINGIANO IVINDA YA MAU
MAU**

**TWINAKU TUYEESI TUKOONUVANAA NA MIVINGIANO YA
MANA**

MAUMAUNI WOKITIAA ATWATHINAWA

WAMEISYE ITAU SYA NDA

MAKU MASAANIWA UNDU UKAUMILA

NIMAKIAA KUVULWA KWAKU

**NIWOOMIISYE WATWIKA MUUNGAMII MUNINI WA AVITYA
MA MIAO**

NIWOONIE TUIKUA AINDI

NIWOONIE TUIANDIKA MAMUSYI MATESI WIA

NIWOONIE TUIKUTHIIA MBAI IMWE MAWIANI MASILIKALI

**NIWOONIE MUSILI MUNENE AKWETE SYA VIASALA EKA
MIAO**

NIWOONIE AITISYA MAMUTHUKUMIAA

**NIWOONIE AINDI MATIWE MAVINYIWE MAUMYE MIVOTHI
ITINA NIWOONIE ALAMBI SYAUYA**

**NIWOONIE TUIVENA AINDI MATUKA TUNENGE NDOKWE
NZIU**

NIWOONIE TUINYUVA MAUVITYA MIAO MATAASOMA

NIWOONIE TUITWIKI TUSUKU TWA MBULU

**NIWOONIE UMWE WAITU WATWIKIE KIAO KYA MBULU
NAINDI**

NIWOONIE MAKUMU MAYIKWA KIMAENDEEO

**NIWOONIE MAENDEEO MAIIMA MUTETI WA VANDU
AMENWA**

**NIWOONIE TUIITEA ATAVANYA MAKANISA MAKE MBAI
SYOO**

**NIWOONIE TUITWIKI NTHI YA KUONGAWA NA
KUONGANAA**

**NIWAMANYIE II SYASYAIWE NI KWIKUTHIIAA MAVU
MANENEVE**

NGYA IYAAKWATA UTHASYO WATUTHUKUMIIE

UNAANDIKIE WOONA II NAINGI NIWOOKILILYE NTHI MOKO

WAMANYA NDWITHWA WASYA SIASANI KUU

**INDI NDUKAAULWE NIWATUTHUKUMIIE KIWO SIASANI NA
ISILILONI**

**UNAISYE ONA ANENE MATUYIA AKENYA AINGI TWI
MAKUIIKIKAA**

UNATUIKIITHISYE TWINA MAUNI MATAKATHELA

**UNATWIIIE WIWAITU KUVIKA MUTHYA WA INTHI
KWOOU WITUNGIA NTHI YAKU MAVINDI MAYO
GCMM 2020**

4. AA WAMWENDYA

MWALI WA SAVETHI MUVULANYE

TUI MA MENDUSA NA NZOKA SYAKE KYONGO

TWI TEI

TWI INEE

TWI AII

TWI MA KYENI

TWI MA KUTANA

TWI MA KWINA

TWI MA KUSUNGA

TWI MA KUTWEKANISYA MESILYA NA UMANYI

TWI MA KUIKIIAA

TUI WAANU

TUI KIIMA

TUI ATUMANU NITWISI KUTWAUMIE

TUI AVILANU TA KITANDAMBOO NA SUMU WAKYO

TWI ASUMBI ONATWOONGWA

UKOKA NO TUUSUMBIKYE KIMUNDU

UKOKA NO TUUNENGE MBOOVO

NDUKOKE NA MUNUKA WA SUMU TA KIKO

NDUKOKE NA MUNUKA WA KASUKU

NDUKOKE NA MUNUKA WA VII

WIUKA NA KAMWANA KANINI KATHAUKAA NA THAYU

WIUKA TA KELITU KANINI KATHAUKAA NA THAYU

WIUKA NA MATU METHO KILIKO NA UTHUKUMI

WIUKA NA THAYU MWENE

WITIA KAMILA NA KWENDA NYUMBA YAKE YOKA

WITIA INGEI NA AOI MENDAA MALI KWI ANDU

WITIA AMATONAA KYENI NA KYUU ANDUNI

WITIA ATOONU

INDI WIUKA WISI TWI ANDU

NO TUTULAWA

NO TULULUTIKAA

NO TUVALUKAA

INDI MULUNGU NUTUKILASYA NA TEI WAKE

GCMM1991

MWALI WA NISIKANA NAITU

YILA NISIKANA WATUNGIE WATHI WA KUTAIA MULUNGU

**UMAA WA NAU ASYIMAA MBOSELA NA TULUVYA
NDIANDASA**

**YILA NZAMBAVU WOOKIE MUKA WA MWANAE EETIWE
KIVWESI**

**MATALIA MAETE NTHUNGU NA NDULU ETHIOPIA
NISYATUTAMBIIE**

**ENA MWANAE NA SYA IINGI MAKIITE NTHUNGU NA
NDULU IKUTHA**

**MAKWA UMAU AMBIIIYE KUYAA LIU WAINDI NA
MINYAMBU TUSYII**

**SITELENIMBOSYI YAASYA A AVILIKA YETHEO NDIKAVITA
KAYOLAA**

MAYISI NIYAVITIWE NI NISIKANA NA ANGI

MAYISI NITWAKUIE AMOO NA TWEETUNGIA AVILIKA

NDILAMINI NUKUELEWA KANA NO KULEWA ?

NDUKAAULWE NONINAA WATHI WA NISIKANA

NONISI TENGO NZAMBAVU NA ANI - TI MANDELA WEKA

NITWAVUVIE MWAKI KAYOLAA KINYAA NA KUUNGI

LILIKANAA TUKAKOMANIA INGI KATANGA KUTWATAANISYE

**TUKAKOMANA TWINA SYA TUTU MBITI VANONI NA
NDIOVU**

**WE UKOOKA NA ASANI ALA MAUMIE KUU MATAAULWA
NISU**

NGAETA SYA MAKIMBA NA MASEKELA ITUTANITHASYE

MBATHI SYA KALELA NA KILUI IKEETHWA SYOOLILE

TUKONGELAA SYA MBANGO NA MBENGA

SONATONGA AITUNGA MWALI WA NIKOSI SIKELELE
UMAU AATIE LELI AIVULYA WA AINDI NA TUMINYAMBU
AKOLANILWE NI NZUENI AMUTWAA KINZAVI

MENYU MAYIETE MAKANISA WAAIOKI
UMAU ATEMEA MAKWANGOMBO KITHEKA KANGUNDO
MAKE
AI MUVISI NA WA MOKO ATE KATHEKA - AVUTHITWE

NZYAWA SYAKE NO TUMUKI TUVUTHITWE
KALAVAA KAI KAKAMU KWENYU ONA KUU KWITU
TENGO WI TAUNI YA WILIAMU WALEAA KALAVAA
KWONTHE

NIWOONIE ANDU MAIVOTHA MAKAKALEELE KWA INYA
MBULU SYAKWIE INYA NDENDAA UKAKANANISYE
WEETIKILA ISU AMAENDIE MEETAWA AIU AINDI NA
MAVULANA

MAVIKA KWO ONTHE MATWIKITHIWE O NYEUSI
UMAU NO WAENDEEE NA KUUIA NA KUTEMEA MBULU
KWIKALA NA NYAMU KWAI KWAMWETISYE EKANA

TENGO WAKUMYA MBOHA AENDEESYE UKAVILA
NI WALEILWE NI AND U MAKU
UMAU AKWATIE MBEU MYAKA ISU YA KULEWA KWAKU

**MUSANGA SEME NIWALEANILE NA USIVOVO NA
UKOMELELYA WAKU**

**AISYE NYEUSI SYAMBIIE KYAMA IKWATANE ILEANE NA
SYAMBULU**

TENGO NIWAVITIWE NI IVINDA

**NIWAVITIWE KYAMA KYAKWATANYA ANDU NA NDONGOI
KIKITHIO**

NO KITUAA- NIKISUMBIKITE NA LAMAVOSA YU

ONAVALA MANDELA ATHI KITUAA NENYUNGYA YA NZUMA

MATUKU MA SEME UMAU NDEESI ANDU MAVULANA

KUU TAKWENYU MBULU IYATWAA NYEUSI

KIVETI MAVULANA MUKATANGA NDUANI KYEEYITIE NZULU!

UMAU NIWATWIKIE MUTUMIA WEKANISA MYAKANI

UKAVILA NDWAAVYUVA KUU TAKWENYU

KWOOU TWASOMIE SYA SEME NA TWEKYA UIMBI IKO

TWENUKISYE MBULU ITINA WA MYAKA MIONGO MUONZA

TENGO WENDEEASYA MBULU IMWONASYE MUKUVA NIKI ?

WAEMIE KWITHUKIISYA WATHI WA NISIKANA NIKI ?

NISIKANA NIWEETHIIE NDINI YATENE ITAI ILENGETA

YAI KINDU KYOOMBANITYE MUIKIIO NA MIKALILE

UMAU NDAAMITHIA KINZAVI KANA KANGUNDO

EIWE NDINI NI IYOOKIE NA MBULU

YAVULANITYE MBAIVO NA MIKALILE YAKWOO IILEA YAITU

MWIKALILE WOO ULA WATUVINYIIAA MUNO NI UKAVILA

MATUTHIMIAA KISOMO NA KASENGELA

**MBITI AANDIKA UNDU AIU TWAELEAWA NI MULUNGU
MATANOKA**

NIWAUMIWE EMU

AUMWA AENDIE ANGILIKANI

NISIKANA NA MBITI MATWONISYE

WITIKILO WISI UMUNDU

MATWONISYE

NITWEESI KUVOYA TWONE UTWAANI

MATWONISYE

NITWAVOYEAA KUKWATA SYANA

MATWONISYE

NITWAVOYEAA KIVETI KIITAVE NA KIISYAA NESA

MATWONISYE

NITWAVOYEA A TWANA TWASYAWA TWIKALE

MATWONISYE

NITWAVOYEAA NGUNGU NA NDIWA

MATWONISYE

NITWAVOYEAA UTINIKI WA MISYI

MATWONISYE

NITWAVOYEEA MUUO WA NDUWA NA NTHI

MATWONISYE

NITWAVOYEAA NDITHYA NA NZYIMA

MATWONISYE

NITWAVOYEAA MBUA NA NGETHA

MATWONISYE

NITWEESI MULUNGU TA MUMBI NA MWATUANGI

MATWONISYE

NITWAATHIMIWE

MATUMINIIE NA KUTUUMISYA KWA MULUNGU

TENGO NIWEEWIE NA WAMANYA ?

NIWEEWIE NA WEETIKILA ?

MANDELA NDAKUIIE MBULU UUNGAMIINI ?

NZUMA NDENUKIWE ATUYIA ?

LAMAVOSA NDATA MBITYE SITIMA NA NDEKE OIIVOWA ?

GCMM1991-2019

MWALI WA ASANI MA MBOSWANA

NEANIE NI MUSYIMI

TUMWANA TWITU NA AUME NI ASYIMI

KUSYIMA NI KUENDA NA KUNEENA NA NYAMU

**NDUYAA - UENDAA NA UIMIKULYA IUNE THAYU
UKANENGE AMAKU**

UTEAA KITEI KANA UITHI NA UTA NA ITUMO

NIKUTONYEKA UKAKUA MITHENYA UATIIE KILONGA

NIKISI WIVO NIKISI NOMUVAKA KIUNENGE VINYA WAKYO

INDI NIKISEMBAA NAKU NOMUVAKA USEMBE

USEMBETE UTWIKAA TAKYO

NO VATHELE MASAA MAINGI NA MUINOA MWI ELI

UNEENAA NAKYO NOIKIKUNIKILA METHO

**NIKIMANYA A KYAUNENGA VINYA WAKYO SYANA SYAKU
NIUVITA**

ILONGA TI NGOMBO SITU IYIKIAA UTANA NGINGONI

NISEMBAA MITUKI KWI NGOMBE NGA NDULU

TUSEMBANASYA THAYUNI IMWE NASYO

This is a translation of Roy Sesana, spokesperson of the San people of Botswana and representative of The First People of the Kalahari. It was published in New African, March 2006. It is dedicated to Master Hunter Kisuke.

GCMM 2007

MWALI WA LAMAVOSA

TAKWA NDWAASYAWA MBAINI NENE

TAKWA WASYAIWE KAVALINI KA KUMU

MAKIMBA AYINA ATUELEISYE KWENYU KUYAI NGUMA

ASYAI MAYAI KITHEKA KYOO NOKYA ONTHE

KII KIYAAUMAKYA WAMANYIIE KWINYAATIAA WIKANA

KISOMO KYAWO KIYAI KU

ALIMU MOOKAA NA VAATI MATEASOMU MUNO

MAENDAA MITUKI KUKWAI UKWATI

WASOMIE KYA KONA

NOWESIE KUVIKA KYEULU WIONAA MBIKO

WINA MEIKA NIMWAMBIIE KUTHINIWA KWITYA UTHASYO

NIWAKWATIWE NA WAVINGIWA

UNATWIIE ITHEAKU AI ISUSYA NZUMA YITAI KILASI

NDAAKWIA UTEEYE MBULU AAMBIKO

AUTHUTHISYE WUMIISYE YELA

**MAANDIKIE SYAKU MAYAAWETA WAENDIE MAIMANI INDII
NA NIKI**

**MOOLILWE TA TENGO THINA NUTUUMASYA NA
UITUVUANISYA**

NITWISI THINA WATUMIWA NUTWONASYA NZIA

NITWISI WEETIWE NI KUKELWA NA KWOVWA

SYELI SYAUVUNDIISYE NGUTHU SYI VINYA

SYAUVUNDIISYE UTHUKUMIAE AVINYIIE MUNO MBEE

**WAUMA WAMBIIE KUMBANYA MA MAIMANI NZIANI NA
KUMAKOMAA**

**WESIE ULIKA ANGULO MEETIKILA UKAMOMBANIASYE
MAIMANI**

NDWAMOMBANASYA MAKWINIAE NA MAIUSUNGIAE

WAMOMBANASYA MALEAE KUTHUKUMITHWA TA NGOMBO

NIWATAMBIIE MAIMA ANGI WAMINA MA ANGULO

KYAMA KIILUMA KYATAMBIE KYAVIKIA ENZI KWONTHE

MAYAI MA KYAMA KYA ENZI KYOKA

NIWAMALIKILYE KYA SEME KYATUITE NA KIENDEEE

**UIKUUWA UTIE ENZI UKOKITIE WIYATHI WI NZA
NIWALEILE**

WALEANA NAISU WEETIWE NZIVOVO YA ANGULO

NDWAA KWATIHA ISU NO KUNEENEA ENZI ME KYA SEME

**SIASA SYA KULEKYA MANDELA NA KUSUMBIKYA AIU
SYAVYUVA**

UTUIKA WAKU WA KUMBANYA ANDU NIWEETIKILILWE NI KYA SEME

NA NDONGOI SYA MAKANISA MASUKULU AIMI AVIASALA NA ATHEI

NIMEESI NIWEETEAA MBULU UYUMBANYA MA MAIMANI

WETU NIWENDEKAA UUNGAMIINI WA KUTHOKYA MANDELA

NA KUVANGA SILIKALI YA NGWATANIO YA AIU NA MBULU YAMBEE

WETU WA KUMANTHAA WIWANO NIWATETHISYE NTHI YAKU

TA IKAO WAITU NIWEESI WI LIU UTAILYE NTHI MESANI

WATUMIIE WETU UIKWATANYA NDONGOI SYA NTHINI NA NZA

WALINGITWE NI MATHINA ELI MANENE KYAMANI

AMOKITIAA WIYATHI MENZA NIMENDAA MATONGOSYE

MAYAINA UTUIKA WA KUMBANYA ANDU TAKU

MEESI IVUTI NA SYA NZA MOOLILWE NISYA KUMASYAIWE

MAI YELA MYAKA NA MANDELA MAYEESI SYEVINDA TAKU

NGUTHU II ILI IYEESI SYEVEO SYA MBULU TAKU

IYEESI SYEVEO SYA NDONGOI SYA MBAI MATIITE TAKU

IYEESI KUTUMIA AMWE MAKALUNGE NDONGOI MATIITE TAKU

IYEESI KWIVUVIIA TA KIMBUVA UIMANTHA WIWANO TAKU

IYEESI KUKOMANAA NA AMAITHA MBULU NA AIU TAKU

IYEESI KUNEENEA AIU ONTHE IMWE EKA MBAI INENE TAKU

AMANZA MATETEAA AMAI IMWE

NIMAKOLOKAA MBAI SYOO IMANENEVYE

II SYAETIE NDUUTHI MBAINI INENE

NUNDU KINENGO KYAKU NI KUMANTHAA WIWANO

NIWOOMIISYE NA WAVANGA UTUNGI WA MANDELA

NIWOOMISYE NA WAVANGA SILIKALI YA AIU NA MBULU

NIWOOMIISYE NA WAMINA MUVANGO WA KUANDIKA KATIVA KEU

NIWOOMISYE NA WAVANGA UNYUVANI

**UNYUVANINI WA KYA SEME NDWAATWIKWA MUNINI WA
MANDELA**

KWEEIWE KAVALI KAKU NIKANINI

KWEEIWE WINDUU NA MBULU

KWEEIWE NDWAAUKITIA

II NOSYO SYEEIWE MBOYA NA LUMUMBA

**KYA SEME KYAUTUMIE UKAMANTHE SYAULIKYA AIU
VIASALANI**

VIASALA YANTHI YAMELETWE NI MBULU NIWAMITAAISYE

**WEETHIKA MAKAMBUNINI NA WATIA NGINDANO SYA KYA
SEME**

NIWAMEISYE NGUMA MUNO

NDWOYAA - UU WAI WIA WANENGIWE NI KYA SEME

WEETHIKIE MAKAMBUNINI MA KWINZA MALI YA MAVIA

WEETHIKIE MAKAMBUNINI MA UIMI NA NDITHYA

WEETHIKIE MAKAMBUNINI MA VENGI

WEETHIKIE MAKAMBUNINI MA KUSULUSYA

WEETHIKIE MAKAMBUNINI MA KUTUA NA KUUNDA

MANDELA EKALILE UUNGAMIINI IVINDA YIMWE

**MBEKI WATIWE AVINGISIWE NI NZUMA ATAMINITE IVINDA
YAMBEE**

**YAMINWA NUNGI NZUMA ALIKA NA AMINA IVINDA NA
KILUNGU**

KYA SEME KYAI KINAUNYUVA MUNINI WAKE ATANAVETWA

**KYA SEME KYAKUIE NZUMA UUNGAMIINI NUNDU WA
UNGEI**

UNANENGIWE UUNGAMII NTHI YINA WOO

WOO WA NZUMA KUUNGAMIA NAI NA KUYA

**WOO WA MIVANGO ITAAVINDUKA KUMA KWENDEEASYA
MBULU**

**WOO WA UKYA WONGELEKETE KUMA KYA SEME
KYAUNGAMIA**

**WOO WA MBULU NINI SYI ITHEKA NENE MUNO KWI AIU
AINGI**

UKATATWA KWI UNDU WAATATWA UYUMBANYA MA MAIMANI

UKATATWA UIKUA INGEI ONA SYISYA MUKONYO SILIKALINI

UKATATWA NGYA NZIU IIKULYA WIYATHI WAETIE KYAU

UKATATWA MEIKA MAIKULYA KISOMO WIA NA MALI

**UKATATWA UIMANTHA UNDU UKWONGELA UKWATI WA
NTHI YAKU**

SANIKALA AISYE NDUVINDUA SYINDU UTENA NDUUKA

KYAMBEE UIETE MAVINDUKO NIKUTHUKUMIA NGYA

KYAKELI NI KUTHUKUMIA IIKA

MUATIIE

NAKE MBOYA ATUTAVISYE NITWIANENE UVINDUINI WA NTHI

ATIIEA MENELIKI WAKELI

AISYE UUNGAMIAA NTHI KITHIONI KYAYO

AATIISYE UUNGAMIAA KWENYU WEKYA SYANZA

AMINIE NA KWASYA KWEENE KUI UKWATI

KUUNGAMIA NI KWOSEA NTHI MAENDEEO YAIMIWE NI MBULU

VAI NGANZA AVILIKA NIYONGAWA NI NDUNIA

MENDAA NA MEENDA MOSAE MALI YAITU TUTUAE UKYANI

TWAINA UMUNDU WITU MALEILE NA TWOOLWA

TUYAEAA UKYA WA AINGI NA UTHWII WA ANINI

NDUKAATIAE II SYA KIMBULU

KWASAANYA

LILIKANAA NYAMU YAKU - MBYA SYA MBAIMA WATAMBIIE

KWASAANYA

LILIKANAA NGOMBE ISYAAWA NA MATU NETINA MBYA IYIANA

KWASAANYA

ENDAA KUKWATYA MAKUYU NOLII SILANGANI WENZIE

KWASAANYA

ITHUKIIASYE MAKIMBA AYINA WATHI WA KUNINI KUMU WAUMIE

KWASAANYA

AKAA IAO ANDUNI NDUKATHIKWE NI USI WA MASYAANA

KWASAANYA WINZA

**INUKAA NUNDU KWEENE KUI MUMO - NUNAMBIIE NENE
ATANAI**

KWASAANYA

LILIKANAA MASOMETHANYA MA MBIKO WEIKA YAKU

AISYE AIU MAYOONAA UMUNDU WOO UUNGAMIINI AVILIKA

AISYE AMASILIKALI NA ATAVANYA MAENDEEE KUTUKENGAA

AISYE NAI NIKWITIKILA KWIKALILAWA NA KWIKALILANAA

AISYE UTHASYO NI VINYA WA KWINYAATIAA KIMUNDU NA KINTHI

**AISYE WIKWATASYE MUMBI NA MAWITHYULULUKO WAUNEE
MANA**

AISYE ANDU MAMANYAE KUMAUMIE

AISYE KULWA NI SYITHIO NIKULIKA MUTOKAA UTE INZINI

**LILIKANAA UKAKWIIA WIANI TAKE UWIA UETE THAYU WA
NTHI**

**TONGOEAWA NI INYA WANTHI UNATUTIIE WAUNGAMIIE
NTHI**

ITHWAA NA MUVANGO WA KWIANAA KWA NTHI YAKU

**NUNDU UTEUNYALITA NDUMANYA KUTHASYA MINYOLOLO YOVETE
NTHI**

TAVASYA AVILIKA WAKAVALI NOAUNGAMIE

NDUKAAULWE

KITUNDUMO TI MBUA

NDUKAAULWE

KUTHUKUMIA ONTHE UNDU WEEMANYIISYE MAIMANI

NDUKAAULWE

LUTHA ATWIIE TUKUAE KI TWAWETA TUTAWETETE

NDUKAULWE

MANDELA AISYE SYONEKAA ITATONYEKA KUVIKA SYEEKWA

NDUKAULWE

ETHIOVIA YAASYA MUNDU NUVOAA AUMWA NI NZOKA NZIU

NDUKAULWE

MUNDU NDAVOAA AUMWA NI NZOKA NZAU

THUUA UMUNDU WATENE WA NYAE NYAE

UENDEEE KUNYIVA AVILIKA YONTHE

UKAUTETHASYA KUMINA MASAANYA

NDUKAULWE TWAI ASYIMI INDI

**SYIMAA KWINZA KUIMA KUITHYA KUUNDA KUTUA NA
KUTHUUA**

GCMM 2017-2019

5. MATHINA

MWALI WA NDINGITALI NDUNDUU

WIMBIA

WIWA NDINGITALI

WIMBIA

UNENAA NA IIKA YOKA SIMUNI

WIMBIA

USOMA A SIMU YOKA

WIMBIA

WENDEEAWA NO UNDU IIKA YIKWASYA SIMUNI

WULITWE KANA VE ASYAI ?

WULITWE KANA VE MUSYI ?

WULITWE KANA VE NDUU ?

WULITWE KANA SYONTHE SYI ATUMIA AKA NA AUME ?

MUNDU NDATAKA A MUAMBANI

MUNDU TI IVIA

MUNDU TI KASUKU

MUNDU TI UKIITI UMWE

KWETINA KUIKUSAA ONA TI KWETINA

IIKA YIINGANASYA USI

**AKUU MESYINDU MESI SYAUKUUNAA
UTUNDUU WAKU NIWA KWIWIAWA TEI**

**UISISYA SIMU KILA IVINDA
WIKIMWA NI MATATU UIKILA NZIA
INGI WIKIMWA NI MITOKAA
INGI WIKIMWA NI MOTA**

**II TISYO NTHUKU SYOKA
SIMU ITAUMA KUTU NA METHONI NIKUMILAA
IVIVASYA WONGO NA WONI
IKWAIASYA TOO**

SIMU

YANANGAA KUTWEKANISYA UMANYI

SIMU

YANANGAA NDUU

SIMU

YANANGAA KUNEENANYA NA NGOVE METHO NA MUUKE

SIMU

YANANGAA KWISILYA UKATWIKI KASUKU KA UWASOMA

NDAKITALI

SYIASYA SYONGO SYA NDIINGITALI NIUVYA NA KWOA

NDAKITALI

SYIASYA KUELEWA UNDU NTHI IILYE NIKUKWAA

NDAKITALI

**SYIASYA KULWA NI NGEWA NIKUINGIVIIA
NDAKITALI**

SYIASYA KWONA NIKUUOLEKA

**VAIMUNDU UKWASYA NDUKATUMIE SIMU
KUSIASYA SIMU SAA SYONTHE NIKUMA ANDUNI
NIKWITILA**

KUMA TOONI

NIKWITILA

KUMA KILIKONI KIUU

NIKWITILA

KUMA MESILYANI

NIKWITILA

KUMA KUVANGANI

NIKWITILA

KUMA KUEANI

NIKWITILA

KUMA KUEWANI

SISYAI TWANA TWA NDINGILALI

SISYAI TUIKIA ANDU

SISYAI TUILYE NTHI TA IKUU

SISYAI NDINGITALI IYUAA ESUKUUA

GCMM2013

MWALI WA MAWITHYULULUKO

ILOVOTO NI NGESA NDUVU

**YAKIMA NTHI NIYITHESAA VALA VATEVAVWIKE NGUA
KIYATHESA NI WASYO KWITU KWANTHI NA KWANDUNIA
KITHESI KII KITUVU KYOOMBANA NI NGESA NENE MBUI
MUNO**

**KITHESI KII KINENE KIKUAA NYEKI LIU MUVANDE ONA
MITI**

**NO KIKUAA NGUKU MBATA MBUI MALONDU NGOMBE NA
NGAMILE**

NO KIKUAA NYAMU SYA KITHEKANI NA UKANGANI

NO KIKUAA NYUMBA NDUKA NGOLOVA NA IIMA

KIWU NO MALOVOTO MAINGI

NIKISEO

INDI NIKYENDAA KWISUVWA

NO KYENDAA KUSESENGWA

NO KYENDAA KUTHEMBEWA

NOKYENDAA KUYOYEWA

**KATHAMBI NA MAKE NIMEEESI II
TWOOLILWE NI UMANYI WOO NIKI?**

**NIMEESI NTHONGONI VATIAWA KITHEKA KITATEMAWA
NIMEESI**

KUVOYEAA MBUA VO

NIMEESI

KUTHEMBEA MBUA VO IINGI IITHEMBEWA KUNGI

NIMEESI

KUEKEAA KIMWE KIVITAE KINENGELEELWE AMETHEO

NIKUVYU NA NIKUUVYUVIIA

**KWOOU KITHESI KII KYUI MUNO KIENDA KUSESENGAWA
KUSESENGWA NUNDU KYAAA NA KYAVUKWA KINYIVYA
THAYU**

KUSESENGWA TWIKALAE THAYU - TWALEA TWIMINE

KITUMI

ATAALAMU MAITU NIMESI KI KENYA NDI KIWU KIANIU

KITUMI

TWASYAIE TWAUSUSYA KWONTHE

KITUMI

TWATEMIE KWONTHE

KITUMI

TWAIMIE NA TWAITHYA KWONTHE

KITUMI

NITWAVIVISYE MAKAA TWEEKUA

KITUMI

NITWENZIE MATW IKU TWEEKUA

KITUMI

NITWAVUVIE MIMBA NA INDO NDAWA SUMU TWEEKUA

KITUMI

**MAI NA MAUMAO MAMATAUNI TWEKISYE MAUSINI
TWEEKUA**

KITUMI

NOKWO TWEKISYE MBUKU SYA MASIVITALI TWEEKUA

KITUMI

TWEKISYE SYA IWANDA MBUKU MAUSINI TWEEKUA

KITUMI

TWEKISYE MIUKE YA NGONGOO MBUKU NZEVENI TWEEKUA

KITUMI

**TWENDA THAYU TUMINE NGEA NA TUIVITHA KIWU
SUA**

KYAMBEE

NI KUMBANISYA KIWU KYA NYUMBA SYONTHE MATANGINI

KYAKELI

**NI KWINZA MBENZI NZA MIUNDANI NA ITHEKANI MAVAA
ONTHE**

KYAKATATU

**NI KUVANDA NYEKI MALAA NA MITI MII NA MATU
MAITE NGEA**

KYAKANA

**NI KUVANDANISYA MALIU NA NDAMBA IVWIKIE MIUNDA
NA KIMEU**

KYAKATANO

NI KULINDA MATWIKU KWONTHE

KYA THANTHATU

NI KUTHAM A IIMANI-TUI NGULI

KYAMUONZA

NI INDO ITUUNI TUTUVYE TUKESA TWA TUVUNGU

II MIONZA MISEO IKATUVYA NGEA II ITENGUI

**TUKAVITHAA KIWU MATANGINI NA MUTHANGANI SUA
YIITUYIAA**

TWEEKA UU NTHONGO IKASYUKA

TUKAOLA KUSEMBASEMBA TUIMANTHA KIWU

TUKAOLA KUMIWA NI MIUNDA NA ITHEKA

**ATALAMU NIMESI KI MBEZI MAVAA ONTHE NITUVASYA
NGESA**

MIUNDA NA ITHEKA SYI MBENZI NIETAA NTHONGO

**MIUNDA NA ITHEKA SYI MBENZI NISYIANASYA LIU NA
UITHYO**

**MIUNDA NA ITHEKA SYI MBENZI NITHENGEEASYA KIWU
NDUANI**

**INDI NOMUVAKA TUOLE USYAI TUYENDA NA TUTEENDA
AA UMAA MAI ANINI**

KWAI KWA KUTUA KUTEMA KUITHYA NA KUSYIMA

**WAMASYAITHYA NA KUMASYAA WIMUTHEI WATHI
NDWIIVIKAWA ?**

**NOWISI KITHEKA KYATHEA KII UITHYO ONA NGU
NOMUVAKA TUME KUUA NA SYUKI IVINGIE
WAUA NAYO KANZA YA KITHOI YI NZIANI
MIUILE MITHEU YA TUIKO TWA NGU NINI NITWAVUMBUIE
- TUATIIE**

**NOMUVAKA SILIKALI IVINGIE NDAWA MBUKU SYA MIMEA
NA INDO**

**TUETEAWA NI NDOKWE TWANYUVIE IMBUKU SYAVINGIWE
KUNGI**

**TUETEAWA NOMO NA AMOO VETULO NA NGONGOO
MBUKU**

UINYUVA ATONGOI LILIKANAA II NOIMATUMA MAKAVINGIE

NDAMBA NAINGI

IVWIKAA MIUNDA SUA YIIKOYE KIMEU

NDAMBA NAINGI

NO SYIKIIA MBOLEA LIU WIANE

NDAMBA NAINGI

NO SYIKIAA KITHEKA MBOLEA UITHYO WINGIVE

AA UMAA NOMEESI II-TWOLILWE NIKI?

**NOMUVAKA TUVINGE SUMU SYA MASIVITALI NA NDAWA
MAUSINI**

VE WOO AMESI MAISYIKYA ITUUWAASYE

KAAMIAA ISIVITALI NA NDUKA IEKE UTWIKISYA MAUWAU

KULASYA ATONGOI NIKI MEITIKILA TUNENGAWA MAUWAU

**SUMU SYA MAI NA MAUMAO MA MATAUNI IYIVITHAA
WAMANYUNGIA KANA KUMONA MATHANAE MAVETWE
MITUKI**

**NIMATUWAASYA MITUKI INDI MATHAMBWA ME MBOLEA
WAMITHIA UAA UTENA KITHIKII - NIMASEO KWI VATALISA**

**ETHWA WISI SUMU SYA IWANDA NI SYA ILOVI YOKA
WIMUTUNDUU**

**NGELESU IVETULO NA ITHIII SYA KAAWA NISYI KIAA
SUMU**

**WAAKA UUNGU WA ITUI SYA SITIMA WIO SUMUNI
SUVAA NOITAVYA AAKIVUTHA MAUVETE ISYAINI II SYA
SUMU**

**SUMU WA NGONGOO NIWO UUTUMINA MBEE WA IINGI
VETULO WITU WI SUMU - TUETEAWA UTE MWAIKE
TUUAA MITUMBA NATUYUMYA IKITHAMBASYA NZEVE
WI MUSUMBI TAVASYA NDONGOI IVINGIE NGONGOO
MBUKU**

**VAI NGANZA UMUNDU NA UTHEMBI NISYATUSUVIAA
NISYASUVIAA MAWITYULULUKO MA MISYI NDUWA NA NTHI
TUKAVITA TWALILIKANA TWASOMETHANYA NA TWAATIIA II
INDI NDUKAVANGAE KUVINDUA NDUNIA UTEVINDUITE
NYALITAA UTHEUNI UKAMANTHAA KASAMU KATHEU
NYALITAA UTHEUNI WUMBE MUSYI MUTHEU**

**NYALITAA UTHEUNI UINYUVA NDONGOI NTHEU
WASUVIA MAWITHYULULUKO UKEETAWA WAENDIE
GCMM 2017-2019**

MWALI WA MUTWE MUTHEI

MUTWE

UTE MESYILYA MA MUSYI ?

MUTWE

UTE MESYILYA MA NDUU ?

MUTWE

UTE MESILYA MA KIVALO NA NTHI ?

NDWI MUNDU UTEUOTEA NDATA II

AI MUTWE VATE

MUVANGO WA UNI NA AUKE

AI MUTWE VATE

KUMANTHA KAKUKU KOWAIWA KANA

AI MUTWE VATE

WONI WA NDATA

NDWI MUNDU UTEUOTEA NDATA II

LILIKANA A UNI USYAAWA NI UMUNTHI

UTHEU

NI SYONTHE ITWILINGILITE

UTHEU

NI ANDU MAKOMANAA

NDWI MUNDU UTEUOTEA NDATA II

UTHEU

NI TEI

UTHEU

NI KWIKAA WO

UTHEU

NI KWISILILASYA MUSYI NDUWA KIVALO NA NTHI

NDWI MUNDU UTEUOTEA NDATA II

KWITHWA NA UNI NI KUMBA

KWAA NGUMBAU KUI MATHIMBIIO

NUOTEAA NDATA ?

NDWI MUNDU UTEUOTEA NDATA II

MUNDU NDASUNGAA EWEKA

ASUNGAA NANDU

**AOLAWA UTUNDUU NA IVOU ANENGWA INEE NA TEI
NANDU**

NDWI MUNDU UTEUOTEA NDATA II

WAKUA UKEELAWA MBWAA NAINGI NUU ?

WATHI UKAA TA MUSYI UATHITE MBITI ?

TYO WISUVIE ?

GCMM 2011

MWALI WA NZIA YA UKENGAWA

**USUE WA NAU ESILE KALUNGU KA NZIA II IKWIKIWA
LAMI YU**

**AKIITYE WAKE NA MA IINGI YUA NDULU NA NTHUNGU
IKUTHA**

**NIYA KIVWESI KITUI THAAKA MELU ISIOLO MASAMBITI
NA ETHIOVIA**

**YOOLOTIWE MUVANGONI WA UKUMU MUONZA NA
MUONZA NIVO**

KIELEELO KYA MBEE KYAI

KUKUVIVYA KUI ETHIOVIA WUMITE USUENI

KINGI KYAI

KUMANENGA KILINDI

KINGI KYAI

KWONGELA VIASALA KATI WOO NAITU

KINGI KYAI

KWONGELA MAENDEEYO KU YISILE

**YATHIMIWE NI INZINEA MUKAMBA NA MBESA SYAUMWA
NZA**

SYOOKA MUONZA NA NYANYA IYAAVIKA NZIANI

SYAKOMOEWE KULA MBUI IKOMEAA LAMI

SYA KELI SYATWAIWE OKU MBUI SYAINGIVIIA

SYAKATATU SYATWAIWE UTHONINI KUIMAWA KYAI

**SYAKANA KUVIKA ITATU NA NYANYA ITAMBAIKIIAA
UNYUVANINI**

ITUMI SYA NZIA UKWAMA NISYIVA ?

MBEE

ATETI MAITU MAYAATIA

KELI

TUYAAMIKULIILYA KI ANDU

KATATU

AMWE TUISAA IMBESA TUYITYA NA TUYITWA KULA

KANA

TUYAA KWATIANIA NA ATUI KUVIKA ETHIOVIA

KATANO

**ATETI MA MASAKU NA MAKUENI MAASYAA NDIUKWATI
KWOO**

THANTHATU

**ATETI MA KITUI MAASYAA YATHIKA NIVYU - NO MALEAA
YA MASAKU**

MUONZA

ATETI MA THAAKA MAYAAKULILYA

NYANYA

**ATETI MA MELU ISIOLO NA MASAMBITI MASUKUMAA YA
NYELI**

KENDA

TUIKIAA UMANYI WA ATAALAMU MAITU MATUTAVYA

INAMBIWE MITUKI YA ISIOLO KUVIKA MOYALE YATHELILE

**TWIIWA KUMA THIKA KUI ISIOLO NIKUIKIWA YA MIVIA
INA**

**II YA INYA YI IIMA- MALOLI NIMAKAMITONYA -NO NGU
MUSYI ?**

**YA KIVWESI KITWII NA ISIOLO NDI IIMA -TIYO YAILWE
NINYA ?**

**MATHENYA MOKWATI YESAA KULINDA IVITITE MAKALINDWA
NIKYAU ?**

MAKALINDIKA INDII ?

TWANYUVIE NIMESI II ?

TWIO KINDUNI ?

GCOMM2017-2019

MWALI WA MALAA MATUNE SUMU

**USI UU WA MALAA MATUNE TUATIANIE NIWAMUTHEMBA
MWAU ?**

**MALAA AA MAVITHITE MITULILU YA NGONGOO SYI NZEVE
MBUKU**

**MALAA AA NI NDULU YITAWA KAYENI NTHUKU KWI
MBULETI**

MAITISA MEOSYA METHO

MAITISA MEOSYA MANYUU

MAITISA MEOSYA ISYAI

MAITISA MEOSYA MII

MAITISA MEOSYA NYEKI

MAITISA MEOSYA MITI

MAITISA MEOSYA INDO

MAITISA MEOSYA NYAMU

MAITISA MEOSYA MUTHANGA

NDUKAKULYE KULA INGA IKUMA

MAITU MATUETEAA MAUTA MAVUKU

MATUETEAA NGONGOO MITUMBA ITATEEKA KUNGI

GCMM2009-2019

MWALI WA MAKAA MAVIA NA VETULO

NIWISI

KWITU KWI MAKAA MAVIA MOTANA NA VETULO

NIWISI

SYOOMBIWE NTHI YI NZIU

NIWISI

NIMA ENE NA SILIKALI KI KATIVA YU

NIWISI

ANGI MEASYA NIMO MAMA NTHIE

ATUMIA MWAIVA NA MWIVA ? KO MWAUIWE ?

ATUMIA MUYATAVIWE NIKWINZAWA MALI ?

ATUMIA

**MUYATAVIWE ANDU MAKATHAMWA ? MUYATAVIWE ITHEKA
IKOOSWA ?**

NGEWA SYA MALI II SYI MUKULULYA

**MAKAANI MA MWAKI VENZIWE NDOVOI IKUMI NA
MUONZA**

SYAUNGAMIWE NI INZINIA MUKAMBA

**ENDA INENGWE ANDU MUSIMAWEA WAVO AMUKULILYE
WATAVIWE UVOO WA MAKAA NA KIWU NUU!**

MAVIA MOTANA MOYAWA NANGI

ONAVALA AMWE MAITU NI ATI MAMO

TWAEMIWE NI KUUNGAMIA MALI II YANTHI NIKI?

WIKULYA MA MUNUKA MUTHEI WI NGOTO

GCMM2011

MWALI WA MUNYA MANZI

**MUSANDUKU MWEU NUNAETIWE NI MBULU SYA AVILIKA
YETHEO**

**WAVINGIWE NI MANDELA NUNDU NI MUNWYA MANZI
MUVUKU**

WAVINGIWE NUNDU WA KUAA MUTHANGA VYU

MITHEMBA YONTHE YA MISANDUKU YAUMIE AUSITWELIA

**ILA YAETIWE TENE MUKULATA SALINGINA NA MUTANDI
NO YAKU**

MITUKI VE WAKUMU TUNAUMISYE OKU

**UU WA MBULILI NIMUVULANYE NA WENDAA MBUA
MBINGI**

**MUSANDUKU UU TI UMWE AAUMAU MEESI ITOAA
MUTHANGA**

**MATHAI AISYE ONAYO TUIKAMIVANDAE USINI NA
NTHONGONI**

NDAALEA TUIVANDA KUNGI

**WESILA MBAIVASI YA WUMILONI ILOVI UKOONA UU
MIVULANYE**

IVANDITWE ITHEKA NENE ONA NINI

NUNDU NI MINYWA MANZI YIKALAA UVOOETE

ILA YI IVIANI YUMAA IKATIA TUTU OTA TUTATU

YAETWE YAVUVIWE MUNO NI ATAALAMU MA MITITU

TWEEAWA IKEANISYA ITUI SYA SITIMA MBUA THANTHATU

TWEEAWA KWIANA IKASINDA MISANDUKU MIKUU KUU

NIKI SYA ATAALAMU MBULILI TUTESI IKWITIKILWA ?

NIKI ATWA SOMETHISYE MATEUTUSUVIA MATHINA ?

NIKI TULITWE NI MATHENGE

NIKI KILUMI KYAKAYA TUUSUNG A TUTESI KIKUNIWA KI ?

GCMM2015

MWALI WA MBOLOSYA NA NGUNGUU

WIKITAMBAASYE WONAA NGUNGUU NA MBOLOSYA MBINGI

**TUTOLOKA TUKOSO TUSEVELA TULUI TUKOMAKOMI TWI
MUO**

TWISAA KWONEKA TA IMWE

**NGUNGUU NA MBOLOSYA SYONEKAA KILA MUTHENYA
IYONEKAA KWONTHE
SYONEKAA MUNOMUNO KU MITI YITAA THAAVU NZIANI
YA WIYATHI**

SYI MUVANGO

**NGUNGUU IULUKAA ITHEO WA MBOLOSYA
WINUKITE UKAMBA NGUNGUU KWAKA NA MBOLOSYA
KWAUME**

**KITHIONI NGUNGUU IYAI NGUMA TA MBOLOSYA
KOSYISI U?**

KOIELEAWA NI MUVANGO WA UKOLONI ?

**KITAMBAASYE AIU MEETHIAWA KWAKA UKOLONINI
KITAMBAASYE MBULU SYEETHWAA KWAUME
KITAMBAASYE AINDI MEETHIAWA KATI**

**KWOSUMBI NA MALI NIKWAUME KUMA KWISUMBIKANI
KWOKYA NA MATHINA NIKWAKA KUMA KWISUMBIKANI
KWA KATI NO KATIKATI ONAYU**

**MBOLOSYA ILELAA IKATHENGEEA KWA MUUNGAMII
ILELAA IULU WA AMEMALI MBINGI NA MANYUMBA
MANENE
ILELAA KU TAITU TUIVOYA TWIKIWE TUINDO
UUNGAMIINI ?**

**NGUNGUU ILELAA IKAKILA KWAINDI IENDETE KWA
MAVIVA**

KWAINDI KUVITAWA KATIKATI

ILELAA TAITU TUKAKOLANYE TUINDO ?

MAU MAU MAI KWAKA MAKANGAANI NA TUSUKUUNI

**TWENZILILE KIMANTHI NDONGOI YA MAU MAU MASOMETE
KATIKATI**

WIYATHI WAATIIE KULA NA UUNGAMII WA MASOMETE

**TUYAAINZILA MATHENGE KAVYU ITINA NA KIMBO
MATASOMETE**

MATULILE OUNDU TWOOLILWE NAMAYU MATAASOMA

WATHANI NI MATAASOMA MAIKAA

**MOKITE MAIKEKYA MANGUA WEETIE MALULU MA
KINYAATA**

MAKAMAETE UUNGAMIINI MWEU WISUVIAA ONTHE

**MAKENZILWA KWAUME MEANISYE SYOKITIAWA NI MAU
MAU**

GCMM2014-2019

MWALI WA UKOMBO WA SYINDU

**ANDU MATENE NIMEESI KWIKALA MATENA SYINDU
MBINGI**

NIMEESEUVIASYA SYA VATA

**MUSYI WAINA NDAVU NTHII NTHUNGI UTA NZELE NA
NGUSU**

MUSYI WAINA IKUU NDANDIKO NA MBISU

MUSYI WAINA SYA UTANA NINI

**MAMUSYI NA MANDUA NIMESEUVIASYA SYA USULUSWA -TA
IVAI**

KUSULUSYA MBAINI INGI NIKWAETAA SYAKWO

SYINDU TA MUNYU YUMBA NDAWA NISYAUMAWA KWO

SYINDU SYAMBIIE KWINGIVA AKOLONI MOOKA

KANYIKI MASOA MASOO TUVYU IVANGA SYOOKIE NASU

INGI MAETIE NI TUSAANI TWIKO TUVAKULI TUVILIKA

NOMAETIE TULAMU TUVUKU TUSOKAA

TUVULA TUSATI TUSULWALI NO TWAATIIE

**MITHEMBA MINGI YAINGIVA NISYAETIE WENDI ITOMO NA
KIUUYU**

AMATAINASYO NIMAMBIIE KWIWIA AMAINASYO KIWIU

AMAINASYO NAMO NIMAMBIIE KUVUTHYA AMATAI NASYO

NGIANA AMATEEKIAA SATI NA KINASA MEEVWIKAA IVULA

**MEVULA MAUA KINASA AANGI MAMBATYA KILASI NA
MIVUUTO**

MEVULA NA LINGI MAUA MIVUUTO ASOMI MAUA MIKALYA
MA LINGI MEEKIA MIKALYA ASOMI MAUA LAVA
MAMIKALYA MEEKIA LAVA ASOMI MEEKIA NGOSI
MAMIKALYA MEEKIA NGOSI ASOMI MAUA ISULULU
MAATIISYA NA ISULULU ASOMI MAUA NDINGO
MAUA NDINGO ASOMI MASOMETHYA KUVIKA SUKULU WA
KELI

MATASOMETHETYE NIMAVUTHAWA

NGIANANGA MATEEKIAA TAI NIMAVUTHITWE

MATAAKITE NA MAVALI MAVIVYE NEVATI NIMAVUTHITWE

INDI ONTHE MAYAELEAWA MASINDANIAA SYEENE VATHEI

MASINDANAA KUTWIKA KOVI YA SYA MUKOLONI

KWINGI AVILIKA SYA KITHIO NOITUMIAWA ONAYU

KWASYA UU TIKAWASYA TULUMAE OSYO SYISYOKA

NIKWASYA NITWAVITISYE TWAKWATWA NUKOMBO WA
SYINDU

NIKWASYA TWAVUTHIANASYA SYINDU

TUENDEEE KUVUTHANISYA OSYO

SISYA TUISEANIA SIMU NGUU

SISYA TUISEANIA MIKALYA

SISYA TUISEANIA KINASA

SISYA TUISEANIA YA MAVALI METHI

SISYA TUYAKA MAYUMBA MALIKA IANA SYANA SYAULUKIE

SISYA TUYUYA TUUE SYINDU

ITHYONTHE TWI ASUMBIKE NI ITOMO YA SYINDU

MEIKA MEUYA MAUE ITANDA MANOONIE KWA ANGI
TUSEE TWIUYA TUUE MUTOKAA TUNOONIE NA SYANA
SYATWO

IVETI NA EITU MELEA UTWAE WEIKA MOONA SIVONZA
MUKUU

TUMWANA TWITIA UTWAE TWAUIWA NGALI NAA USUE
SIVONZA

TUSEE TWITIA MISYI SIVONZA ESUKUUE MATUUIA NYUMBA
TWANA TUTE INA TWIIA TUKANGATHUKA TUUIWE SIMU
TWIUYA TWIKUTHIIE NGITI MBYU NA MAYA ANGI
MEUTUWASYA

OUNDU TUSEMBANITYE NASYINDU

NOWO TUENDEEEE KUVUTHYA AMATENASYO

NOWO IENDEEE NA KUTWONGELAA KIUUYU NA NDUUKA

NOWO IENDEEE KUTWIA TUYE TWIKUTHIIE MAYA

NOWO IENDEEE KUTWIA TUVALAANYE MIKALILE YA
UMUNDU

SYINDU NISYEEVIVISYE MESILYANI NA MAVEVANI MAITU

NAINDI IITAVASYA ILIKO NA MATHAYU UNDU KUIKWA

SYINDU IIKUSAA TA ANDU NISYONGELEK AA

ITOMO YASYO YII MUO MATUKUNI

AI WIKULYA KU NDUUKA UNGEI NA UNGEANI IKUMA ?

AI WIKULYA UVALAANU WAMISYI WIUMA NAKU ?

AI WIKULYA UVALAANU WA MAIKA WIUMA NAKU ?

AI WIKULYA MISYI NDUU NA IVALO SYAKWIE NIKI ?

AI WIKULYA TWIUYA MITIANI NIKI ?

**AI WIKULYA TWIATUKA NGOO SIVITALINI NIKI ?
SYINDU ITUSUMBIKITE SYISILE ITOMONI NIUTUMINA
GCMM 2018-2019**

MWALI WA KUNGETHYA

WASYAWA WI KANA KAKA KANA KAUME

WEANANGA WI MWIITU KANA MWANAKE

MWATWAANA WI KIVETI KANA MUNDUUME

WAKUANGA UTWIKAA MUTUMIA KIVETI KANA MUNDUUME

WASYAWA

WIANAA UTHUKUMAE

WASYAWA

WIANAA UEAE

WASYAWA

WIANAA UUNGAMIAE

WASYAWA

WIANAA UTONGOEASYE

**TWAAIE TWOOLWA
NI UTONGOI WA MUSYI
TWAAIE TWOOLWA
NI UTONGOI WA NDUA
TWAAIE TWOOLWA
NI UTONGOI WA KISUKA
TWAAIE TWOOLWA
NI UTONGOI WA NTHI**

**TWOOLILWE
UNDU ATONGOI MANYUVAWA
TWOLILWE
NI KUSUVA MISYI YOO
TWOOLILWE
NI KUSUVA WANA UMUIKA NA UTUMIA WOO
TWOLILWE
NI KUSUVA UNDU MAEAA**

**TWOLIWE
NI KUSUVA UTONGOI WOO NDUANI
TWOLILWE
NI KUSUVA IVETI NA SYANA SYOO
TWOLILWE
NI KUSUVA NDAIA ILA MANENGAA SYANA
TWOOLIWE
NI KUSUVA NDAIA ILA MANENGAA AIMA**

TWOOLIWE

UTONGOI NI UTHUKUMI

TWOOLILWE

UTONGOI NI KUTHUKUMIA MUSYI KUVIKIA NTHI

TWOOLILWE

NUNDU NITWAVITISYE KITHIO KYA KUNYUVA

TWOOLILWE

TWEETIKILA UTONGOI WA KUTUMIWA NI NDONGOI

TWEETIKILILE

ATONGOI MOYAE

TWEETIKILILE

KUYA KI ANDU

TWEETIKILILE

KUONGANA NA KUONGWA

TWEETIKILILE

KUTUMIWA TA NDAMI NA MITHITA

TWEETIKILILE

TUTHUKUMAE NA AIMU NA INGEI

TWEETIKILILE

MATWIKALILAE

TWEETIKILILE

MATUTONGOEASYE

TWEETIKILILE

KUTWIKA TA MAIMU NA INGEI TUTHUKUMAA NASYO

WIKUA

USUNZUMELE NIKI ?

WIKUA

UTATETHYA WIA NIKI ?

WIKUA

UTASOMETHYA NIKI ?

WIKUA

UIVOYA NIKI ?

WIKUA

UTAUMYA LIU MUUNDANI NIKI ?

WIKUA

MUYONGANA NA MUKAU NIKI ?

WIKUA

WI MUTAVANYA UYONGA IKANISA NIKI ?

WIKUA

UTAUMYA MWISUKUU MUAMBU NIKI ?

TUKAUMILA

TWA THUKUMA

TUKAUMILA

TWEETAIA

TUKAUMILA

TWEENENGA MBOOVO

TUKAUMILA

TWAUNGAMIA MISYI

TUKAUMILA

TWAEA SYANA NA ULUNGALU

TUKAUMILA

TWAEA NDUA

TUKAUMILA

TWAEA MBAI

TUKAUMILA

TWAEA KENYA AVILIKA NA NDUNIA

TUKAUMILA

TWAELEWA NI KITHIO KIYU KIUNI NA KIAUKE

TUKAUMILA

TWEEVOTOA TWISINDE NGOONI

TUKAUMILA

TWAKWATANA KENYA YONTHE

TUKAUMILA

TWAEKA KWIYENDA KIMBAI

TUIKAUMILA TWI MIOTE YA ANDU

TUIKAUMILA TWI MISYI ITE MUVANGO

TUIKAUMILA TWI NDUA NA NTHI ITE MUUO

TUIKAUMILA TWI MBAI NA NTHI YA KUYOYA

TUIKAUMILA TUIVANDIA AANGI MUNOTI

TUIKAUMILA TWI MANGALANGALA

TUIKAUMILA TUTEITEEYA YUUTIA YITU

TUIKAUMILA TULEKELELYE SUKULU SYA ITHEO KATI NA IULU

TUIKAUMILA NZAWA IITHAUKA NA WIA

TUIKAUMILA

TWI MALELA, ATHAISU, AKILUNGU, AKIVAUNI NA NGULATUTE AKENYA

NDUKAMAKE KETHI AKETWA SYOKIMAU KENYA VE THINA MWAU ?

KUELEWA NI MUSUO NI KWIANANA

ILIKO TWANENGIWE MANA NI NENE NO TUULUKAE

TUMITE AVILIKA YI NGOO YIANA MOKANGA

KWOOU TUMBULE TUOTEE YU- UNI - AUKE NA ISYIMBEE MUNO

GCMM2014-2019

MWALI WA KUEA KUVUKU

TUYISI WUMO WAKU KINTHINI

TUYISI UEI NA WIANI WAKU

TUYISI UEI WA AMAKU

TUNEENGOKISYE VAI UKYA UIEWA

TUNEENGOKISYE UEETE NA KIUUYU KYA UKWATI

TUIUIKIIA KANA WAASOMETHWA KITHIO

TUNEENGOKISYE WASOMIE VANINI KIYU

TUYISI WAMBIIE KUTHUKUMA INDII VA NA KYAU

**TUNEENGOKISYE ASULUSYA MAMAKANZETI TI ASOMU
MUNO**

NITWISI NIWASOMETHISYE KELITU KIYU UKATUMIAE

**NOTUNEENGOKISYE NIWAENDIE KUTHUUA UTHUE
TUNEENGOKISYE NDWOONAA UKATHUIA KUU KWITU
WOONIE UKWATI WI KWEENE TA AINGI MAITU
WAENDIE KU UMAA WASYIMAA
WEEWIE KWI THAAVU NA VETHA KWIOKAU**

**WAENDIE KUSULUSYA MAKANZETI MAKUU
KWOO KUYAI
KWI KAU MUKAMU MAKANZETI MAIANDIKAWA
MAKUU ME NGUMA NGALIKONI
OUNDU KUU KWAKU NAITU KWINGUMA NGALIKONI**

**TUYISI WATEE MAKANZETI NA KASULULU MYAKA YIANA
TUYISI KANA MAUETEAA MATIALYO KANA NGATHI
TUNEENGOKISYE NITAVATAI NGATHI
TUNENGOKISYE UU TWAMANYA WAMBIIE IKANISA KWO
MATUKUNI MAKANISA MENA UMANTHI LAISI WOKOLA**

**KWENDA UTHWII KWAKU KWAKWIKIIE MBOLONGO
UKWATI IKANISANI KWI LAISI KWI KUSULUSYA MAKANZETI
MAKANISA MAKU MAINGIVIWE NI VINYA WA MALOMO
MALOMO ENDA IWOoya SYUMAALAWE AUVAKUA**

MALOMO AI NGOMO MBAINI NENE KU
NIWAUAA ANENE NA IVALANGA SYOO
AUIIE MUUNGAMII KIVETI NA NGOMBE MAANA ATATU
NIWAMUKULILYE AVINGE MAKANISA AANGI MAKU
MAINGIVIIE KWAKE
NAINDI AUVOTYA KUMAALASYA NUNDU KUI KYA MANA

WASOMETHISYE KELITU NA SYAMAKANISA MOKOLA
KAMINA WAKETA KUWAI KAUTETHEEASYE UMANTHI
MWEKIA NDUKA
KAMBIIYA KUTA SYA UTANA
KAMESYA MALI UTATALITHASYA MITUKI

MALI YAINGIVA WAMBIIA KUMAALYA MAKANISA
MAKANISA MAMANYIKA MUNO KUMOO MASEMBEIE
MAKIITE KAU WA MALOMO NANGI KWOO
NDAUIAA MUUNGAMII KIVETI MANA
AVANGITE KWOSA UUNGAMII INDI NIWAUMIWE NZEVE
MUUNGAMII AMANYA ISU ATUMIE MBELETI EKIIE MALOMO
KASUMU

ATANAVINYA ASEMBA KUU AITWE NA MALI
IWAUMAALITYE

EMUWAW MBELETI AUMYA KAKU KAWILANI KAKU NAKO
KATHIKWA OVISINI KWAKE
KANENEVWA KAMBIIA KUVAMBA A NYUMBA SYA SILIKALI

TUNENGOKISYE KATATAWA KAIKIIFIKE KAUMAALASYE SYAKE
AINGI MATHENGEE MUUNGAMII NIMAUMAALASYA

**MBELETI NIWAVINGIWE KUTWAAA MELEKA KUWASOMEIE
ENDAA MUKUI WA NGUSU WAUETAA KUU NA UALAVUNI
TUNEENGOKISYE MBELETI NDAKUIKIIAA NUNDU NZUI
NIISANAA**

**MAKANISA NIMAUMAALASYA MALI YA MALOMO KWINGI
MASUSYA NZUMA MA KUWAI NIMATAVISYE MAKUU NA
NGALIKO
WETIKILILE KELITU KAKUNAE ISU KATHUIIE
KATWONISYE MALI YAKO MBINGI KWI MISYI YAITU MINGI
KAMBIYA KWIWIAWA KIWU NI AMASOMAA IMWE**

TIISU SYOKA

**KANAENDAA KU ANENE NA INGEI MATWAAWA NI NGUSU
KUITAVA**

**KANAUANIAA LIU NZOVI MASUNGA MATONYA NA
MAVUTYA**

**KAYEESI MBELETI AI MUVUNDISYE KUATIIAA KWAWO
MELEKA**

TUNEENGOKISYE NIKAATIIAWA KATESI NANGI NAKE

TUNENGOKISYE NO KAATIIAWA NI MAKUU

TUNEENGOKISYE KU MBELETI WASOMEIE NIMANAKAATIIA

TUNEENGOKISYE MANAMANTHAA KUTILA KUYA KWAKE

**TUNEENGOKISYE MAKWOO NOMAATIIAA MBEETI NA
MALOMO**

TUNEENGOKISYE II NUNDU NITWISI NZUI NIISANAA

**TUNEENGOKISYE MEIKA NIMEESI ITHOOI SYAKO SYAI
SYONGEI**

**KWASYA UU TIKWASYA MANAI ALUNGALU - NO ITOMO
MASYONA NIMANAILAMBASYA**

NIVATONYEKA NOMENDAA MALIKWE UKUINI

NIVATONYEKA MENDAA MAKAVENE UKUI MATHUE TAKO

**NIVATONYEKA NGUTHU SYEIKA NA ANENE MAKUU
NIMAKATISASYA**

NIVATONYEKA KOOKA NA NYINGI KWELI NO KWAAIWA

**TUNEENGOKISYE MBWAA SYAKO NISYATILILWE UNENENI
KUU**

KANGELEILWE NYUMBA KOVETWE TA MBUI

TUYISI KWAIVIWE NI MBELETI, MALOMO, MAKUU KANA MANZA

**TUYISI ATHINZI MATUMITWE NI MASUSYA NZUMA KANA
MEKANISA**

NIVATONYEKA ATHINZI MASUKUMITWE NI ITOMO YOO

**NOVATONYEKA MATHITWE KUMAALASYA NI MAKWO NA
MAKUU**

**MAMELEKA MALOMO MBELETI NA ANENE MAKUU MAIKAI
KOTINI**

**KWOOU TUIUTALITHYA KOTI IKATUVUANISYA
TUTANEEINGOKYA**

**NITWISI KUNGEWA KWAUMIE UEWANI NA UMANTHINI
MUVUKU**

ITHE NA INYA NIMELIWE ?

MAMUSYI NIMELIWE ?

MEIKA NIMELIWE ?

MAKENYA NITWEELIWE ?

KIESYA KIWIA NOTWAILE KWIKULYA IKANISA YETHE YAIVA

KIESYA KIWIA NOTWAILE KWIKULYA MUSYI WAIVA

KIESYA KIWIA NOTWAILE KWIKULYA NDUU YAIVA

KIESYA KIWIA NOTWAILE KWIKULYA NTHI YAITU YAIVA

**TI II SYANZA SYOKA TWA ILE KUELEWA - TWIONA
SYAKUU**

**MUNENE WAKUU ANAVENIE MWANAE KIVETI KYAI KITWAE
KUNGI**

**UMWANA AAIWE NI WEIKA UTEMUTWAE MATUMA NDUU
YOTWAE ?**

**ITHE NAKE ENDA KYAKELI AIWE NI WEIKA YAKE
MATUMA NDUU ?**

**MBINGO SYA NDUKAVOTYE KU MWANAU WESILE SYAENDIE
NAKU ?**

TIISU SYOKA

MUKAA MUNENE NOUKUWETWA

KWIIWA NIWALEAA KYAKELI

ALEAA KUI UENDO NIKI ?

**ETHWA NO MALI MIAO YA KIMANZA KYOTWAE NDIO
KATIVANI ?**

INYA WA KIVETI KYAI KITWAE EONA MITI

AINEENA ANOONEKAA TAOWENDAA MUNENE

NUKWATI KANA NIKYAU -NIKI UNAMONDAA MUUME ?

NIKYAU KYATUMIE ATENDA MAUTWAE ELI MAMBEE MA MWIITU ?

AEAA AKATHEMBA MWIITU WAKE AKWATE KIMANZA ?

UMWIITU ANAI NA MATHINA MAKE

VAI NGANZA EKISYE MAUTWAE MAMBEE NUNDU MAYAI MALI

KWIIWA MWANAA MUNENE AI NGASI YA UTAMBIYA ITHE

KWIIWA ANEETASYA MUNENE NYUMBA KITAMBAASYE KYAMAVU

KWIIWA KILA UNENDAA MUNO NI UITO WA SIVONZA MUNOU

NTHI NI SYANA SYAYO NUNDU UNI NIWOO

TUEETE ATA TUINGEETHYA SYANA SITU TA MBUI ?

TUKEETWA NAAU MAITUMANTHIA NA KIKWU ?

TUKEEAA MA KYUMBE ATA TWATHEMBA SYANA ?

GCMM 2019

MWALI WA MAVINDUKO

**MAVINDUKO MAIKIWA SIMUNI NZEVELANI KANA
IKIULU**

NDWIITHWA WIKALA TA KIKUU WAINYA

**NDWIITWHA UKWATYA SIMU NZEVELA NA IKIULU UUNIKIE
VO**

NDWIITHWA WIVITHA

NDWIITHWA WUMAALA UKWATYE NDOYO NA SIMU TU

**NDWIITHWA WUMAALA UKANYENYE KAMWE KAUYOYA NA
SIMU TU**

**NDWIITHWA UMANTHIWA ATE WIMANTHIE NA KILIKO
KYAKU**

**MAVINDUKO MAIKIWA SIMUNI NZEVELANI KANA
IKIULU**

MAVINDUKO MAIKIWA KOVI UATIIYAE SYA ANGI
MAVINDUKO TI IULU KWIKALAA TUSUNI- NOWE NA VAA
MAVINDUKO MAIKWONYA KINYAA KI KIU
MAVINDUKO MAIKWONYA MUSOLO WA KILAVU
MAVINDUKO MAIKWONYA ATONGOEWE NI KIVOI
MAVINDUKO MAIKUETEE NTHIA YA KAVYU ITINA NA
KATAKATA

**MAVINDUKO MAIKIWA SIMUNI NZEVELANI KANA
IKIULU**

MAVINDUKO MAIUETEE MBUI SYUMITWE KYAMAICO KANA
MUTHA

MAVINDUKO MAIETWE KIWANZANI KYA MUVILA NI MUTUA

MAVINDUKO MAIETE LINDONDE AYUAA MBULU NA MUVILA
MBOMU

MAVINDUKO MAIVAKA ILOMO SYAKU MAUTA SYOOMA

MAVINDUKO MAIMINA MALANGA MA UTUNDUU KILIKONI
KYAKU

MAVINDUKO MAIMOSYA NGYA SYAAMUKISYE ILIKO ITE
MALANGA

**MAVINDUKO MAIKIWA SIMUNI NZEVELANI KANA
IKIULU**

MAVINDUKO MAKAMOSYA MATAENDAA NA MAAU

MAVINDUKO MAKAMOSYA ME MAVU TA MAKUIITE

MAVINDUKO MAKAEETE VISA WAMO NA OYI SIMUNI

MAVINDUKO MAKAEETE VISA MASEMBETE MAVENA NTHI

**MAVINDUKO MAIVITHA SIMU SYOO MAIKAATIWE NI
SINGINOO**

**MAVINDUKO MAKAWETA AMASINDIE KUYA NA KUYA
KWONTHE**

**MAVINDUKO MAIKIWA SIMUNI NZEVELANI KANA
IKIULU**

**OMBAMA WAITU ATUVUNDIISYE TUIKAASYE TWI VAKUVI
NA MESA**

TUAMUKAE TUKITIAE KUKWATYA KIVILA MESANI

KISEO MBEE NIKUUNGAMIA MESA YA NTHI TWASYAIWE

NDWIITWA MESANI NI SIMU NZEVELA KANA IKIULU

UKEETWA NI KUTHUKUMA NA KUKITIAA WO WANTHI

**UKEETWA MESANI NI KILIKO MULUNGU WAUNEE
UTAIVIITE**

**MAVINDUKO MAIKIWA SIMUNI NZEVELANI KANA
IKIULU**

**VAYIITHIWA VISA WA MASUSYA NZUM A MANZA MAIATHA
NGUSU**

ISU IYONANAWA MUNDU ENGOKASYA EWEKA

**VAYIITHIWA VISA UIKWIIA NYUMBA KISESINI NA
MUUNDANI**

VAYIITHIWA VISA UIKWIIA LELINI

**VAYIITHIWA VISA UIKWIIA KYUUNI KYAYO KANA KYA
NDEKE**

**VAYIITHIWA VISA WA SYOKIMAU EKIITE NZAU NDUNE
NA NZIU**

**MAVINDUKO MAIKIWA SIMUNI NZEVELANI KANA
IKIULU**

**VAYIITHIWA VISA KIMBO EKIITE KITENGE AKUITWE NI
MASINDE**

**MUTHAINGA KALENGATA LUNDA LAVINGITONI IKEETHWA O
ITHEKA**

MUSOLO WAKWO NDWIITHWA WIA

NDUKASENGAA AAITHEAKE NA MAKUNGI MAINDUKITE KWO

**ISEMBA YOO YIKATWA LELU WA UNI WIKAVAA ILIKONI
SYONTHE**

MAKASENGAA MAVUTHASYA MENYAATIE KWONTHE

**MAVINDUKO MAIKIWA SIMUNI NZEVELANI KANA
IKIULU**

**ISEMBA YIKASUMBIKIA MISYI NDUWA KIVALO NA NTHI YA
ENE**

KUIITHWA MANZA MESYULITYE

KUIITHWA IVETI NAUME ITESI KUA

ONTHE MAKEKALAA NTHI MAVANGE

WATHI UKEETWA WA UNI

WATHI UKAINAWA NI ONTHE AAMUKU

**MAVINDUKO MAIKIWA SIMUNI NZEVELANI KANA
IKIULU**

**MAVINDUKO MAIUTAVYA SYA NZA - UKEENGOKASYA
NOYILEA**

MAVINDUKO MAIETE WASIWASI WA NDAA KITANDANI

MAVINDUKO MAIETE WASIWASI WA VETULO MOTANI

MAVINDUKO MAISEUVYA MUNUKA WA SUKALI

MAVINDUKO MAKENZIAA ONTHE MIVUKO YA UKWATI

MAVINDUKO MAKENZAA LEVO SYA UKWATI WA ONTHE

**MAVINDUKO MAIKIWA SIMUNI NZEVELANI KANA
IKIILU**

MAVINDUKO MAKAAKAA MESILYA MA ONTHE

MAVINDUKO MAKENZAA NZIA NZAU NDUVA SYAVANGA

**MAVINDUKO MAIKAUKUTIAA INYUNGAA KWAKU NDUANI NA
NTHINI**

MAVINDUKO MAIKAUMANTHIAA WIA

MAVINDUKO MAIKAUTHUKUMIAA

**MAVINDUKO MAITIKILA WONGAE ASYAI SYANA MBA I NA
NTHI**

**MAVINDUKO MAIKIWA SIMUNI NZEVELANI KANA
IKIILU**

MAVINDUKO MAITIKILA UMANGAMANGI ILIKONI

MAVINDUKO MAKAUNENGA VINYA WA KWINYAATIAA

MAKEETYA KWISILASYA WIWEKA UNDU UIKALA

UNDU UKUYA

UNDU UKUTINIKA

UNDU UKUIMA EKA KUKALAKALYA

MAVINDUKO MAIKIWA SIMUNI NZEVELANI KANA IKIILU

UNDU UKUITHYA USUVIE ITHEKA SYA MUTHANGA NA KILIKO

UNDU UUVUA SYUMA SYA WIA

UNDU UKUMIISYA MATHINA MA UANDIKWA

UNDU UUSOMETHWA NI MUSYI NDUWA KIVALO NTHI NA NDUNIA

UNDU UUSYAA NA UUSYAITHYA NA MUVANGO

UNDU UUKIKA MUSYI NDUWA KIVALO MBAI NA NTHI

MAVINDUKO MAIKIWA SIMUNI NZEVELANI KANA IKIILU

UNDU UUSOMETHYA WASYAIE KANA WASYAITHISYE

UNDU UUNGAMIA MUSYI

UNDU UIKALANYA NA ATUI

UNDU MA MUSYI NA UTUI MEIKALANYA NAKU

UNDU UIKALANYA NA KIVALO

UNDU WIWEKA UKWAKA NTHI NIMA KWAKU NA KILIKONI

MAVINDUKO MAIKIWA SIMUNI NZEVELANI KANA IKIILU

UNDU UKUEA MAUNI MAUKE NA MAMBEE KWAKU

UNDU UUTAMBIIYA NDUWA MWAKE NTHI
UNDU UUTAMBIIYA KIVALO MWAKE NTHI
UNDU UUTAMBIIYA MBAI IINGI MWAKE NTHI
UNDU UUTAMBIIYA NTHI IINGI MWAKE AVILIKA
UNDU AVILIKA IKUTAMBIIYA NTHI SYAYO YAKE NDUNIA

MAVINDUKO MAIKIWA SIMUNI NZEVELANI KANA IKIILU

MAVINDUKO METHAYU WOOAA MITWE MITHEI NDUNIANI
KILA UNI UKOOKAA NA VINYA WA MULUNGU MWEU
KILA UNI MULUNGU AKAETAA MESILYA MEU KWAKU NA NDUNIANI

KILA UNI AKAUNENGAE KYENI KWAKU NA NDUNIANI

KILA UNI UKALEAA KINEENE KYA MANA KWAKU KUVIKIA NDUNIANI

KILA UNI UKALENGELEELASYA AMAKU NA NDUNIA AUKE MUTHEU

MAVINDUKO MAIKIWA SIMUNI NZEVELANI KANA IKIILU

UKALEAA KUEMA KWIYIIKIIA

UKALEAA KUEMA KUIKIIA MUSYI NDUWA KIVALO NA NTHI

UKALEAA KUIKIIAA SYINDU

UKALEAA KUIKIIAA MALI

UKALEAA KUIKIIAA UKOMBO

UKALEAA KUIKIIAA USANGILI

UKALEAA KUIKIIA UTETI UTAKELETWE NANDU ONTHE KIWO

**MAVINDUKO MAIKIWA SIMUNI NZEVELANI KANA
IKIILU**

UKEETHWAA WE - AANGI MENA ENE

NDUKEVUAAE - AANGI NOMAKWETEELE

UTENA INGOI NOUE INGOI

MAVINDUKO NI NZOU ITOLAWA

MULUNGU E MUMO-NDWIWO NA TUIWO -ATEVO TUIVO

TUMUVOYAE WO TUENDA NA TUENDEA NTHI NA NDUNIA

GCMM 2018-2019

MWALI WA KWIYITUKA

NUNDU NDI VITII

NUNDU NDIKIKA

NINGUNAWA MUSALISA

NGATUAA MUVAKASI NGYA

**NUNDU NDISIIA KAMUUNDA NA KATHEKA KUTWAWA
SYUME**

SYUMASYE ITAMBUNYA

NDIKWATYA KUIMA NA KUITHYA

**NITHI TAUNI NGAMANTHAE KIVALUA NA MAVULYO
NASINDWA NI NZAA**

NDIKONAE KAMUTI KE MUUNYI NTHUMUA

NUNDU NI MUNDU WAMANA

NUNDU NIKIVWILA -NDYISIHA UVUKU WA NZEVE

NDYISIHA UVUKU WA KIWU

NDYISIHA KUMYA NA KUVUKYA MUTHANGA

**NOOAWA NIMAUVUKU AA MWIASYA NI NDETEMA NA
KITHOI**

**NUNDU NDI UKUMBAU WA MUNYAMBU NIKIVWILA TA
MBITI**

NDIUKITIAA WO

NDIKOKITIA KUA MALI YA NTHI

NDIKOKITIA KUUNGAMIA WO WANTHI

NGEEVITHAA MASANDUKUNI NGYUYA

NGANYUSAA MBUKU

NGEETONYAA MBUKU

NASYE KAUKIKIKA AKATIELE

**NUNDU NDYAATWAANA KANA KUTWAWA
NIIKYA KANA KAA
USUNGULA WAKWA UMANYIKE
NDIKAUKAIIAA**

NGOOYAA

**NUNDU KUIKIIKA NUTUMANU
NUNDU KUTHUKUMA TA VUNDA NUTUMANU
NGEKALAA MANA YIKAVAA**

**NUNDU UKO WAKWA NDWENDEKA
NITWIKA KIVWILA NGUNGUU
NITWIKA MUUKI
NITWIKA KIKUU**

**NITWIKA UKIAA
NITWIKA UKILITYE
NIKANA NDIKAAOVEWE KUNEENA WO
MOOKA UNGWATA NDIKALEA**

**NUNDU NDYIMANTHIA KYAUYA
NUAWE NI KIMOSA
NUAWE NI YUA
NUAWE NI UTUNDUU WAKWA**

**NUNDU NDYISUVIA MOWAU
NINISI KIKWU KIIVAASA**

**NAKWA VAIKAAITHWE WAKUNDIHA
NDIKAAITWE NDIKAATHIKWE NIEKEWA MBITI
GCMM 1989**

**MWALI WA NAI
MISYI ITESI MISYI
MISYI ITESI MBAI NDUHA KIVALO NA NTHI**

MISYI ITESI KUEA

SIASA ITE MIVANGO

USUMBIKI WA UMBAI

USUMBIKI UTESI KENYA

UANDIKWA WA UNENE

UANDIKWA UTATHUKUMIAA ANDU

UANDIKWA WA UNGEI

MALI ITAATHUKUMIWA

MALI YA KUYA

MALI YA MAIMU

UMANYI UTESI KITHIO

UMANYI KOVI YA WAMBULU

UMANYI WA UVUKU UTESI WO

SIENZI ITESI UMUNDU

SIENZI ITESI IYAITU

SIENZI ITESI KUTHUKUMIA NTHI

NTHI ITESI KUYAUMIE

NTHI ITESE SYITHIO SYAYO

NTHI ITESI UNI

NTHI ITESI NTHI

NTHI YISI O MBAI

NTHI YISI SYAMA SYOTETI SYISI O MBAI

TUKAUMBULA INDII

UNI WIKAVAA NDWETELAWA NA UTUMANU

UNI WIKAVAA NDWETEELAWA NA IMBUKU

GCMM 2018 -2019

6.KINTHINI

MWALI WA ILIKO

KYUMBO ONA KI KINOU KIYIKWATIHA TOONI

KIAMUKAWA MASUILUNI NI KILIKO KITAKOMAA
KIVUKYONGE ANATWIE VAI KIVINYA KWI KILIKO KIUU
INDI KYUMBO KIIKYONAA NA KIIKESA
ONENYU MUYAAKYONA MUIKYONAA NA MUIKESA
KILIKO KIINOAA
KIITHUMUAA ONA KYUMBO KIKOMETE
KILIKO KI UTUIKA UTATHELAA

MUIKONA KUNGUNYENYE SYAKYO
MUIKONA KIIVANGA WIA WAKYO
MUIKONA KIIVANGA MESILYA MAKYO
MUIKONA KIIOTA NDOTO SYAKYO
MUIKONA KIIKELA MIVANGO YAKYO
MUIKONA IYOO UMUNTHI UNI AUKE NA MBEE SYAKYO

KILIKO KIII NDUU NA SYINDU
INDI NOKITAVASYA KYUMBO KIMANTHAE
SYA KUKITETHYA
SYA KUKIVITYA
SYA KUKIVWIKI
SYA KUKITWAA VANDU
SYA KUKIITHYA

SYA KWINYAATIAA
KWOOU KYUMBO KIO MUSYI
KIO MBEU NA ESUKUUE
NIKYATIWE KWOOU KIO THOME

NIKITUMUASYA MA MUSYI

NIKITUMUASYA ATUI

NIKITUMUASYA AVITI

NIKYOSETHASYA NTHAKAME

NIKINEENASYA ONTHE

NIKINEENEA NDUA KIVALO KUVIKIA NTHI

KILIKO NIKYANENGIE KYUMBO IVINDA

YA KUSYAWA

YA KWIANA

YA KUSOMA

YA KWENDANA NA KWENDWA

YA KWITIKILWA NA KULEWA

YA KUMANTHA

YA KUOTA

YA KUTANA

YA KUIA

YA INEE

YA TEI

YA KUIKIIA

YA KUKAIA

YA KULEA

YA KUSEA NA KUSEWA

YA KWIVIKWA NA KWIVIKA

YA KUTHATA NA KUKENYA

YA KUSANZAIKA

YA KUKUA

YA KUTUANGA EKA KUTINIKA

KYUMBO KIMWE KYASYAIWE MUKAUTI WIKUNDIKITE

KYOONGA NOMUNYILI KWOOU KWONZA

KILIKO KIYAAKWATWA NI MUNYILI

KILIKO KYAKYO KYAI KYAALIKILE NA UTUIKA UTAATHELA

KYEEIE KYUMBO KIU KIYE MUTHANGA

NIWAMINIE MUNYILI

NDWAAMINA WONZE WA KYUMBO KYU

ILIKO SYOONTHE SYEEIE SYUMBO ISIIASYE

NAINDI IIKULASYA KII NIKYAU KYAKI NAINDI NIKI

SYAKULYA ISU IKAIALYULILAA

NA IIELEAWA

MAKULYO AA MAINGI MASYUMBO NIMATHOKOAA AINGI

MAKULYO MAMBIIE SYUMBO SYIO IKUU

MAYAATHAMA NO METHIKITE TA MATENZAWA

AI WIASYA SYUMBO II NISYA UNI ?

IYAVITIE ?

IYAUMIE KUASA ?

IIVAA UMUNTHI ?

IIVIKA UNI ?

IIKAVIKA MBEE WA KWITWA ?

IIKAVIKA KWINWA ?

IIKAA TE MII ?

NISYIYISI ?

NIMUSYISI ?

NIMASYISI?

NIMWOONIE UNI WASYO ?

NIMWOONIE AUKE NA MBEE MUNO WASYO ?

NIMWOONIE ILIKO ISUNGIA II SYA SYUMBO ?

ILIKO NOILIKANASYA SYUMBO USUU WA MWEE

MBISU SYA MAKANDA

MBISU SYA MATUMA

MBISU SYA MUKEU

MBISU SYA MALENGE NA MONGU

MBISU SYA MUTHOKOI

NAINDI NDUMBIA SYA MAKWASI SYIMBEE WA II

IILILIKANASYA SYAMUKAAWA

IILILIKANASYA MUSELE

IILILIKANASYA MUKATE

IILILIKANASYA MBIVYE

IILILIKANASYA SUVU

IILILIKANASYA SYAUSYIMI

IILILIKANASYA NGITI MBYU

ILIKO NOILILIKANASYA SYUMBO YIULUKA TA MASAU

ILIKO NOILILIKANASYA SYUMBO YIULUKA TA NZEVELA

ILIKO NOILILIKANASYA SYUMBO YIULUKA TA TUVULI

ILIKO NOILILIKANASYA SYUMBO YIULUKA TA MBOLOSYA
ILIKO NOILILIKANASYA SYUMBO YIULUKA TA NDUNDULU
ILIKO NOILILIKANASYA SYUMBO YIULUKA TA TUKOSO
ILIKO NOILILIKANASYA SYUMBO YIULUKA TA TULUI
KYUMBO KIMWE KYAIIIE MUNO MUKUUE AI SUKULU
NUNDU VILIVILI WA KILIKO NIWALEILE SYAWANA
KYUMBO KYAMUATIHA NOKYA MUKWATIE

KYUMBO KYAMINA YAMBEE KILIKO NIKYEESI KIKAKWATA
AAWAMWENDYA MAKE KILASINI KYA MBE E IYAKELI
NTHAKAME YA AAINYA YAI VYU
KYUMBO KYONZE KYOKITIAWA NI NGUTHU II
YAKATATU YAI YA KYUMBO KWINYATIHA KIKYOKA KUASA
KIYEESI YAI IVINDA YA KUVUNDIWA NI KILIKO SYOOKITE
MBULU KIVELENGE AATIIE NZUENI AKIUMIHA WIYATHI
WAOTEAWA

NITAWAKIVUNDIASYA UNDU KIKAUAMIWA WIU WAKYO
NDUNIANI

MULI NA MATI MAKITHUTHISYE KYUMIISYE KIKASOMEA
NZA TAMO

NOKYATATIE KUSUNGA MUSOLO WA YELA WA MELEKA
KYANENGAWA USUU NGIMA MBEMBA NA MBOKA YA
NGULU

KYAMINA KYAI UU TEE

UU TEE WAVINDUAWA MWALIMU WA UNIVASITI

ILIKO SYA MAMEETAA UU NISYAATHIMIIE SYUMBO MBINGI ISU

ITHOOI SYA KYUMBO KIMWE KUI NA KUSOMEA MELEKA SYAI MUO

KYALILE SYAA NDUNYU MBINGI KINENGWE MIVOTHI

KYAITHIWE KITHITU NASYO KIKASOMETHYA UNIVASITI

NOKYEANIISYE- WIKULYA AMAI KYUO MUONZANI

INDI THANTHATUNI MBULU SYASYAA UKAVILA KILA SEKONDI

KUKYAENDIE MAYUMBA MEUSI MAI ILONGA SYA KUATHAWA

MBELEETE SYA ISASI SYIO INGALYANI SYA KYUMBO KIMWE

ILIKO SYALEA INGALYA NISYASIIE SYUMBO SYEIKA KUUMIWA

VASIVOTI SYA NZA NISYALEILE SYUMBO IYUAWA

SYESILA KUTAKINYAA NYEUSI ITESI

ILIKO SYEIII SYUMBO SYEIKA IKENUKA NA MAUTHIA

ONAVALA IYAINA ITHOOI SYAUSOMA ITEUTHUKUMA

SYUMBO SYATUTAA NYUMBA NA IIVULYA MATIALYO ISYONE

SYUMBO SYENZAA NZIA NA KWOVA SITIMA ISYONE

SYUMBO SYATHAMBASYA MAITI ISYONE

SYUMBO SYAKETHAA NGANU NA MATINGA ISYONE

SYUMBO SYANENGANAA LIU NA NOSYATHINZAA NGULUE ISYONE

SYUMBO SYASIIASYA SYANA NYEUSI SYA MATHALE MOO KISYONE

KUU SYAENDIE

KUISAWA NGITI MBYU

KUISAWA MIKATE

KUISAWA NGII

KUISAWA SYOA

KUISAWA MBOO

NO NINI IISAWA KUU IISAWA KU

ILIKO SYEEIE SYUMBO KISOMO TIKYA ILASINI VOKA

SYEEIWE IKUNUIAE METHO NA IITHIANAA KILA KINDU

SYEEIWE IKULASYE KII NIKYAU KYAKI NAINDI NIKI

SYEEIWE SYISOMETHASYE ITE ILASINI

SYEEIWE SYITHUKIIASYE ONTHE NAIITWESAA UMANYI WOO

SYEEIWE SYATWA IKAKELELAWA NA IITIALILWA SYAINUKYA

**SYEEIWE ILEAE NA IIVUAA UKAVILA MAVINDA ONTHE
KWONTHE**

SYONGELEILWE IKWATANAE NA AMAITU MAVULILWE KUU

II NISYAMAUMISYE MBOLONGO YA NZUENI NA KIVELANGE

MAASYA NYEUSI SYANDUNIA IIKAUMILA

KAWINZI NA KITIKA NOMAMEITE OOU

NOSYO NGAVANA WAMEAA

**NOSYO EMU YEEIE UMAE WOMWE ENDA YAMBATYE
ATAVANYA AIU**

**NYEUSI SYA AVILIKA SYAI MELEKA ILIKO SYOO
SYAKWATANIE**

SYASOMETHANASYA SYOVE MBULU ILASINI

**SYATWEKANIASYA MAUMANYI ILASINI NA NZA
NISYATHANAA MIISYO**

**NISYENUKASYA MAITI MINYUNGO YAMO NDIKAAIE AMOO
NISYAUNGAMANIIE NGASYA NA MITWAANO
ILIKO SYAMEIE MASUNGAE MATANAE MAVUE UKYA NA
IVOU**

**MAYUMBA MAINGI MAYAAUMYA UTWAANI NA UTWAE KUU
ILIKO SYAMEIIE MOSE NTHAKAME NA MAINYAAIKYA YOO
KITHIONI VAI MBINGO SYA MATWAANA KUASA
EITU MAKUU NIMATWAIWE KU**

**AUME MAKUU NIMATWAIE EITU MAKU
KIANO AI AMBIIE IIKA YOO YI YAKATATU
NZIA YAKE -ATE LIVALOLI ITINA- YAI NDUNGALU
SYUMBO SYENUKA SYEETHIIE MBELI MBOTOMU NA MINI
SYEETHIIE MASAU MAENDIE
SYEETHIIE NZIA YA KITIKA ITAAIKIWA LAMI
SYEETHIIE MBALYA SYAKILILYE**

**SYEETHIIE NGONDU AVINGIWE KILUMI
SYEETHIIE KISUKE AVINGIWE KUSYIMA
SYEETHIIE KILUI KYAVINGIWE
SYEETHIIE MUSOLO WOOLILE
SYEETHIIE MBAI SYATWIKIE SYA EITU
SYEETHIIE ANDU MATWAIWE MWEINI UUNGAMII ULUME
KUMWE**

**SYEETHIIE UTONGOI WA KUYIAA MAVU MA ANENE
MANONOOKE**

**SYEETHIIE MAI YA KATATU IMWE MATAEVELELEKA NI
NZASU**

**SYEETHIIE MBULU SYAKUKISYE EMU SYATIHA NYEUSI AISEE
ILIKO SYEEIE SYUMBO SYAI NZA SYILINGILE ITHUIME
KENYA**

**IMANYE SYA MAWUMO NA MIKALILE YA MBAI SYONTHE
SYAYO**

IMANYE UMANYI WASYO

IMANYE UKWATI WASYO

IMANYE MAWITHYULULUKO MASYO

IMANYE MIENDELE YAKWO

**NAINDI ILIKO IIVULANYA II NA ISYAKELETE NZA IETWE
KUU**

**ILIKO SYAASYAA SYANTHI IYAMBIIAWA KWAKWA KIALANI
SYINZIAWA NDINGI KANA MUSINGI KITHIONI NA KIYU
MAASYAA NIMANYAKUIE MAMBIIE KIALANI MAENDEESYA
SYA MBULU**

**NANINI MOO MAAILINGILA MASOME SYA KENYA YONTHE
NANINI MOO MEESI KWA MBAI IINGI ATEO KWOO**

**MATIMBA AISYE ATE AMAI ALIANZI MAYEESI ANGI KUNGI
SYUMBO IMWE SYAMBIIE KWILINGILA NA LANDI LOVA
KATULILANGI KAA NIKATULAA MUONGO -KATULILE NYAKYAE
MAKUENI**

**YOO NDIKATULIKE SYAMBIIA KWILINGILAA NA SYASEMBA A
SAVALI**

**KUYAI SIMU IMETAANA EKA ILOVI USUENI NAKULU NA
KISUMO**

**SYAANANGIKA SYUMBO SYAKOMAA MITOKAANI NA
ITHANGATHINI**

**ILIKO ILILIKANAA ISU KUMU KWONTHE ONA KWEETAWA
NFD**

**MATUKU AA NOUENDE KWINGI SYAENDAA NA MITOKAA
SYONZE**

KWINGI KUYAI KWAUYA

TUTUNYU TWAI UKWAI MATIISII

UTETHYO WOONEKAA OKU

SYAUAA MAAMULI TUTUKANI MAIVIKYA KWA NDISII UUNGI

**SYAKUAA VETULO OILI KIWU NA SIVANA SYAISEUVIASYA
NGALI**

NOSYAKUIWE KUMWE NI MAVISII NA MATIISII ANGENDU

KU SYASOMAA MAVAILI MATENE

IIATIISYA KUTWEKEWA UMANYI NI ILIKO SYA AMAKU

**ILIKO SYOONISYE SYUMBO UKUMU KWATIITWE ITINA
MUNO**

**NOKUTIITWE -TYO WIWAA NGALAU IYUAA ATULUKANA
NANGI**

**ILIKO SYONISYE SYUMBO THINA MUNENE KWO WAI
UKWATI**

WAKELI WAI KIWU

WAKATATU WAI KISOMO

WAKANA WAI UIITI

WAKATANO WAI NZIA

II SYONTHE IINGAWA NI MAWITHULULUKO MOMU
MIVANGO YA MAENDEO KWO YAMBIWE MUONZA NA
MUONZA
KUVIKA NAYU UKUMU NOKUTIE
KENYA TUATIIAA KAMUSUVI KA NGONGOO KIMAENDEEO
TUYAA AIA MAUKUMU KIMANZA KIANIE - TITA TWISI
NOMAITU

TITA TWISI KWI NYAMA VETULO MOTANA NA MAMWAKI
SYUMBO SYEETHIE U UU TII UTE UKWATI MWIANIU
KWATWIKAA NDUKAASINDE AANDIKWA MUSAALA
SYASAANIWA UNDU IKASOMETHYA AMAOO
ILIKO SYASYIIE ITIE U UU TII KUU ITWAE KUNGI
SOMAA MASYITWA MOO ME UU TII AVILIKA NA KUNGI
NDUNIANI
SOMAA MASYITWA MOO ME AKELI MA MAENDEEO
AVILIKA

ILIKO TI VETULO UTHELAA
KWOOU SYUMBO IYAAIMINA
INEEIE SYUMBO IYUMBUKA IANDIKAE IMOONIE NA
MAMANYA
IANDIKAE NA NDETO NGITO IKIMA IKAAMUKYA MA
KENYA ONTHE
IELEASYE SYAYU SYI MBANGA SYA THAYU WANTHI
IINGITWE MBEE NI KULWA NI UMUNDU WA AMAENDIE

MBANGA SYA KULWA NISYAMO SYAVATA KWI KUSOMA
NA SYANZA

MBANGA SYA KWIKYA KITENE KYA KUEA MISYI NA NTHI

**MBANGA SYA KULWA KWIKAA WO MAVINDA ONTHE KWA
ONTHE**

MBANGA SYA KUVUTHYANYA KWA MAIKA

MBANGA SYA KUSEANAA KIMBAI

MBANGA SYA KUATIIAA UTETI WOKOLA

MBANGA SYA KUATIIAA USUMBIKI WOKOLA

MBANGA SYA KUATIIAA UANDIKWA WOKOLA

MBANGA SYA KUYANIAA OTUYUYIWA NATONGOI

**MBANGA SYA KULEA KUELEWA NTHI NDIANAA NA
SYEENE**

**MBANGA SYA KULEA KUMANYANA KWA MBAI SYA
KENYA YONTHE**

**MBANGA SYA KULEA UKWATAN YA NTHI SYA AVILIKA
YONTHE**

MBANGA SYA ISOMO ITETUVIKYA AUKE

**MBANGA SYA MIVANGO YA MAENDEEO ITETUINGYA USI WA
UKYA**

ILIKO IKANOA INDII INENGE SYUMBO KWILOELAA NDATA

MWONAA SYUMBO TI ILIKO SYI MASANGONI

**MUYAAONA UNDU SYI TEI -MUKONA TEI UU WASYO
INDII ?**

SYUMBO IITUMBUKA ILIKO IKOONAA MBEE WA NGANA

**IKATAVANASYA IENDEKA SYA KWAKA ANDU MISYI NA
NTHI**

IKATAVANASYA IUVUKYA ANDU MISYI NA NTHI

**IKATAVANASYA NAKWATHANA MAVINDUKO MEENDEKA
MOKITE**

**MATHAI WAI WA MAMBOYA AISYE
NDUMINA KILIKO KIYISI KISI VATA WAKYO KITE NGOMBO
KIVUKYONGE ANAISYE VAI KIVINYA KWI KILIKO KIUU
TUKAUMILA KIANDU NA KINTHI TWAMANYA II SYOO
AKENYA NITWEEWIE NA TWAMANYA ?
MA MAVU MANONOOKU NIMEEWIE NA MAMANYA ?
NIMESI NIMWISII II SYA MATHAI NA KIVUKYONGE ?
GCMM 2019**

MWALI WA NDUU KAUNI

**WOOKIE ISUKUUNI KUNGULYA TUKATE UMANYI SOMALIA
KWIKAU**

**MUUNGAMII WAKWO WASINDIWE NI AINDIINDI AI
AKUKIIE KUU**

**WAIWAENDIE KUVANGA ASIKALI MAMELEKA MAAKIE
MAKENGE KWO**

WATWAITWE NI SUKULU YA KUUNGAMIA YAI KAYOLAA

**YANENGETWE KANDALASI KAUSOMETHYA UUNGAMII WA
NDUA**

MENDAA MANDUA MATOKITAA MASOMETHWE KWINYAATIAA

**ELIKOVUTA NDIU NZIU YA MELEKA YAATHWA NI
AINDIINDI**

**YOOAIE ASIKALI MOO AINGI NA MUNYANYAWA MUKUNI
WA VISA**

NIMAKUKIE MATIANISYA ASUMALI NA KAU WOO

AMAMUNENGETE KANDALASI NIMENDAA MUENDEEE

ANENE MAKU NIMAKIIE KUENDEEA ASUMALI MAYUNUVANA

**NIWAVUTIE NA WOOKA KUMANTHA TUKASOMETHYE
AMATOKITAA**

TUYAI TWAAKOMANA

WAMBIIE WATHIWE NAMWE MAMUNENGAA MUVOTHI

**MAKWIIE NAI NAMATEEYE UMANYI KUU NA KUNGI
MUYAI MUNAVANGA SYAUSOMETHYA**

**KII KIYAAUMAKYA WAVANGIE TUKAIANDIKAE UTUKU
OTUISOMETHYA**

TWAVIKA KYAMBEE KYAI KUANDIKA MOLIAANI

KYAKELI KYAI KUKOMBOA TEKINIKOO

**MITOKAA LANDI KULUSA ITATU - ILI MBEE NA ITINA
YOWITU**

**MAVUTI MA MOLIAANI NA MAITU NUNDU NO
MATUVITHUKIE**

**TWAUIE II MBAKAALA NDUNYU NENE YA MONGANDISYU
YATESAA SILAA MBESA SYA MISYI NA SYA USULUSYA
TUYEESI KISUMALI KWOOU TWAMANTHA ALIMU
MAUTAVUTAA**

**KUTE SILIKALI NA KWI KAU KUANDIKWA NIKUSAANITYE
TWAANDIKIE WAI MUNENE WA MASUKULU ONTHE
SOMALIA**

TWAANDIKIE SYEIKI- MUTAVANYA MUNENE WA KIISILAMU

TWAANDIKIE WAI MUTALI WA MBESA SYA SILIKALI

TWAANDIKIE WAI MUNENE WA VENGI

TWAANDIKIE MWISIKYA NA MWITU WA SYEIKI

**TWAANDIKIE WAI NDAKITALI MUNENE WA SIVITALI YAI
NGUMA**

TWAANDIKIE MUVIASALA MUNENE

**TWAANDIKIE AANDIKWA ELI MAI ANENE SILIKALINI
IYAVALAANITWE**

MAYAUMITE MBAI IMWE

MAYAUMITE NGALIKO IMWE

NUNDU KAU UWAENDEEE WAIWA MBAI NA NGALIKO

NYUMBA SYAI SYAOMBOIWE NI MISINGA

TWALINDITHASYA SYA USOMEA NA SYAUKOMA KWONTHE

TWAANDIKAA KISUNGU NA ALIMU MAIVINDUA KISUMALI

**NITWAVINDUIAWA MASOMETHETYE MAYOKI MOSOMI
MAIKALINGISANE**

**WAANDIKAA SYA MIVANGO YA UKWATI NA UTALI WA
MALI**

**NAANDIKAA SYA MIKALILE NA MIVANGO YA MISYI NDUWA
NA IVALO**

NTHI YIKAU NISAANASYA

**TUUENDETE MBAINDOA MOLIAANI MAITU MOOAIE
KAMWANA**

KAENDETE NA NZIA KATAKWETYE SITU

MAYAATHA NO NGUMI NA NTHEELE

TWAKULYA ALIMU MAKWO MATWIIE KYU TIKINDU

MATWIIE TUIKAKULYE -MOLIAANI SYATWONASYA UUME

**TUYAI TWAMBIIA KUSOMETHYA MONGANDISYU KITINA KYA
KAU**

**TWAMBIIE NZOA MBEE -KAU WATUATIIA TWATHAMIIA
MBAINDOA**

TWOONA TUTAMINA IVINDANI TWAANA MASOMETHANYA

NATHI NGOLE WESAA KUATHIWA MBAINDOA NI AINDIINDI

**OOKIE AKULITY E VA NINAKU TWAI -MEETHIWE
NIMATANDIKIWE**

WAI UVIINGIE SUKULU NA UKAKOMBOA NDEKE WINUKE

TWAI TWATISYIWE MBAINDOA

TWATISIWE NI KIVETI KYAI NGYENELOO

KYATUETEEAA IIA TWAEMWA NI TULUNGI KIYOVETE SILAA

**TUYAAMANYA KANA KYAI KITUME KANA NO UTUIKA
KYATWONASYA**

TUYAAMANYA KYASUKIWE NUU NA KYAI NGUTHU YIVA

**TUYAAMANYA KANA KYENDAA MAVUTI MAIKINGA
TWAINAMO**

**TWI MBAIDOA TWOONIE MOLIAANI IIATHA MASYEIKI
MATAKIITAWA**

KAU UTANOKA MANENGETWE NDAIA MUNO

**KAU WAKAMA IVISI SYAMESYA MAVUTI NISYEYIKIIE
MAVINYA**

AINGI MOO MAIVAWA NA MUKUKA

**MOLIAANI SYAISAA MUKUKA KAVANDANI TWAI TULUNGINI
MASYEIKI MAMASISYA NIMAATHIWE**

**MANGOLE MAVUIE AKOLONI MYAKA MINGI MAILEA
KUMELWA**

KULEA SYANZA NI KUKAMU KWI KUUNGI SOMALIA ONAYU

NGAVANA WAKWO OOKIE AVUVUANITE KUTWASOMETHASYA

**ATUMITWE NI NDONGOI YA MASHEIKI ATUKULYE
MATWIKIIE MBOKA**

MBOKA YAI YA TUMAELESYE UNDU TWAMANYIE SYAKWOO

**TWAMEIE NISYAANDIKIWE NA NISOMETHAWA MAUNIVASITI
NDUNIANI**

NGEWA NDYAATHELELA VAU

MATWIIE TUMAELESYE SYA ATWAMUTIITE MBAINDOA

NIMEESI MBEE WAI WAENDIE MAKU KUVANGA USOMETHYA

NIMEESI WASYOKIE KWO UTAUMITE KAYOLAA

**MENDAA KUMANYA AWAINAMO MBEE MAENDIE KU NA
NIKI**

MASAANIWE MUNO TWAMEA WASYOKIE NUNDU NATUI

TWAMATAVYA ISU MAKILILYE TA ISAA

NAINDI MAKULANYA MO ENE ISAA YINGI

**NEEIE SYEIKI WAITU AEKE KUNDAVUTIA MAIKONE TA
TUUMASUKA**

MEEWANA MAMWILITILYE MASAA ANGI ATATU

**MAMUKULASYA KANA NITWAATIIAA MWIKALILE WAUISILAMU
ILASINI**

NIMEESI TWENDAA NDUNYU IMWE KWATHITHANGA

**NIMEESI TWAENDAA KUTEMWA NINZEVE - NGOLE VE SUA
SUA**

**NIMEESI TWI NZOA MBAINDOA NA NGOLE TUYAASYIMA
MOO**

NIMEESI MOO MAYOOKAA KUTWASOMETHASYA

NIMEESI TWAMBIIAA MASOMO MBOYA YAMBEE YAVITA

NIMEESI TWAMBIIE ISU NZOA

**NIMEESI NOSYO TWAATIIAA NGOLE NA WAATIIAA
MBAIDOA**

MAMINIE NA KWIA SYEIKI WAITU
NIWE WATUVUNDIISYE SYAKWOO
KITUMI NINAKU TUYAI AISILAMU
KITUMI NINAKU TUYAI TWAASOMA NDINI YOO
KITUMI MAKENYA NITWAMAVUTHITYE
KITUMI MAKENYA MAINENGAA MOO NDAIA

SYEIKI TWIANENE NA WITWA WAMWENDYA
AMASUNGIIE NDAATUSOMETHYA
AMASUNGIIE TWAETIWE KWO NIKUSOMETHYA IUNA NDU
KWOKA
AMASUNGIIE TWAVUNDIISYE ALIMU MATAI MAASYIWA
AMASUNGIIE TWAMAVINYIITE MUNO KUSOMETHYANI KWOKA
AMASUNGIIE TWATAVUSILIAWA KILA KINDU MASOMETHETYE

AMINA II SYEIKI MUNENE WAKILITYE NDUUTHINI YA
NDETO
AUNGAMIE NA ASYA NIMUTHENGEE NINA WAMWENDYA
AISYE NDAONA MAILENYE KYUMBO NA KILIKO TAITU
MATE UKO
ATUATHIMA EETIE ALIMU AANGI ATUATHIME ITHYONTHE
AMINA EEA AANGI MEMANYISYE KUSIISYA KWIWA NA
KUELEAWA
AMWE MOO MAITUMUA NIWAMAKANDIIE MOMBUIKE

MATHI ATWIIIE AINDIINDI AVANGITE KUMUVITHUKIA
MBAINDOA

NITWATATIE SIMU MBINGI MATUKU ATANO TUUTAVYE
NDYISI SYEIKI UU MUNENE AMANYIE II ATA
ESIE UNDUMANA NINA WAMWENDYA ATUNE SIMU
TUIUKUNIA WAI WAMANYIE UKANYAAIKYA AMASOMAA
NOTWEEKULILYE NIKI SIMU YAKE ITAIMBITE TAIINGI

TWENUKIE MASHEIKI MAIKATHA MAI MBAINDOA NA
MAINGOLE

MAISYE MAYEESI MAKENYA NIMAMANYA SYAKWOO
MAISYE MAYEESI MAKENYA NIMAMANYA MIKALILE YOO
MAISYE MAYEESI MAKENYA NIMASOMETHYA MIVANGO
YAKWOO

MAISYE MAYEESI MAKENYA NIMANENGA MAKWOO NDAIA
MAISYE MAYEESI NITUSOMETHYA TUTEUSYIMA MAKWOO
NA SYOO

TWENUKIE TUVITE TA MBISU IVETI SITU ITEUTUMANYA
MAYAELEAWA SUA SUA NIYOYATUVAKITE LAMI
INDI TWAINA IMANZA

TWAIWIWE KUSOMETHYA

TWENUKIE ASUMALI MAKUU MATAVIWE ITWASOMETHASYA
TWENUKIE ONAMOKITANITHASYA MAIKULYA TUKASOMETHYE
KWO

UKUMBAU NUTUNGIAA MWENE MUVEA

WAKU SOMALIA NIWENDEEISYE AMAUMITYE MIVOTHI
MAUNENGIE SYOO MBINGI UAIAE MA VIASALA NENE
AVILIKA

KENYA WANENGAE AINDI NA MBULU

**NYEUSI IYAIKIIAA NIWANENGETWE UUNGAMII WA MBINGI
UU**

**MENDA SYOO IKUNIKILawe NI MBULU NIWALEILE
UTUNDUU WOO**

**UKOLONI UWALUMILE AVIASALANI AIU ANENE KUU
NDWAATHELA**

**NOWAMBITIE NGELE AMENDAA UKOVI UKANDA NA
TANZANIA**

**NYEUSI UKANDA NA TANZANIA IYAALeA NYEUSI
IIKUNIKILA SYOO**

**NINAKU TWAITWAKUNIKILILE VIASALA NTHI INGI NYEUSI
ITATULEA**

**NDUKAKULYE TWIETeWA LIU NA SYAIWANDA NIKI
TWALEWA KUU TWATESAA UMANyI NGALIKO TUIMANTHA
TUEE**

**TWASYOKA NITWATATIE KUKOMANA NA MASILIKALI
TWENDAA TUMATAVYE ITWAMANYIE SYA SOMALIA
TUMATAVYE SYA ATUI TWOVANITWE NI MAWITHyULULUKO
NUNDU NITWEESI IMWE NTHUKU SYA UTUKIMA
UU WAEMIE AANDIKWA MASYA TUI NDEVE UNDU
TUMATAVYA**

**WAISYE TUKAMAKA - MAITUKIMITE KAINGI ? TUYATWAIE ITA
KWO ?**

AVAKWA NO MUVEA NUNDU WOTUIKA WAKU

**NUNDU WA MIVANGO YAKU NA UU WAKU MATHINANI
MA WIA**

**IMANZA SYAWO NISYAAKIE NDUU YITU
TWESIE ITUMIA WAWAA NA TWAWASYA
NO TUKOMANAA TUKAYA TUKASAMA TWETEELE TUKANA
TUYAAMANTHA TUTEVE -TWATUKOLILE TWI MUIGO
TUISOMA
GCMM 2019**